

*image
not
available*





BIBLIOTECA NAZ.
Vittorio Emanuele III

XXV I I

A

39
NAPOLI

XXXVIII


A

39

~~38~~

~~4~~

~~22~~





RHETORICA ECCLESIASTICA

A D

TYRONUM INSTITUTIONEM,

Cum brevi Appendice

Nonnullarum Orationum, quæ tùm in
Oratoriis privatis, tùm in Spiritua-
libus Exercitiis tempore Mis-
sionum haberi solent.

AUTHORE

D. THOMA BARI

SACERDOTE CAMPIENSI.



NEAPOLI, M. DC. XCI.

Ex Typographia Jacobi Raillard.

Superiorum permissu, & Privilegio.

1. The first part of the paper
describes the general situation
of the country and the
population.

2. The second part of the paper
describes the general situation
of the country and the
population.

3. The third part of the paper
describes the general situation
of the country and the
population.

4. The fourth part of the paper
describes the general situation
of the country and the
population.

5. The fifth part of the paper
describes the general situation
of the country and the
population.



VIRGINI DEIPARÆ,

Integerrimæ Puri-
tatis Matri,



Nullum penè, dixerim,
ex privatae palestræ
tenebris in publicæ
juris lucem prodit
Opus, quod Patroni
alicujus nomine si-
gnatam haud præferat frontem:
Hac equidem ratione, ut illius ful-
tum præsidio tutius per Orbis oras
vagetur; & si non proprio, alieno sal-
tem ex merito lectoris sibi benevo-
lentiam paret, vivendi perennitatem

a 3.

acqui-

acquirat. Hunc ego Scriptorum morem sanè non improbo; quin & ultroneus sequor; Nihil enim in meo vulgari Opusculo dignum reperio, quod gratiam apud emundæ naris viros promereatur; adeòq; in despectum fortasse abiret, vixque ortum oblivionis occasum offenderet, si patrocinio vacuum publico usui committerem. Sed nec Patronum utcumque, aut unde libet quærere satis duxi. Magni, ac superni Numinis tutela communiendum fuit; id Operis instituto exigente; ut, quoniam Evangelicas Veritates suadendi, piosque erga res spirituales affectus excitandi artem docet, nec quidquam Oratoriæ facultatis vires ad id profunt, nisi occulta vis de super Arti pondus faciat, Divinoque afflatu voluntas humana excitetur; meritò in tam operosæ Artis opem Divinum sit præsidium postulandum. Tibi igitur, ò Virgo Deipara, perpetuæ Puritatis Mater, Opus hoc sisto; te in Patronam accieo. Aliam postulari dexteram, aut præstolari auxilium non de-

decurt; Tu enim ad vocationem nostram agis in Cœlis, eoque sedulo incumbis, ut quicumque à veritatis via per peccatum aberrat, ad Cælestis Patriæ sinum per pœnitentiam revertatur. Quod non solum per te, apud Deum Patrem in Cœlo; verum, & per alios præstas in Terris, cum Evangelicæ Vineæ cultores ad laborem adiuvas, & in eorum labore fructus operaris uberrimos. Tibi itaque, atque uni tibi, Animarum lucro jugiter laboranti, mea hæc lucubratio, Animarum saluti intenta, debetur. Quid quod tuis auspiciis cœpta, tuo favore promota, & absoluta est? E Maris sinu flumina oborta, eodem postmodum refluentia, mare non respuit. Quidquid est in hoc libro, abs te est: redeat ad te, vivat per te; & tui Numinis tutelæ subiectum, excipe libens, fove propitia. Munus quidem exiguum; sed Affectum metire potius, quàm censum. Vellem equidem majora tibi jam dedere, ut innumeris beneficiis tuis, quibus obstrictus vivo, gratum animum exhiberem;

rem; sed per vires non licuit. Accipe,
quæso, quod potui: Redona, quod
optaram: Et interim si quid merui,
hoc unum præsta, hoc unicè rogo,
ut, sicut ego beneloquendi Artem
Tyrones doceo; ita & tu, cum apud
æterni Judicis tribunal causa age-
tur mea, prompta ad sis, parata assis-
tas, & *pro me loquaris bona.*

**Humillimus Cliens, ac
Servus inutilis.
*D. Thomas Bari.***

Authoris protestatio Ad Lectorem.

T Emerè factum putes, si quis re militar-
leuiter instructus, ipsos emeriti stipen-
diis Duces arma gerere, aciem dirigere, ho-
stem subiicere audeat edocere: & cum peri-
rioribus disciplina bellica Magistris se exa-
quare confidat. Hanc ipsam temeritatis no-
tam mihi abste, Lector, iniuri non decet;
numquam enim id mihi suscepi, ut emeritos
Oratoriae Artis Professores amulari conten-
derem. Pusillitatis mea memor ad sublimia
Eloquentiae fastigia caput attollere non sum
ausus. Majorum celsitas demiranda est, non
affectanda. Sed ne gnaris quidem, & in Ar-
te versatis Viris Artis leges praescribere fuit
in animo; quis enim adeo imprudens, ut Del-
phines innare doceat? Quod ad scribendum
impulit, Authoritas fuit iubentis, non pra-
sumptio mentis. Idque non ut paranda mihi
gloria iter patefieret (Ridiculum quippe foret
laureolam in mustaceo quarere) sed ut bre-
uem, & facilem discendi methodum Tyr ones
haberent. Ideò praxim addidi, & exempla,
Gerulorum, ut ait ille (1.) morem secutus,
qui Pueros suos non modò pedes alternare,
sed etiam manu ductos praerentes sequi do-
cent.

(1.) Radau. in Prælocutione.

cent. Alii igitur meliùs, ego brevius: Illi or-
natiùs, ego ad tyronum institutionem for-
tasse accommodatiùs. Caterùm qua scripsi,
ex aliis accepi, de meo penè nihil: Quin &
aliorum verbis sapè loqui placuit, praesertim
in iis, qua nec clariùs, nec brevius dici po-
tuisse visa sunt; ut, quod alieni laboris est,
planiùs agnosceretur, ipseque illorum aucto-
ritate tutiùs inciderem, & maiorem Operi
fidem compararem Laborem hunc, utut est,
benigne Lector, equi, bonique facito: Es se
Tyro es, lege; habes enim multa, qua discas:
Sin minus, etiàm legere haud pigeat; erunt
enim plurima, qua humanitas excuset tua.
Vale, & fruiere.

EMINENTISS. SIGNORE.

D. Tomaso Bari desiderando dare alle Stampe un Librettino intitolato *Rhetorica Ecclesiastica* da se composto, supplica V. Em. perche ne commetta la revisione, à chi meglio le piacerà, ut Deus.

Rev. Canonicus D. Carolus Celano videat, & in scriptis referat. Dat die 15. Novembr. 1690.

SEBASTIANUS PERISSIUS VIC. GEN.

EMINENT. DOMINE.

I Ussu Eminentiae Tuae sedulo vidi librum, cujus inscriptio *Rhetorica Ecclesiastica* Authore Admod. R. D. Thoma Bari, nihilq; in eo reperi, quod Sanctae Fidei, vel bonis moribus obstat. Immo nil habet, quod utilitatis, & directionis non sit piis, & Evangelicis Orationibus: Typis igitur mandari poterit si ita Eminentiae Tuae visum fuerit, Neap die 20. Januarii 1691.

Em. Tuae Rev.

Humill. & Addictiss. Servus
Canon. Carolus Celanus.

Visa superscripta relatione. Imprimatur. Dat.
die 8. Martii 1691.

SEBASTIANUS PERISSIUS VIC. GEN.

D. Eligius Caracciolas C. R.

EXCELLENTISS. SIGNORE.

D. Tomaso Bari, perche desidera dare alle Stampe un Librettino intitolato *Rhetorica Ecclesiastica*, supplica V. E. perche ne commetta la revisione, à chi meglio le pareà, e l'haverà à gratia, ut Deus.

Rev. Pater D. Antonius Torres videat, & in scriptis referat.

CARRILLO R. SORIA R. MOLES R.
MIROBALLUS R. JACCA R.

Provisum per S.E. Neap. die 27. Martii 1691.

Spelt. Reg. Gaeta non interfuit.

Anastasius.

EXCELLENTISS. PRINCEPS.

EX Commissione E.T. legi opusculum, cui titulus *Rhetorica Ecclesiastica*: in eo nihil Regiz Jurisdictioni non consonum; cum Evangelicz vis prædicationis & ad effrænes coercendos populos, & ad reddendos Divinis, Humanisque legibus obsequentes valeat apprimè. Quare poterit Typis mandari. Aedibus S. Nicolai die 28. Martii 1691.

Servus addictissimus
*D. Antonius Torres Piorum
Operariorum.*

Imprimatur, verum in publicatione servetur
Regia Pragmatica.

CARRILLO R. SORIA R. MOLES R.
MIROBALLUS R. JACCA R.

Provisum per S.E. Neap. die 3. Aprilis 1691.
Spelt. Reg. Gaeta non interfuit.

Anastasius.

VA.

VARIA IN AUTHOREM , ET OPUS
EULOGIA.

D. CAROLI MACI,

SACERDOTIS CAMPIENSIS.

S Axæ dum mollit cantu, dum pectora mulcet,
Threiciam celebrant Sacula prisca lyram.
Carmine sistit aquas, montes docet illa moveri,
Illa docet gentes, dum loquiturque, loqui.
Suavior at Thomas, Thomas magè dulcis at Orpheus;
Eloquiū sacros edocet arte modos.
Lector, cerne vetus quàm cedat fabula Thoma:
Illa profana docet dicere, at iste Deum.

D. CAROLI ANDREÆ MARTII

SACERDOTIS SALENTINI

N On hic elato proffat fucata colore,
Elatovè tumens Snada supercilio.
Nequaquàm hic gerras, non sesquipedalia verba,
Ad Populi plausum, texere norma datur.
Snada quidem hæc est, sed casto bene compta decore,
Doliæque Apostolica corda ciere tuba.
Hanc igitur vultu complectere, Lector, amico;
Præbe & in æternum cedrina $\mu\upsilon\eta\mu\acute{o}\sigma\upsilon\nu\alpha\nu$.

D. JOANNIS BAPTISTÆ

NOTAR ANGELI SACERDOTIS.

R Heterices edunt immensa volumina multi:
Novimus exiguum te lucubrasse librum;
Omnia qui paucis complectitur, omnia clarè;
Hinc liquet, ingentes exuperasse tomos.
Ærea sic magna quàm multa numismata molis,
Aurea plus, quamvis parva, moneta valet.

Ejusdem.

Parodia ex M. Val. Martial. lib. 10. Epig 4.

Quilegis Aphthonios, caligantesque Sophistas,
Marcos, & Fabros, quid nisi vana legis?
Quid tibi fucus iners, quidnam tectoria lingua,
Quid tibi bullatum proderit Eloquentum?
Prædulcesvè tropi sciolis recordibus, aut quod
Emittit cassos futile schema sonos.
Quid te vana juvant levium ludibria vocum?
Hoc lege, quod possis dicere jure, bonum est.
Nambis ampullas, non tricas, illecebrasque
Invanies: Animam pagina nostra juvat.
Si verè vis ergo pios inducere mores,
Et scire, ista tegas dogmata Rhetorices.

PETRI DE SIMONE.

DISCIPULI OFFICIOSISSIMI.

Verna dies vultu placido vix redditur Orbi,
Pistaque florenti germine ridet Humus:
Frodit Apis linguens ceratum corticis antrum,
Compleat ut vacuos sedula melle favos.
Evolat huc, illuc: lectis circumstrepit herbis:
Persusis hæret floribus imbre comas.
Narcissi lacrimam carpit, tenuemque liquorem,
Insidit calthis, libat odora tymos.
Inde rosas petit, inde Crocos, violasque, Hyacinthos;
Rotatas molli gutture fugit aquas.
Mox ad testa redit liquenti pondere onusta,
Et stipat ceris aurea molla fusa.
Haud aliter Thomas celebres adit Arte Magistros,
Dogmataque ex illis utiliora legit.
Construit inde suum mira brevitæ libellum,
Nectare jucundum, non minus ingenio
Quin longè jam præstat Apum labor iste labori:
Mel linguam mulcet, Corda sed iste movet.

Ejus-

Ejusdem.

Commendatur Authoris Patria.

VNdique luxuriant tua circum frugibus arva,
Finitimos Populos ubere messis alis.
Hinc tibi triticea surgunt pro stemmate arista;
Hinc resonant nomen proxima quaque tuum.
Tanta es, Corporea quod vita alimenta ministras;
Quodque foves escis corpora fluxa tuis.
Quanta eris ergo, tuo cum nunc è germine prodit.
Unde habeant anima vitæ alimenta sua?

NICOLAI PERELLI

DISCIPULI PERBENEVOLI.

HEc, quot caca modis hominum mens deviat! Eheu,
Quam facile vitiis flectitur ipsa suis!
Hos agit in soræes fæde petulantia Carnis,
Et putrent miseri tabe Cupidinea.
Hi vanos vigili studio sectantur honores,
Ventosa insomnes ambitione furunt.
Sæva urgent alii Populos ditione per Urbes:
Auro alii vendunt Jus, Patriamque, suos.
Nulla fides usquam, concordia nullibi; ubique
Furta, doli, insidia, jurgia, bella, neces.
Ergo tamne ingens Animarum turba peribit,
Obvia nec tantis sit pia dextra malis?
Hoc Opus, abiecta prodit quod fronte, monendi,
Atque movendi animos dogmata sacra docet.
Huius ope à Vitiis Animas devellere, & Orco
Ereptas poteris restituisse Deo.
Perlege Apostolicam quisquis contendis ad artem,
Parva via est, methodus plani, laborque levis.

NICOLAI DE ANNA.

Quisquis Apostolici quæras attingere culmen
Muneris haud longa, difficilique via.
Huc huc: exiguo docet ecce volumine Thomas
Nemine doctrina, vel pietate minor.
Hoc opus Angelicum sanè: brevis esse laboro,
Obscurus fio, Flaccus in arte canit.
Hæc verò in parvo mira brevitate libello
Omnia Phæbeo claris ore micant.

Ejusdem.

Corpora Niligena qua lumine cæssa vehebant
Ad tumulum, Baris parvula cymba fuit.
Ad vitam, portumque animas jam funere mersas,
Præco sacer, Bari, quis revocare, duce.

PETRI DE ANNA.

DEciduos quicumque velis decerpere flores,
Qui cito marcentes utilitate vacant:
Sponte tua potes hinc aliò convertere gressus,
Quò nugatorum perdita turba vocat.
At si te fructus capiant, hic servidus instes:
Tam facile invenies nullibi, quidquid amas,
Indicat ecce via Thomas brevioris desertus,
Qua possis amplos arte replere sinus:
Inde tot exsat urans animas recreare miscellas,
Quæ tabent ægra, depereuntque fame.
Huc accede igitur, florumque evanida mitte
Prætula, si sapias, nil opis inde feres.
Floribus egregios quisquis præponere fructus
Ambiget, hic equidem stultus habendus erit.

Del Dottor
GIOVANNI CANALE.
SONETTO.

TOMASO, ò tu, ch'ad instruir gl'Ingegni.
Per condur l'Alme al Ciel, trarle dal Mondo
In poche Carte alti Instituti insegni
Col chiaro stile, e col saper profondo;
Con penna industriosa à i fogli or segni
Il modo di fuggir dal Mondo immondo,
Gl'Imperiti rendendo e saggi, e degni,
In brevi note dicitor facondo.
Delle Norme crudite al tuo governo
Fia da giovani Alunni instrutti appieno
Ricco l'Empirico, e povero l'Inferno.
La Dea volante or tè d'Encomj pieno
Porta per l'Universo à fatti eterno
Del Campiese suolo Angel terreno;



Del Dottor

GIVSEPPE CASTALDI.

S O N E T T O.

A Urentiche di fede il Ciel'ammira
De' TOMASI le penne . Ecco a' tuoi lampi,
Raggi del Sol d'Aquino, ò fior de' Campi,
Oscura i suoi miracoli Stagira,
D'Ogni Greco saper l'Arte delira ,
Sedè voci,e di penne avette i scampi ;
Mà d'Alme eterne à riparar gl'inciampi.
La Rettorica tua, TOMASO, aspira.
Ristretta in pochi fogli il Ciel raduna
D'un abisso di luce opra sì chiara,
Al cui splendor ogni virtù s'imbruna.
Non è d'Eroi la nostra Etade avara,
Degli Alunni di Piero ecco la Cuna,
De' Maestri d'Atene ecco la Bana.



INDEX

Quæstionum, Capitum, Sectionum,
Articulorum, & Punctorum,
quæ in Ecclesiastica Rhe-
torica continentur.

- R**hetorica Ecclesiastica quid sit. *Quæst. 1. pag. 1.*
Quis finis Ecclesiastici Oratoris, quod Officium,
quæve ipsiusmet Officii partes. *Quæst. 2. p. 2.*
Quot, & quibus rebus Sacra Eloquentia compa-
retur. *Quæst. 3. pag. 4.*
Materia Ecclesiastica Rhetorica quid, & qua sit.
Quæst. 4. pag. 10.
De Numero Partium Rhetorica.. *Quæst. 5. pag. 12.*

P A R S P R I M A.

De Inventione.

C A P V T I.

- D**E Propositione, nonnullisque in Propositione ser-
vandis. *Seç. 1. pag. 13.*
Quomodo efformetur Propositio. *Seç. 2. pag. 14.*
Divisio Propositionis quare necessaria, & quot modis
fiat. *Seç. 3. pag. 18.*
Divisionis Virtutes, & Vitia.. *Seç. 4. pag. 20.*

C A P U T I I.

- M**ethodus paranda Sylva specialis. *pag. 21.*

CAPUT III.

Methodus paranda Sylva Generalis. pag. 24.

CAPUT IV.

Loca Communia, quanam sint, & in quot Genera dividantur. pag. 26. & 27.

Loci Intrinsici quot, & quanam sint. Sect. 1. pag. 27.

Loci Extrinseci qui dicantur. Sect. 2. p. 44.

De Divino Testimonio. Sect. 2. art. 1. pag. 45.

De Humano Testimonio. Sect. 2. art. 2. pag. 48.

CAPUT V.

DE Argumentatione. pag. 54.

Argumentationis Oratoria divisio in duo principia genera. Sect. 1. pag. 54.

Alia Oratoria Argumentationis forma. Sect. 2. p. 58.

De Varianda Argumentatione. Sect. 3. pag. 63.

CAPUT VI.

DE Amplificatione. pag. 64.

Amplificationis partitio in duas species. ibid.

Amplificatio Verborum. Sect. 1. pag. 66.

Amplificatio Rerum. Sect. 2. pag. 67.

De Figuris Amplificationis. Sect. 3. pag. 74.

De proprio Amplificationis loco in Oratione.

Sect. 4. pag. 74.

CAPUT VII.

DE Diminutione, seu Exennuatione. pag. 74.

CAPUT VIII.

DE Animi Affectibus concitandis. pag. 75.

Apta Oratoris conditiones ad permoveandos affectus.

fectus. Sest. 1. pag. 76.
De affectuum incitamentis. Sest. 1. pag. 77.
Figura aptiores ad Affectus ciendos. Sest. 3. pag. 81.

PARS SECVNDA.

De Dispositione.

Quid, & Quotuplex sit Dispositio. Quæst. 1. pag. 84.
 De Partium Orationis numero. Quæst. 2. pag. 85.

CAPUT I.

Exordium quid, & quot eius officia. Sest. 1. pag. 87.
 Varia Exordiorum genera. Sest. 2. pag. 88.
 Exordium ab Expositione. Sest. 2. art. 1. p. 89.
 Exordium ex visceribus causa. Sest. 2. art. 2. p. 92.
 Exordium ex Abundanti. Sest. 2. art. 3. p. 93.
 Exordium ab Exemplis. Sest. 2. art. 4. p. 94.
 Exordium ab Opinione. Sest. 2. art. 5. p. 95.
 Exordium à Contrario. Sest. 2. art. 6. p. 97.
 Exordium ab Adiunctis. Sest. 2. art. 7. p. 99.
 Exordium ex Abrupto. Sest. 2. art. 8. p. 101.
 Exordii Vitia, & Virtutes. Sest. 3. p. 103.

CAPUT II.

DE Propositione. pag. 104.

CAPUT III.

DE Introductione. pag. 104.

CAPUT IV.

DE Narratione. pag. 109.

C A-

CAPUT V.

DE Confirmatione.

pag. 111.

CAPUT VI.

DE Transfitione.

pag. 112.

CAPUT VII.

DE Digreffione.

pag. 115.

CAPUT VIII.

DE Descriptione.

pag. 116.

CAPUT IX.

DE Confutatione.

pag. 118.

CAPUT X.

DE Peroratione.

pag. 119.

PARS TERTIA.

De Elocutione.

CAPVT UNICUM.

E Locutio quid fit, & quot partibus constet pag. 125.

De Elegancia 1. parte Elocutionis. Sect. 1. pag. 126.

De Compositione 2. parte Elocutionis. Sect. 2. pag. 127.

De Dignitate 3. parte Elocutionis. Sect. 3. pag. 130.

De Tropis. Quid, & quotuplex sit Tro-

pus,

Sect. 3. art. 1. pag. 130.

De Figuris. Quid fit Figura, & quotu-

plex.

| | |
|--|---|
| <i>plex.</i> | <i>Seff. 3. art. 2. pag. 136.</i> |
| <i>De Figuris Verborum.</i> | <i>Seff. 3. art. 2. Punff. 1. p. 137.</i> |
| <i>Figura Verborum per Additionem.</i> | <i>Seff. 3. art. 2. P. 1. pag. 138.</i> |
| <i>Figura Verborum per Detractionem.</i> | <i>Seff. 3. art. 2. P. 1. pag. 141.</i> |
| <i>Figura Verborum per similitudinem.</i> | <i>Seff. 3. art. 2. P. 1. pag. 142.</i> |
| <i>De Figuris Sententiarum.</i> | <i>Seff. 3. art. 2. P. 2. pag. 145.</i> |
| <i>Figura Sententiarum, quæ ad dicendum, & docendum pertinent.</i> | <i>Seff. 3. art. 2. P. 2. pag. 145.</i> |
| <i>Figura Sententiarum, quæ ad delectandum valent.</i> | <i>Seff. 3. a. 2. P. 2. pag. 150.</i> |
| <i>Figura Sententiarum ad movendum idoneæ.</i> | <i>Seff. 3. art. 2. P. 2. pag. 154.</i> |
| <i>De aptè dicendo.</i> | <i>Seff. 3. art. 3. pag. 162.</i> |

PARS QVARTA.

De Pronunciatione.

C A P V T I.

DE voce. *pag. 170.*

C A P U T I I.

DE Gestu, seu Actione. *pag. 173.*

LAUS DEO.

1. The first part of the document is a list of names and dates, which appears to be a record of some kind. The names are written in a cursive script, and the dates are in a more formal, printed style. The list is organized into columns, with names in the first column and dates in the second column.

2. The second part of the document is a series of paragraphs of text, written in a cursive script. The text is somewhat difficult to read due to the handwriting, but it appears to be a narrative or a report of some kind. The paragraphs are separated by small gaps, and the text is written in a single column.

3. The third part of the document is a list of names and dates, similar to the first part. The names are written in a cursive script, and the dates are in a more formal, printed style. The list is organized into columns, with names in the first column and dates in the second column.

4. The fourth part of the document is a series of paragraphs of text, written in a cursive script. The text is somewhat difficult to read due to the handwriting, but it appears to be a narrative or a report of some kind. The paragraphs are separated by small gaps, and the text is written in a single column.

5. The fifth part of the document is a list of names and dates, similar to the first part. The names are written in a cursive script, and the dates are in a more formal, printed style. The list is organized into columns, with names in the first column and dates in the second column.


6. The sixth part of the document is a series of paragraphs of text, written in a cursive script. The text is somewhat difficult to read due to the handwriting, but it appears to be a narrative or a report of some kind. The paragraphs are separated by small gaps, and the text is written in a single column.

7. The seventh part of the document is a list of names and dates, similar to the first part. The names are written in a cursive script, and the dates are in a more formal, printed style. The list is organized into columns, with names in the first column and dates in the second column.

8. The eighth part of the document is a series of paragraphs of text, written in a cursive script. The text is somewhat difficult to read due to the handwriting, but it appears to be a narrative or a report of some kind. The paragraphs are separated by small gaps, and the text is written in a single column.

9. The ninth part of the document is a list of names and dates, similar to the first part. The names are written in a cursive script, and the dates are in a more formal, printed style. The list is organized into columns, with names in the first column and dates in the second column.

10. The tenth part of the document is a series of paragraphs of text, written in a cursive script. The text is somewhat difficult to read due to the handwriting, but it appears to be a narrative or a report of some kind. The paragraphs are separated by small gaps, and the text is written in a single column.



Rhetorica Ecclesiastica quid sit.

QUÆSTIO PRIMA.

Triplicem (1) Eloquentiæ Speciem præmittimus, antequam Ecclesiasticæ Rhetoricæ Naturam, & Essentiam statuamus.

Prima eloquentia prorsus divina est; nullis enim Scholasticis Præceptis addiscitur; sed ab uno Deo, qui linguas infantium facit esse disertas, infunditur; hujusmodi fuit illa Apostolorum, quibus à Domino dictum est: *Nolite cogitare quomodo, aut quid loquamini; dabitur enim vobis, &c.*

Secunda dicitur Heroica, quæ non infusa quidem, sed humano simul labore, & studio comparata, simulque meliori quodam Cœli ubere irrigata, admiram pulchritudinem effloruit. Talis fuit in DD. Basilio, Gregorio Nazianzeno, Chrysostomo, Cypriano, Aliisque S.S. Patribus, qui, quod suprà commune dicendi Genus eloquentes fuere, Heroes à nonnullis appellati sunt.

Tertia tandem prorsus humana est; ea namque ab humanis Præceptoribus, & per Præcepta

A

h2- 2

(1) *Cassinus lib. 1. in Præfatione.*

Habetur, in hac excelluit Demosthenes, Cicero, aliique primæ notæ Oratores.

Prior eloquentia ad institutum nostrum non pertinet; pertinet quidem secunda, & tertia: siquidem Ecclesiastica Rhetorica, de qua loquimur, humanam complectitur, & Heroicam; ita enim Regulis, & præceptis innititur, ut plura speret à Deo, quàm à Natura, & Arte.

Sic autem à P. Amadæo Bajocensi describitur: (1) *Est habitus, & facultas Animi, ab Arte, & Natura (Deo afflante) Collatus, ad dicendum ornatè, & feliciter de rebus omnibus, qua in Quaestionem vocata, Gloriam Dei, & Hominum salutem promovere possunt.*

Qui finis Ecclesiastici Oratoris,
Quod Officium,
Quævè ipsiusmet Officij Partes.

Q U Æ S T I O II.

Duplex in Sacro Oratore finis, quorum alter alteri subordinatur, & ad eum dirigitur, tamquàm finis non ultimus, seu medius, ad ultimum. Prior finis est persuadere dictione id, quod ad Animarum salutem conducit. Posterior, ut talis persuasio Unicam Dei gloriam respiciat, quam in omnibus præ oculis habere, & enixè querere debemus.

Officium est bene dicere, seu dicere accommodatè, ad persuadendum.

Ut autem bene dicat, debet Orator res invenire, inventas disponere; dispositas, verbis, & senten-

(1) In suo Paulo Ecclesiast. lib. I. cap. I.

tentiis exornate; exornatas memoriter, aprèque pronunciare.

Ad persuadendum verò necesse habet tria facere: Docere, vel probare; delectare; flectere; ad quorum ultimum priora illa duo, & cætera alia Oratoris artis diriguntur, tamquam ad finem.

Docemus propter ignaros; non enim in corde recipi, vel ad praxim redigi potest, quod ignoratur.

Delectamus, ut attentio concilietur distractis, & fastidientibus tædium levetur.

Flectimus obstinatam Auditoris duritiam, ut in nostram sententiam redactus, amet quod pollicemur; timeat quod minamur; oderit quod arguimus; quod commendamus, amplectatur; quod dolendum exaggeramus, doleat; & quod lætandum prædicamus, gaudeat. Hæc ex D. Aug. lib. 4. de Doctr. Christ.

Hinc colligitur, Docere esse necessitatis; delectare jucunditatis; flectere victoriæ.

Docet Orator argumentatione, ut placet Quintiliano (1): vel cum Dei (2) voluntas, divinaque præcepta clarè Populo aperiuntur; dogmata Fidei; Christus, ejusque myſteria declarantur.

Ad delectandum juvant loca Sacræ Scripturæ, sapienter, & ingeniosè explanata; pulchræ, atque elegantes, Metaphoræ, Allegoriæ, Figuræ, exempla, descriptiones, & præ cæteris Ordo, & Ornatum varietas.

Flectere demùm seu movere Auditores, & in quemcumque volumus animi habitum transformare, fit per acriores sententias, & Affectuum motionem.

A 2

Quor

(1) Quintil. in præm. lib. 8. (2) Paul. Eccles. lib. 1. cap. 2. art. 2.

Quot nam , & quæ requirantur ad
Ecclesiasticam eloquentiam
comparandam.

Q U Æ S T I O I I I .

A D Sacram eloquentiam parandam quinque (1)
sunt necessaria: Deus, Natura, Ars, Exer-
citatio, Imitatio .

D E U S .

P R i m a r i a Christianæ eloquentiæ causa , Deus
est, à quo totum humanæ salutis negotium
pendet, & sine quo nihil in Apostolicæ Prædi-
cationis ministerio proficitur. Eo docente, disci-
mus; Eo dictante, loquimur; Eodem excitante,
Peccatorum animi ad Pœnitentiam commo-
ventur; Hinc Matth. 10. 20. *Non estis vos, qui loqui-
mini; sed spiritus Patris vestri, qui loquitur in vobis.*
Et D. Gregorius (2) *Nisi corda Auditorum Spiri-
tus S. repleat, ad aures corporis vox docentium inca-
sum sonat.* Deum igitur principem, imò & uni-
cum Evangelicæ Eloquentiæ Authorem quis-
que agnoscat; à Deo sufficientiam demissè exo-
ret; Deo innitatur; mox Naturæ dotes , Artis in-
dustriam, exercitij , atque imitationis laborem,
ne quid penso suo desit, in Apostolicum munus
impendat.

NA-

(1) Paul. Eccl. lib. 1. cap. 2. art. 2.

(2) Greg. Homil. 30. in Evang.

NATURA.

Natura est, quæ primas opportunitates, habilitatesque omnibus facultatibus, hominifque potentiis elargitur. Ab ea proficiscuntur omnes illæ Corporis, Animique dotes, quæ in Oratore desiderantur.

Corporis, ut sunt: Vox canora, & flexibilis; lingua expedita ad clarè, & articulatè pronuncian- dum; firma latera; Otis, & totius Corporis cum Rebus dicendis venusta, & ingeniosa conformatio.

Animi, ut sunt: Ingenij acumen ad invenien- dum; Prudentia ad disponendum; facilitas ad explicandum; Elegantia ad exornandum; memoria ad retinendum; & verecunda audacia ad dicen- dum.

Hæ Naturæ dotes si deficiant, parum proficitur in hac Arte; siquidem, ut inquit Laërtius (1) *Minerva, & ingenio refragante, frustra, etiam in Rebus minimis, laborabis*. Negandum tamen haud est, posse labore, & exercitio complures naturæ defectus superari.

A R S.

Ars est præceptio, quæ dat certam viam, rationemque dicendi; ea namque de tota concione parandæ, singulisque ejus membris construendis, Regulas tradit, & præcepta docet enim quomodò efformanda, & dividenda sit propositio. Eadem fontes appetit, seu promptuaria, ex quibus argumenta, & rationes desumuntur ad rem probandam, & affectus ciendos. Ars docet qua ratione inventa benè disponantur; disposita venustè

(1) *Lib. 3. cap. 1.*

exornentur; Exornata aptè pronuncientur. Artis tandem beneficio fit, ut non fortuitò, non insul-
sè, neque inordinate dicamus sed omnia scitè, scilicet, & regulatè; quæque vi sua benevolentiam Auditoris lucrentur, animum incendant, & ad id, quod volumus, voluntatem moveant, ac flectant.

EXERCITATIO.

EXercitatio est assiduus usus, consuetudoque dicendi. Ea verò quàm necessaria sit, discere ex omnibus ferè Artibus, quæ non solis Præceptis, sed usu, & exercitio perficiuntur, quare Ovid. *Artiffoes unus qui facit, usus erit*. Qui ergo ad ingenitas naturæ dotes artis cultum, & disciplinam adiecit, curet utramque perficere usu assiduo, & frequentatione tum legendi & Scripturam, Sanctorum PP; aliorumque insignium Ecclesiæ Oratorum volumina; tum etiam scribendi; nam, ut ait Cicero (1) Exercitium in scribendo, seu in efformando stylo, est præstantissimus dicendi effector, & magister; & experimento addiscitur, quod qui à scribendi consuetudine ad dicendum venit, hanc affert facultatem, ut etiam si subito dicat, tamen illa, quæ dicuntur, similia scriptorum esse videantur. Adde tertio usum, & frequentationem dicendis Unius etenim, aut alterius concionis repetitio eloquentem non facit; sed ex dictionis, seu declamationis frequentatione facillimè, ac liberrimè dicere assuescimus.

IMITATIO.

Postrema est imitatio, cujus tanta vis est, ut à nonnullis vocetur compendiosa ad quasi ù-que Disciplinas consequendas via; faciliè enim effingimus, quod in alijs videmus, & non multo labore Pictor Apographum efformat, si Autographum præ oculis habeat.

Uberem imitandi facultatem præbent, non modò quæ apud alios legimus, sed & quæ ab aliis audimus.

Tyronem igitur imitaturum, oportet legere, non plurimos, non quoslibet, sæpè namque accidit, ut nimia librorum copia ingenium dissipet; varietas veyò confusionem pariat, sed paucos, & selectiores.

In legendo autem (quod non cursim, non perfunctoriè sed seriò fiat, & attentè) serventur ea, quæ à P. Ludovico Granatensi scripta sunt in sua Ecclesiasticà Rhetoricà (1) ut scilicet in ea, quod legis, omnes dicendi figuras, sententias, Phrases, tropos, & quidquid postremò ad inveniendi, vel eloquendi rationem pertinet, diligenter animadvertas; ut hac ratione artis præcepta familiaria tibi officius, & in promptu, & veluti ad manum posita semper habeas; multi enim sunt, qui de septissimorum virorum scripta legentes, quia solà verum cognitione contenti, nihil de dicendi ratione advertunt, nihil prorsus in eà proficiunt, hæc ille.

Ad imitationem quoque juvat frequenter audire insignium Oratorum conciones, à quibus, præter verborum, sententiarum, & figurarum elegantiam, nec non argumentorum, argumentationum, digressionumque varietatem, aptam insuper vocis, Gestuumque moderationem edis-

sch

scimus, ut in illis hæc diligenter observata, in nobis inde per imitationem exprimamus.

Nec tantum celebres, primæque notæ concionatores, sed rudes etiam & imperitos juvat (1) audire; esto enim nihil in eorum concionibus observetur imitandum, quod difficile admodum est; nam ut cecinit ille:

Nulla adeò sterilis tellus, mæstumvè frutetum.

Germinè quæ nullo, nullo quod flore virescat.
 ac erunt multa, quæ prudens tyro sibi didicerit cævenda.

Varia imitandi Methodus.

A Ntequam multiplicem imitandi modum tradamus, tria opus est in imitatione advertere:

Primum, ut ille nobis imitandus eligatur, qui in eodem dicendi Genere, & in simili causa, quam nos tractandam aggredimur, præstantissimè versatus sit; Ridiculum enim foret, (2) si quis Ciceronem in Historia, in Oratione Salustium, & in Poësi Demosthenem sibi ducem proponeret.

Secundum ut in illo, quem imitari volumus, non levia, & facilia; sed optima, & exquisitiora adnotemus, quæ mox diligenti studio persequamur, dummodò majora nostris viribus non sint.

Tertium tria in primis imitanda sunt, Inventio, Dispositio, & Elocutio, quæ sunt præcipuæ Orationis partes. Adde & pronunciationem, si ex Pulpito res geratur.

Nunc de vario imitandi modo; & quidem Triplex est.

I. Cùm mutatur sententia, verbis illustrioribus retentis, v. g. si transferre volumus illud
 Ci.

(1) *Granat. lib. 1. cap. 1.* (2) *Palat. Reg. Elogu. exerc. 1. lect. 3. punct. 2.*

Ciceronis pro A. Licinio Archia : *Nisi multorum præceptis , multisque literis mihi ab adolescentia suassissem, nihileffe in vitâ magnoperè expetendum, nisi laudem, & honestatem ; in eâ autem persequenda, omnes cruciatus corporis, omnia pericula mortis , atque exilij, parvi esse ducenda, numquam me pro salute vestrà in tot, ac tantas dimicationes , atque in hoc profligatorum hominum quotidianos impetus obiecissem.* Imitabimur sic: Nisi firmissimè habuissent martyres ex Christi Domini Præceptis , sacrisque literis, nihil esse in vitâ magis expetendum, nisi in fide Evangelicâ ad supremum usque diem fortiter perseverare; in eâ verò servanda, omnes cruciatus Corporis, omnia pericula mortis, & si quid morte ipsâ durius perferri potest, parvi esse ducendum ; numquam pro ejusdem Fidei propugnatione tot Ærumnas, & labores, tot exilia, & carceres , tam quotidianos persecutorum impetus firmo, atque hilari animo sustinuissent.

II. Cùm mutatis verbis, sententia in re simili retinetur . Cicero pro M. Marcello : *Nec verò hac tua vita dicenda est, quæ corpore, & spiritu continetur, illa, inquam, illa vita tua est, Caesar, quæ vivebit memoriâ saculorum omnium , quam Posteritas alet, quam ipsa Æternitas semper intuebitur . huic tu inservias, &c.* Quem locum sic imitaberis: Neque jam vitæ nomine dignanda est vita hæc; quæ vivimus, quæ per animam , membris hisce infusam, habetur, quæ fluxa est, & brevis ad instar puncti, & si quid minus puncto esse potest, cujus initium lacrimæ, medium Ærumnæ, & labores, finem gemitus, & angustię comitantur; illa, inquam, illa est vita tua. Christiane, quæ nullo mortis confinio terminatur, nulla doloris amaritie afficitur; tota dulcis, & jucunda, tota felix, & beata, semper vivens, & numquam moritura, Æternùm manens, & cum Æternitate duratura. hanc desiderâ, huic labora, &c.

Cùm

III. Cùm sensus, & verba propè eadem referrentur. E. G. si primæ Catil. initium veritas in Peccatorem, pœnitentiam detestantem, sic dices: Quousque tandem abutere, Peccator, divina Patientiâ? Quousque Dei Misericordiam, Paternasque ejusdem Voces, & Invitatus contempseris? Quamdiù infans? Quamdiù novis usque sceleribus Divinam Justitiam exasperabis? Quem ad finem tua se se effrenata jactabit audacia? Nihil ne inopinæ mortis pericula, nihil æterna improbis parata incendia, nihil Dei ad vindictam extensa jam dextera, nihil de Peccatoribus toties repetita supplicia ab incæpto te revocabunt? &c.

Materia Ecclesiasticæ Rhetoricæ Quid. & Quæ sit.

QUESTIO IV.

Materia cujuscumque Artis ea est, circa quam versatur Ars. E. G. Medicinæ materia sunt morbi, & vulnera; Artis cælestioris marmora, &c. Unde Materiam Ecclesiasticæ Rhetoricæ eam appellamus, circa quam ipsa versatur; hæc autem est omnis propositio, sive universalis, sive particularis, quæ ab Ecclesiasta tractari potest ad Gloriam Dei, & Hominum salutem. dicitur aliis nominibus Thema, Quæstio; Causa, Propositum, & Argumentum.

Propositio universalis, seu infinita, quam Græci Thesim appellant, illa est, quæ nullis particularium circumstantiis includitur; sed per aliquod genus absque circumscriptione vagatur. E. G. an virtus sit colenda.

Pro-

Propositio particularis, seu finita, quam Hypothesim vocant, circumstantiis alligatur, habetque certas personas, res, loca, tempora, &c. E. G. An liberalitas viro diviti sit exercenda.

Notandum est, quod facile Thesis revocatur ad Hypothesim, & è contrà v. g. hæc Thesis: Virtus est laudanda, facile deducitur ad istam Hypothesim: Virtus liberalitatis est laudanda, quia liberalitas continetur in Virtute, tamquam species in Genere, & quod uni convenit, convenit & alteri. Hypothesis verò revocatur ad Thesis, tamquam ad suum caput, sive Genus, quo continetur. v. g. Antequam probes hanc Hypothesim: liberalitas est laudanda, præmittere potes hanc Thesis, virtutem scilicet in genere esse laudandam; sic enim facilius convinces virtutem liberalitatis dignam esse, quæ laudetur. (1)

Notandum insuper quod diutius in thesi immorandum non est; sed quamprimum ad Hypothesim hæc revocetur. Ratio est. *Quia cum thesis latior sit, & universalior, nihil aliud ferè agit, quam ut cognitio rei habeatur per definitionem, descriptionem, similesque locos communiores; ideoque speculativa sæpè sit tota, sensus, moresque minùs afficiat; sed Hypothesis, quæ circumstantiis angustioribus circumscribitur, non spectat tantùm quid sciendum; sed quid agendum sit, & quomodò; eoque impellit Auditorem rationibus, motibus, & aliis mediis, quæ voluntatem afficiendo, ad praxim eam flectant.* Hæc P. Amadæus Bajocensis in suo Paulo Ecclesiast. cap. 4 art. 1.

Quoc

(1) Vossius, *Commentarior, Rhetor. part. 2. lib. 6. cap. 9. num. 1.*

Quot sint partes Ecclesiasticæ Rhetoricæ.

QUÆSTIO V.

Communiter ab Oratoribus quinque assignantur Partes Rhetoricæ, Inventio scilicet, Dispositio, Elocutio, Memoria, & Pronunciatio. Nos, quartâ omiſſa, de reliquis tantummodò agemus; non quòd memoriter dicere Oratorem non deceat; sed quia aliud est de firmandâ memoriâ præcepta tradere, aliud Oratorem monere, ut memoriter dicat. hoc posterius ad Rhetoricam, illud prius ad distinctam Artem pertinet. (1)

Oportet igitur Sacrum Oratorem, adaptè dicendum, Res adinvenire, inventas disponere, dispositas verborum, & sententiarum luminibus adornare, exornatas memoriter, aptèque pronunciare. De quatuor hisce Partibus singulatim suo ordine dicendum erit.

De Inventione.

PARS PRIMA.

Cùm Inventio nihil aliud sit, quàm Excogitatio Rerum verarum, vel verisimilium, quæ propositionem probabilem faciant, ad rem pertinere arbitror, prius nonnullas Regulas de Reperienda, efformanda, & dividenda propositione, inde Res, quibus propositio probe-
tur, aperire.

De

(1) Vossius ibid.

De Propositione

C A P. I.

S E C T I O I.

De nonnullis in reperienda Propositione servandis.

EX multis, variisque Propositionibus, quæ ex Evangelici Textus Promptuario erui possunt, videat in primis Orator, ut eam eligat, quæ magis Auditoribus conducere existimabit, in quo divinū humiliter imploret afflatū.

Deinde ut Evangelio, quàm maximè poterit, conformetur.

Tertiò observet tempus, cui accommodata, & congrua esse debet; imò sæpè tempus uberem fructuosæ Propositionis materiam exhibet.

Quartò Auditorum mores, ut ad eos præcipuè conculcandos, & extirpandos valeat, quibus pessimè Auditores afficiuntur; nec in illud vitium cadat Oratio, quod procul est ab Auditoribus.

Quintò Personarum qualitatem, ut quod dicitur, Audientium Captum non excedat.

Sextò Auditorum expectationem, ut cum de aliqua præcipua, ac celebri materia audire Populus expectat, eorum expectatio non illudatur. v. g. de Hypocrisi, vel Eleemosyna in feria VI. Cinerum differendum non est, ubi de inimicorum dilectione expectatur sermo.

Septimò tandem suas ipsius vires metiatur, ut Propositionem non eligat, ad quam probandam, vires, & scientia non suppetit.

De modo efformandi Propositionem.

S E C T I O I I.

Propositio, sive Orationis Argumentum, per quod summatim ostendimus, quid probare velimus, & quò rationes, & Argumenta nostra dirigenda sunt, multis profectò modis efformari potest. Nos hìc faciliores, & usitatiores, pro tyronum captu, proponimus.

Primò. ad unum caput totum Evangelium reducemus, eòque omnes Evangelij partes revocare studebimus. E. G. in Evangelio Centurionis, vi-
væ Fidei efficacia noster fieret scopus.

Facile ad unicam Propositionem revocabitur, cum unicam doctrinam, vel historiam continuerit Evangelium: secus verò, si Doctrinæ fuerint multæ, historia non una.

Sciendum igitur est, omne Evangelium reduci posse ad unicam Propositionem unitate, vel prædicati, vel generis, vel medi ad finem, vel similitudinis, vel alicujus moralis significationis.

Unitate prædicati, cum aliquod personæ prædicatum præbimus, quod diversis ejusdem actionibus conveniat. E. G. Christum in eodem Evangelio Socrum Simonis sanitate donantem, & obsessos à dæmone liberantem, Potentissimum prædicamus.

Unitate Generis, cum Genus aliquod reperitur, quod complectatur, quotquot propositiones ab Evangelio educi possunt. E. G. in Evangelio Ferriæ IV. Cinerum, ubi de Jejunio, de Hypocrisi, & de non thesaurizando in terris admonemur, Propositione Generica, hæc omnia complectens, erit

Con-

Contemptus terrenorum omnium.

Unitate mediæ ad finem, cùm reliquas Evangelii partes ad propositum thema dirigimus, veluti mediæ ad finem. E.G. in eodem Evangelio Fer. IV. Cinerum, finis erit: Thesaurus in Cœlis aggregare; Mediæ verò, Jejunium, & Humilitas.

Unitate similitudinis, cùm sub aliqua una similitudine partes omnes concordabimus. E.G. in eodem suprâ memorato Evangelio Bonos mercatores fore nos docet Christus, si merces comparabimus, quæ sunt Jejunium, & cætera alia bona opera; si caro à nobis vendita fuerint, quod nō fit ab Hypocritis, humanæ gloriolæ fumo eas venditantibus; si tutè à nobis in Cœlo, fuerint repositæ.

Unitate alicujus moralis significationis, cùm Historiam ad Doctrinæ consonantiam, secundum aliquem sensum mysticum exposuerimus, ita D. Gregor: (1) *Hoc significat ficulnea infructuosa, quod mulier inclinata; & hoc ficulnea reservata, quod Mulier erecta.*

Secundò. Propositionem efformare possumus, majorem Evangelii partem ad unam aliquam ejusdem Evangelii revocando, v.g. in Evangelio Dominicæ III. Quadrag. agi potest de Regno Tyrannico Diaboli, & primò recensebimus nomina hujus tyranni: *Dæmonium mutum, fortis armatus, spiritus immundus*. Secundò locum, qui est Mundus, habetque sua nomina: *Regnum divisum, Atrium, domus vacans, scopis mundata, & ornata*. Tertiò modum, quo regnat; reddit enim subditos suos *Cecos, Surdos, Mutos*.

Tertiò. scopum unicum ex textu Evangelii tibi præfixeris, inde duas, vel tres ejusdem Evangelii partes, scopi partes effeceris, ut in Fer. VI. post

(1) *Homil. 31.*

primam Domin. Quadrag. Thema sit inimicorum dilectio, ex illo: Diligite inimicos vestros; cujus prima pars erit: *Ego dico vobis*. Secunda, *ut sitis filii Patris vestri*. Tercia, *si diligitis eos, qui vos diligunt, quam mercedem habebitis?*

Quartò. Doctrinam, Historiam, sive Parabolam, in Evangelio contentam, sumimus, inde in duabus, vel tribus ejus partibus immorabimur, totidem materias diversas, nostræ Concionis argumentum effingentes; ut in Evangelio, quod prima die Cinerum occurrit, triplex tibi argumentum ex tribus ipsius locis efformaveris. Primum de Jejuniis, ex illis verbis: *Cum Jejunatis*. Secundum de Hypocrisi, ex illis: *Nolite fieri, sicut Hypocrita tristes*. Tertium de Cœlestibus divitiis, ex illo: *Thesaurizate vobis Thesuros in Cœlis*.

Quintò. partitionem assumes, quæ in ipso Evangelio reperitur. v. g. in Evangelio de Christo duodenni, quomodò quæsitus, quomodò re-
pertus.

Sextò. ex tota Evangelii serie locum aliquem majoris ponderis, & utilitatis eligi potest, & tractari ad terrorem malorum, vel ad consolationem Bonorum.

Septimò. Unam aliquam sententiam Evangelii, omittis aliis, assumes, ut: *Diliges Dominum Deum tuum*.

Octavò. Una vox etiam aliquandò methodum præbet. E. G. in Evangelio festivitatis S. Jacobi agi potest de Calice Mundi, & Christi.

Nonò. ex intentione Domini educi potest argumentum. v. g. in Evangelio de Panibus multiplicatis, ut providentiæ suæ exemplum haberetur.

Decimò. Ex intentione Ecclesiæ, quæ in prima Dominica Adventus Evangelium de extremo Domini Adventu fidelibus proponit, ad signifi-

candum Christi adventum in Nativitate.

Undecimò . ex intentione ipsiusmet Concionatoris, ut si ex illo Evangelii: *Ecce ascendimus Jerosolymam, & Filius Hominis tradetur*, eruat argumentum de Christi plagis differendi, ut Audientium amorem erga Christi vulnera exciter, & inflammet.

Duodecimò . Aliqua ex septem circumstantiis argumentum sæpè suppeditat. sunt autem circumstantiæ: Quis, Quid, Ubi, quibus auxiliis, Cur, Quomodò, Quando, hoc est Persona, Res, Locus, Media, Finis, Modus, & Tempus.

Decimotertiò. Aliquando diversæ Patrum expositiones, ut Matth. 5. illud de Justitia Phariseorum potest applicari ad Hypocrisim, vel ad Justitiam Veteris legis.

Decimoquartò. Interdum aliqua sententia secundum varios sensus S. Scripturæ.

Scripturarum duplex est sensus, alter Literalis, alter Spiritualis, seu mysticus, qui iterum dividitur in Tropologicum, Allegoricum, & Anagogicum.

Literalis est, quo explicantur Scripturæ eodem sensu prorsus, ac sonat litera.

Tropologicus, qui & Moralis dicitur, sub figurarum, & similitudinum umbris docet ea, quæ ad formandos mores pertinent.

Allegoricus, ex veteri lege, & sub Metaphorarum umbris, ac rerum sublunarium similitudinibus, novæ legis Mystéria innuit.

Anagogicus indicat ea, quæ in futura Gloria speramus.

Horum omnium exempla habentur in hoc uno verbo, Hierusalem, quæ secundum literam significat Urbem illam Judææ, ubi passus, & Crucifixus est Redemptor noster Christus. Tropologicè denotat Animam; Allegoricè militantem

Ecclesiam ; & Anagogicè Supernam Electorum Patriam, de qua canitur : Cælestis Urbs Hierusalem, beata pacis visio, &c.

*Litera scripta docet, quid credas Allegoria ,
Moralis quid agas, quò tendas Anagogia .*

De Divisione Propositionis .

Quibus de causis necessaria,
& quot modis fiat .

SECTIO III.

Ubi Propositionem adinvenisti, dividere hanc in aliqua Puncta, ubi opus est, scias idque pluribus de causis :

Primò, ut omnis evitetur confusio, & ordine procedat sermo.

Secundò, ut quoad modum, Partes, & circumstantias rem exprimamus.

Tertiò, quia faciliùs per partes res probatur, & commodiùs in sua puncta divisa Oratio memoria retinetur.

Quartò demum, ut attentior, & ad veritatem clariùs percipiendam, aptior fiat Auditor.

Modus autem dividendi multiplex.

Primò dividitur Thema, cùm Universale est, in suas species, ut: Judicium Justis felicissimum, Peccatoribus miserrimum.

Secundò in sua effecta, tùm quoad specificam varietatem, ut: Peccatum Temporalibus, & Spiritualibus Bonis hominem exuit; Tùm quoad varietatem numericam, Ut: Peccatum divitiis, salutis, & denique vita ipsa hominem privat.

Ter-

Tertiò dividitur Propositio in causas, ut: Pec-
catum odit Deus, & quia summè Bonus, & quia
summè Justus.

Quartò dividitur in suas circumstantias, E. G.

Quis. Secundùm variam Personarum diversita-
tatem, ut: Oratio cuique personarum conducit, si-
vè incipientes, sive proficientes, sive perfecti sint.

Quid. Secundùm variam Rei acceptionem, vel
ejusdem rei proprietates. v.g. Crux Christi schola
Mundi, Scala est Cœli. Ignis Inferni ardens est,
non lucens; Urit, non consumit.

Ubi. Secundùm locorum diversitatem. E. G.
Christus Jesus in Antro Bethemitico, & in Cal-
varii vertice paupertatem servavit.

Quibus Auxiliis. Secundùm varia media, E. G.
divinarum Deus consolationum dulciariis ad
amorem suum incipientes allicit; derelictionum
amaritudinibus perfectos comprobat.

Cur. Secundùm diversos fines, ut est illud Au-
gustini: *Omnis malus, aut ideò vivit, ut corrigatur;*
aut ideò vivit, ut per eum Justus exerceatur. (1)

Quomodò. Secundùm varios modos. E. G.
Deo serviendum est cum amore, & timore.

Quando. Secundùm temporum diversitatem.
E. G. Christus Jesus, & Puer, & Juvenis, & mortis
proximus, pulcher admodum, & perhumanus
fuit.

Quintò, dividi potest Propositio in ea media,
quæ eidem propositioni probationem afferunt,
E. G. Mors amara est, ac dolenda, tùm ex crimi-
num recordatione, tùm ob districti Judicii me-
moriam.

Sextò, dividi potest in ea media, quæ propo-
sitioni sunt ad finem, E. G. benè vixerit homo, si se
moriturum, & brevi moriturum sæpè recogitet.

Septi-

(1) In Psalm. 54. ad 1. Versic.

Septimò , in eam causarum varietatem , quæ nos movent de aliqua re sermonem habere. E. G. Ad dicendum de proxima Dei vindicta contra Peccatorem nos excitant, Nimia peccandi licentia, Nimia pœnitentiæ agendæ oblivio .

Octavò , cùm propositio in aliqua Allegoria fundatur, potest dividi, vel in munera personæ, per Allegoriam signatæ , vel in ejusdem qualitates, vel effecta Ut, si Christus Pastori comparatur, munera Pastoris sunt: Quærere, pascere oves, & iuvari. Qualitates: Vigilare, & amare oves suas. Effecta: Pax, & tranquillitas Gregis.

Reliquas dividendi formas, brevitæ suadente, prætermittimus, & apud alios legi malumus, quàm hîc recenseri.

Unum interim sciendum, has, & alias dividendi Regulas iis argumentis non esse applicandas, quæ ab ipso Evangelio suam divisionem capiunt. sed illis dumtaxat, quæ divisionem à nobis expectant.

Divisionis Virtutes, & Vitia.

SECTIO IV.

Prima Virtus divisionis est, ut totam Propositionem complectatur.

Secunda, ut nullum membrum superfluum sit, nec in alio implicitè contineatur .

Tertia , ut re ipsa membrum distinguatur ab alio .

Quarta, ut trium , vel quatuor membrorum numerum divisio non excedat; & si plura occurrant, magis præcipua seligantur .

Quinta, ut sit clara, & recto ordine disposita .

Se-

Sexta, ut quæ majoris efficaciz sunt membra, in fine locentur.

Vitiaverò sunt:

Si divisio totam propositionem non includat.

Si aliquod membrum superfluum sit, & in alio contineatur.

Si nomine, & non re, membrum distinguatur ab alio.

Si nimium minuta, & capillaris sit divisio.

Si trium, vel quatuor membrorum numerum excedat.

Si sit obscura, & à recto ordine aliena.

Si minus efficax membrum in fine locetur, efficacius in principio.

Methodus parandæ Sylvæ, Quæ Concioni proximè deseruit.

CAPUT II.

THemate ad invento, & in sua membra rectè, rectèque distincto, prima Concionatoris industria erit Oratoriam sibi sylvam comparare, hoc est, firmas rationes, exquisitos conceptus, valida testimonia, doctrinas, exempla, sententias, &c. Ex locis topicis, Sacra Scriptura, SS. Patribus, aliisque Authoribus colligere, & in suo Codice, ad id parato, transcribere, ut hac suppellectili dives, habeat unde faciliùs rem suam probet, & Orationis contextum feliciùs absolvat. Hujus parandæ sylvæ methodum breviter aperimus hoc modo:

Accipe propositionem tuam, & in ea subiectum, & prædicatum observa; mox utrumque di-

visum, duobus chartæ foliis distinctis inscribe. E. G. in hac propositione: *Tribulatio est fructuosa*. Subiectum erit, Tribulatio, Prædicatum, fructuosa. in vertice primi folii scribes: Tribulatio. in fronte secundi: fructuosa.

Quodd si distributa fuerit in puncta, singula distinctis foliis inscribantur.

Hoc pacto distincta, & signata propositione, percurre loca communia, de quibus inferius, cap. 4. agemus, & primum ea, quæ dicuntur insita, seu intrinseca, ut Rationem aliquam inde elicias ad rem probandam, v.g. à causis eruere poteris hoc argumentum: Nil à Deo iubetur, vel permittitur, quod ad salutem nostram non conducat. Tribulatio est à Deo, ergo, &c. Ab effectis probabis ita: Vexatio dat intellectum, Patientiam operatur, probat, purgat, & eligit, ergo salutaris est. A simili sic: Tunc tellus luxuriat in segetem, cum proscinditur ferro, cum exercetur Aratro; non secus Anima, &c.

Locis insitis indagatis, transi ad extrinseca, seu Remota, quorum primas tenet Divina Scriptura; & primò videndus est textus, unde educta est propositio, singulæque ejus voces attentè sunt ponderandæ.

Secundò, varias ejusdem textus lectiones, præsertim latinas, Græcas, & Hebræas, quæ varios persæpè dant sensus, ad rem nostram facientes, in Biblia maxima observa. Quod si ab Evangelio extractum sit thema, omnium super eo loco Evāgelistarum sensus, & verba, observare ne pigeat.

Tertiò, varios illius loci interpretes, ac expositores consule; in primis octo præcipuos Ecclesiæ Sanctæ Doctores.

Universâ quoque Scripturâ egregiè interpretatur: Ugo Card., Dionysius Chartusianus, Hrabanus Maurus, Cajetanus, Gaspar Sanctius, Lorinus,

Joan-

Joannes Mariana, Alphonfus Toftatus, Gloffa, &c.

In Evangelium habes Joannem Sylveira, Sebastianum Barradas, Joannem Maldonatum, Alphonfum Salmeron: Cornelium Jansenium, Toletum, Didacum de Baëza, Angelum del Pas, Franciscum Lucam Burgenfem, &c.

Si apud Sacros Interpretes non reperiatur fatis rectum Themati probando, adeatur concordantia, seu Oeconomia Bibliæ, vel Biblia Pauperum D.D. Antonii, & Bonaventuræ, ibique perquirantur Scripturæ, quæ cum nostra propositione affinitatem habeant, quibus repertis, consulantur uberiores illarum Interpretes, nempe Lorinus, Mendoza, Velasquez, aliique non pauci.

Omniſibus his diligentis, ac ſtudiis peractis, nec dum fortè ſufficienti ſupelleſtili comparata, videantur Collectores, putà Manſi, Labata, Epithome Lopez, Mendoza, Lubeti, Polyanthea noviffima Langi, & Gruteri, Concionator Evangelicus Frãciſci Garziæ, Bibliotheca Lionner, Scripturæ, ac Selecta Speranze, Opera Nierimberg, &c. Apud quorum Indices quæraturnùm ſubiectum, tùm prædicatum noſtræ Propositionis, omneſque eæ voces, quæ cum ſubiecto, & prædicato propinquitatem habent, & ſimilitudinem, v.g. in verbo, tribulatio, vide: Perſecutio, Afflictio, Vexatio, Anguſtia, Cruciatuſ, Labor, dolor, &c & in diſtione, fruſtuofa, quære: Fruſtuſ, utilitas, Emolumentum, Quæſtuſ, Lucrum, &c.

Hæc de Scripturis, & S.S. Patrum teſtimoniis.

At pro doctrina videatur D. Thomas, D. Bonaventura, &c.

Hiſtorias, & exempla ſi velis, adi Theatrum vitæ Humanæ Beyerlinck, Zvingeri, Flores exemplorum Dourovolfii, Sylvam Hiſtorialeſ Martioli, Theatrum Hiſtoricum Tympii, Roh de virtute Hiſtoriæ, Speculum Exemplorum Majoris, Hi-

Historiam ludricam Bonifacii, &c.

Symbola præbent Causinus in sua symbolica, Petrus Valerianus, summa Geminiani, &c.

Emblemata, & quæ vulgò dicunt impressa, dant Alciatus, Ferro, Ruscelli, Mundus Symbolicus.

Apophthegmata Plutarchus, dicta Buteri, Menochius libro: Apophthegmata S. S. Patrum, &c.

Quidquid sive Rationis, sive Scripturæ, sive doctrinæ, vel eruditionis repertum fuerit, rei nostræ congruum, notetur in foliis, ad id paratis, & singula sub eo membro propositionis, ad quod spectant.

Sciendum ultimò, quod in paranda sylva, non solum oportet reperire unde probes, sed & unde moveas. Ut autem faciliè discernantur, quæ pro ciendis affectibus reperta sunt, poterunt aliquo hæc indicio, sive sit Asteriscus *, sive aliud quid simile, in alterutro latere distingui.

Methodus parandæ Sylvæ Generalis.

C A P U T I I I.

Totam supellestem, Orationi construendæ necessariam, si tunc parare expectes, cum cōcionandi exhibetur occasio, nullam, nisi longo tempore prævio, poteris Orationem contexere; multò minus assueveris extempore, & imparatè dicere. Necesse est igitur paratam quisque habeat apud se sylvam generalem, unde, veluti ex quodam Ætario, seu Promptuario quodam, possit multa ad tempus, & prout cōtingit necessitas, depromere, novosque labores, ad quos multoties
tem-

tempus non suppetit, Promptuarii illius beneficio, devitare. Generalis comparandæ sylvæ methodus hæc est:

Parentur duo Codices, quorum quisque duobus, aut tribus chartæ foliis constet, singulæque paginæ habeant ex utroque latere spatium, seu limbulum, ubi adnotari possint ea, quæ paulò inferiùs dicemus; & in vertice numeros, quibus alia ab alia distinguatur.

Primo Codici inscribatur: Excerpta à Scripturis, S.S. Patribus, & Sacra Theologia.

Secundo, Excerpta ex Historiis, Exemplis, Adagiis, Hieroglyphicis, &c.

Omnia notatu digna, ad Divinam Scripturam, S.S. Patres, & Theologicam Doctrinam pertinentia, quæ vel legendo, vel audiendo didicimus, Miscellaneè, & prout casu, & extempore lecta, vel audita fuerint, in primo Codice adnotentur, hoc pacto: In medio spatio scribatur Scripturæ textus, vel S. Patris testimonium, vel doctrina. In altero latere notetur paucis verbis summa illius Scripturæ, vel sententiæ, &c. Ità, ut dictio quæ sensum præcipuum continet, literis grandioribus designetur. In altero innuatur Author, capita, Numeri, &c. En exempla.

| | | |
|--|--|---|
| <i>Oculus janua</i> | Vidit igitur mulier, quod bonum esset lignum ad vescendum, & pulchrum oculis, visuque delectabile, & tulit de fructu illius, &c. | <i>Genes.</i> 3. 6. |
| <i>Anima The- saurus.</i> | Habemus Thesaurum istud in vasis fictilibus. | 2. Cor. 4. 7. |
| <i>à MINIMIS proruitur in -maxima.</i> | Si curare parva negligimus, insensibiliter seducti, evidenter etiam majora perpetramus. | <i>Gregor.</i> 1. 10. <i>mor.</i> 1. 9. |

Offensa com- Tantò offensa est gravior, D.Th. 3.
mensuratur quantò maior est ille, in p.g. 1.
ab offenso. quem delinquis. art. 2.

Eadem ratio servanda in adnotandis Historiis, Exemplis, Adagiis, &c. quibus deservit secundus Codex.

Quidquid in tota Hebdomada collectum est, Sabbato percurratur oculis, & si vacet, memoriæ manderetur.

Utroque codice repleto, alii de novo parentur, inde alii, donec peraucto eorum numero, in volumen alligentur, & in calce apponatur Index Alphabeticus rerum, quæ in eo contentæ fuerint.

Potest, & aliter Generalis sylvæ disponi, nempe ut Codicis paginæ variis titulis, alphabetico ordine digestis, distinguantur ad instar Polyanthæ, & sub his titulis notentur ea, quæ ad eorumdem sensum spectare videbuntur. Methodus hæc non improbatur; sed unum hoc habet incommodum, quòd longo opus est tempore, nimio studio, & labore, ut omnes paginæ repleantur.

De Locis.

Unde Rhetores Argumenta eruunt,
 & Rationes ad Rem
 probandam.

C A P U T I V.

Locos communes vocant Rhetores ea, quæ
 Argumentorum materiam præbent ad facien-

ciendam fidem; Unde locus per Ciceronem nil aliud est,quàm Argumentorum Sedes.

Loci alii intrinseci; Alii extrinseci, sive Assumpti.

Loci intrinseci sunt illi, qui in re ipsa proposita latent.

Extrinseci, qui extrà rem sunt, & ab extrà assumuntur ad rei confirmationem. De intrinsecis priùs, mox de extrinsecis erit sermo.

De Locis Intrinsecis.

SECTIO I.

Loci intrinseci sunt sexdecim.

- | | |
|-----------------------|------------------|
| 1 Definitio. | 9 Opposita. |
| 2 Notatio. | 10 Adiuncta. |
| 3 Enumeratio Partium. | 11 Antecedentia. |
| 4 Conjugata. | 12 Consequentia. |
| 5 Genus. | 13 Repugnantia. |
| 6 Species. | 14 Causæ. |
| 7 Similitudo. | 15 Effecta. |
| 8 Dissimilitudo. | 16 Comparatio. |

Quæ ut faciliùs memoria teneantur, ad hæc carmina redeamus:

*Definit, Notat, Enumerat, variatque Jugata,
A Genere, & Specie, à Simili, Absimiliq; probat qd,
Opposita Adiunctis, Premissa Sequentibus addit,
Comparat, & Pugnat, Causas; Effectaque monstrat.*

Cicero (1) dividit locos intrinsecos partim in eos, qui rem ipsam, & quidem totam, exhibent, & hi sunt tres: Definitio, Notatio, Enumeratio; partim in eos, qui non totam primò, ac per se in-

(1) 2 Top.

dicanti; sed partem tantum, vel aliquid, quod ad rem pertinet, eamque quodammodo afficit, & sunt reliqui tredecim, qui supersunt.

Primus locus à Definitione.

Definitio, secundum Dialecticos, est Oratio explicans quid res sit, constatque ex Genere, & Differentia, ut: Homo est Animal Rationale. Oratores verò rarissimè utuntur tali definitione, quia parvam suggerit copiam; sed eas sæpiùs, quæ secundum aliquas aptiores qualitates rem explicat; quare Descriptio potius, quàm Definitio erit dicenda.

A Definitione dupliciter argumentamur, Primò: Quod convenit Definitioni, convenit Definito, & quod definitioni non convenit, neque etiam definito. Secundò, cui tribuitur definitio, tribuitur definitum, & à quo definitio removeatur, ab eo etiam removeatur definitum. En exempla:

1. Legis transgressio digna meretur supplicia; ergo merita peccatum afficiendum est pœna.

Legis transgressio veniam absque condigna pœnitentia non meret; ergo nec etiam peccatum.

2. Aliena rapere, est legem transgredi; ergo est peccatum.

Alienam pecuniam extrema necessitate labo-
rantem furari, non est legem transgredi; ergo non est peccatum.

Modi definitionis, seu descriptionis Oratoriæ sunt plures, quorum aliquos hic recensemus.

Primus est Rem per partes, quibus ipsa constat, fusè, & ornatè describere E.G. Homo est cœ-
totum aliquod, constans capite, sursum, ad Cœli

fa-

faciem intuendam, elato; cervice erecta; brachiis hinc inde ad latera prolapsis; manibus in quinos digitos diductis, & ad varia opera peragenda expeditis; pedibus, &c.

Secundus est per causas, à quibus fluunt effecta, quales sunt: Materia, Forma, Efficiens, Finis, & Exemplar, sive Idea. E. G. Homo est Animal ex luto concretum; Rationis usum habens; à Deo efformatum; ad immortalitatem natum; Imago Divinæ Maiestatis.

Tertius per effecta, quæ à causis profluunt. D. Ambrosius ebrietatem sic expressit: (1) *Ebrietas fomentum libidinis, incentivum insaniam, venenum sapientia: hæc sensus hominum mutat, & formas: Per hanc fiunt equi adhinnientes, &c.*

Quartus per negationem, & hoc dupliciter: primò cùm per particulas negativas rem describimus E. G. Humilitas est se se hominem haud efferre, vilitatem, & infirmitatem suam non ignorare, alios non contemnere, ab aliis magnè fieri non quærere, &c. Secundò cùm primò ostendimus, quid res non sit, deinde quid sit: Exemplum disertissimè expressit Maximus Tyrius in Orat. de Deo. (2) *Pulchrum Deum dicam, & pulchrorum omnium pulcherrimum. haud quidem pulchrum corpus; sed unde pulchritudo in corpora emanat; neque etiam pulchrum Pratum; sed unde & Præta, & Arnes, & Mare, Cælum ipsum, Cælestesque Dii pulchritudinem decerpunt.*

Quintus per similitudinem, omittis tamen particulis ità, sicut, quasi, non aliter, &c. quæ communiter adhiberi solent in similitudine; sed simpliciter, & absque comparatione, affirmando. E. C. Ambitio (3) est futile malum, Secretum

(1) *Lib. de Elia, & Jesunio, cap. 16.* (2) *apud Caussini lib. 4. ca. 22.* (3) *D. Bernard. 3. de Considerat.*

virus, Tinea sanctitatis, &c.

Sextus per Synonymiam. Est autem Synonymia plurium nominum in eandem significationem collatio ad alicujus rei dignitatem, vel magnitudinem copiosius explicandam, ut cum dicitur: Christi Crux flagellum inferni, tormentum Dæmonum, stygiarum potestatum terror, &c.

Septimus per contemptionem Ironici, ut si post lapsum diceretur de Adam: Ecce Adam, quasi unus ex nobis factus est.

Octavus per adiuncta, & proprietates. Sic Christus Dominus definitur: (1) *Affertor humanae libertatis, Sanctitatis Magister, Absoluta perfectionis Præceptor, Fons perennis virtutum omnium.*

Nonus, per contraria hoc modo: Tunc Christianum cum dixeris, qui sacro Baptismate lotus, omni scelerum immundicie vitam suam commaculat? Christianus ergo censendus, qui ore Deum honorat, opere verò blasphematur? Charitatem jactitat verbis, at occulta cor tabet invidia? Castitatem foris ostentat, intus verò immodico flagrat igne libidinum? Depone, depone larvam hanc, feroce monstrum. Quid virtutis specie bonorum virorum decipis fidem, pius, & impius, pudens, & impudens, Innocens idem, & sceleratus?

Decimus per comparisonem, ut cum dicitur: Peccatum est omni monstro turpius, omni tyranno crudelius, Dæmone ipso terribilius.

II. A Notatione.

Notatio, græcè Etymologia, est vocabuli interpretatio; inquit enim originem verbi, & si-

(1) *Radan p. 1, cap. 4. q. 2.*

& significationem, ut Senatus à Senibus. Ex hoc loco ità deducitur Argumentum : Ille est verè Christianus, qui Christum colit : Peccator Christum non colit; Ergo Christianus verè non est.

Parcè hujus generis argumento utendum, ne Grammatici potiùs, quàm Oratores videamur; Præterquam quod ad persuadendum satis est debile, licet ad delectandum sit perquàm idoneum.

III. A Partium Enumeratione.

V Alidissima ex hoc loco profluunt Argumenta, & uberrima amplificandi materia. Est igitur partium enumeratio, totius in suas partes divisio; sumuntur autem hic partes latè, idest pro omni eo, quod sub generali continetur, sive hoc generale Genus sit, sive totum.

Tripliciter à Partibus ad totum argumentabimur.

Primò, affirmando de toto, quod de partibus affirmatum est, E. G. Hominis Pueritia subiacet periculis, subiacet Adolescèntia; subiacet Juventus; Virilis Ætas, & Senectà subiacet; tota ergo Hominis vita subiacet periculis.

Secundò, negando de toto, quod de singulis partibus negavimus E. G. Venialis culpa non est committenda; Mortalis nullo modo patranda; ergo nullatenus peccatum est admittendum. Sic D. Paul. (1) *Certus sum quia neque mors, neque vita, neque Angeli, neque Principatus, neque Virtutes, neque instantia, neque futura, &c. neque creatura alia poterit nos separare à Charitate Dei, &c.* Ex his licet conclusionem universalem elicere: Ergo nihil.

Ter-

(1) Rom. 8. 38.

Tertiò , quando, reje&tilis cæteris partibus , una a'liqua affirmatur vel cæteris affirmatis , una relinquitur , quæ negetur . Hoc argumento utitur Oforius Episcopus adductus à Granatensi , & à Caussino (1) contrà Judæos , ad probandum non alia de causa à Deo derelictos, nisi quòd Evangelio non crediderint: *Si igitur nec simulacra colunt, nec vanos Deos invocant, nec humanum sanguinem fundunt, nec se impia fraudis impuritate contaminant, cur illos Deus, quos in fidem suam recepit, tam diuturno tempore ope sua destituit?* his igitur succis, veram causam infert, Judæorum perfidiam.

In enumeratione Partium, si qua pars necessaria omittatur, totum corrue&tilt argumentum.

IV. A Conjugatis.

Conjugata dicuntur ea, quæ ab uno, eodemque vocabulo exorta, variè commutantur, ut sunt: Sapiens, Sapienter, Sapentia, ab eodem verbo Sapere.

Duplex modus argumentandi à Conjugatis. primus est: Quod uni convenit Conjugatorum, cæteris quoque convenit, & è contrà. E.G. Pietas laudem meret, ergo & Pius . Pietati adversatur nequitia, ergo & Pio . Secundus est: Cui unum Coniugatorum convenit, cætera quoque conveniunt, & è contrà. E.G. si Christiani sumus, Christianè vivamus . Tu Christianè non vivis , ergo Christianus verè non es.

Ad ornamentum potiùs, quàm ad aliquam solidam rationem efformandam hic locus valet: quare ab&tiltineat à frequenti ejus usu Christianus

Ora-

(1) Lib. 4 cap. 29.

Oratori; & ubi longior Coniugatorum numerus contigerit, ad Synonyma recurrat.

V. & VI. A Genere, & Specie.

Genus, & Species magnam Oratori copiam, & validissima ministrant argumenta.

Proprie Genus est, quod plura specie distincta sub se continet, E. G. Virtus est Genus respectu Iustitiæ, Fortitudinis, Temperantiæ, &c.

Et strictè species est, quod plura continet sub se numero distincta, ut Homo respectu Perri, & Pauli.

Sumitur tamen Genus à Rhetoricis etiam pro omni eo, quod latius patet, & communius, ut Profapia respectu omnium, qui sunt eiusdem familiæ, Patria respectu Civium, Persona respectu actionum suarum. Et species pro omni eo, quod ponitur sub aliquo Genere, & communitate.

A Genere argumentamur dupliciter. 1. Quod affirmatur de Genere, de Specie quoque affirmetur, v. g. Virtus est laudabilis, ergo & Prudentia, hoc autem Axioma perpetuum non est; non enim valet: Vitium opes dilapidat, ergo & Avaritia, idè Quintilian. (1) docet Genus ad probandam speciem minimè valere. 2. Quod negatur de Genere, de Specie quoque negari necesse est, Ut: si medium Virtus excedere non debet, neque debet Iustitia.

Locus à Genere ad Speciem, hoc est à Thesi ad Hypothesim, non solum ad affirmandum, & negandum; sed etiam ad docendum, & exaggerandum valet. Inferuit quoque Proæmiis, & introductiõibus Concionum; vix enim à propositione

(1) Quintil. lib. 5. cap. 10.

ne particulari quisquam orditur sermonem; sed præmissa propositione, seu sententia aliqua generaliori, & universaliori, quæ respectu Concionis fungatur vice totius, seu Generis, eaque breviter expensâ, non sine arte ad Orationis partes descendit.

A Specie duplex quoque efformatur argumentum. 1. Quod affirmatur de Specie, idem & de Genere, ut: Temperantia diligenda est; ergo & Virtus. 2. Quod negatur de Specie, id & de Genere negari potest. E. G. Ebrietas non dicit honestatem, ergo nec etiam vitium; & hic modus argumentandi vocatur ad Hypothesi ad Thesis.

Ut autem Genus ad probandam speciem non semper valet, ita nec semper à specie ad Genus negativè argui licebit; non enim dicimus: Avaritia non dissipat bona, ergo Vitium bona non dissipat. Idcirco Quintilian. (1) *Species firmam probationem habet Generis, infirmam refutationem.*

VII. A Similitudine.

Similitudo est Oratio, distinctarum rerum similem inter se affectionem, & relationem declarans. Vel (2) est duorum, vel plurium, longè diversorum, in aliqua re collatio. Hinc patet ad rationem similitudinis non esse de necessitate, ut per omnia res assimilatae compareantur præterquam quod enim accidere id nequaquam potest, juxta illud commune: Omnis similitudo claudicat; tum etiam quia, si quæ comparantur, in omnibus prorsus consentiant, (3) paria magis, aut æqualia sunt, quàm similia; sed satis est, si

res

(1) Quintil. lib. 5. cap. 10. (2) Radan. cap. 1. q. 5.
(3) Causinus lib. 4. cap. 4.

res comparatz, et si diversæ, & longè inter se dispares, in aliquo tantùm convenient, sicut Umbra, & Gloria diversissima sunt, in hoc tamen conveniunt, quòd Umbra corpus, Gloria virtutem sequitur; Unde Cicero: *Gloria virtutis umbra est.*

Similitudinis usus creberrimus in Sacris literis, & apud Orientales, præsertim apud Hebræos frequentissimus; Unde D. Hieronymus: *Familia-
re est Syris, & maximè Palestinis, ad omnem sermo-
nem suum Parabolas jungere, ut quod per simplex
Præceptum teneri ab Auditoribus non potest, per simi-
litudinum exempla teneatur.* Hinc etiam Salvator,
& Præceptor noster Christus Jesus sine Parabolis, & similitudinibus non loquebatur.

Plura facit similitudo: Orationem exornat; Rem oculis subiicit; Probationem corroborat; variis rerum imaginibus Auditorem oblectat; & motum in Animis concitat.

Vulgò dividitur similitudo in Parabolam, Exemplum, & Inductionem.

Parabola, quæ etiam Paræmia, & Proverbium appellatur, est (1) Rerum diversarum sub aliquo proportionaliter simili facta collatio. Passim verò in Evangelio Parabola, non tam comparisonem, aut collationem, quàm allegoricam declarat Orationem, quæ non faciliè ab omnibus intelligatur. Parabolæ exempla hic apponere non est opus, cum occurrant passim in Evangelio, præsertim Matth. cap. 13.

Ad parabolam refertur etiam Apologus, ut optimè docet Caussin, neque alia in re hic ab illa distinguitur, nisi quod Parabola est rerum, sive verarum, sive verisimilium apposita, & artificiosa narratio; Apologus verò nec vera narrat, nec verisimilia.

Exem.

(1) Alber. Magn. in Top.

Exemplum definitur: Facti alicuius, vel dicti, cum certi Authoris nomine, expositio, D. Hieronym. (1) *Quemadmodum si, qui laborant oculis, spongas, ac vestium Cyaneo colore pannos tenentes, frequenter in ea intueantur, ex eo colore nonnullum capiunt morbi levamen; Sic qui hominis clementissimi imaginem præ oculis habeas, & in hac assidue oculos defigas, etiam si millies abundet ira, mentis oculum perturbans, ad hoc virtutis exemplar respiciens, perfectam consequeris sanitatem, puramque animi Philosophiam, ac tranquillitatem.*

Exemplorum usus fieri potest vel à Pari; vel à Majori ad Minus; vel, quod frequentissimum est, à Minori ad Majus.

Inductio est coacervatio quædam rerum multarum, & similium, ad aliquid concludendum. D. Gregorius ex similibus conglobatis fructus patientiæ virtutes esse demonstrat: (2) *Sic uva calcibus tunditur, & in vini saporem liquatur; Sic oliva contusionibus expressa, suam amurcam deserit, & in olci liquorem pinguescit; sic per trituram Area à paleis grana separantur, & ad horreum purgata veniunt. Quisquis igitur appetit plenè vitia vincere, studeat humiliter purgationis suæ flagella tolerare.*

Differt Inductio à Parabola, & Exemplo, quòd illa uno duntaxat claudi, hæc non nisi multis similibus perfici potest: alioqui Parabolas, & omnis generis exempla complectitur inductio. (3)

In similitudine uti solemus his particulis: ut, ità, sic, quemadmodum, pari ratione, sicut, non aliter, &c. possumus tamen aliquando, ut superius dictum est, simpliciter, & his reiectis, similitudinem exprimere.

Omissum tandem hic nolumus utile illud præ-

(1) *Homil. 2. de spect. apud Cassin. lib. 4. cap. 55.*

(2) *Homil. 2. in Evangel. apud Palat. Reg. Eloq. exercitat. 2. lect. 13. (3) Cassin. lib. 4. cap. 56.*

præceptum Fabii (1) *Ne scilicet id, quod similitudinis gratiâ adscribimus, aut obscurum sit, aut ignotum; debet enim, quod illustranda alterius rei gratiâ assumitur, ipsum esse clarius eo, quod illuminat.*

VIII. A Dissimilitudine.

Dissimilitudo est Rerum multarum, quæ inter se diversæ sunt, dissimilis affectio.

Ab hac argumentamur, cùm quod uni dissimili competit, alteri competere negamus, & quod uni non competit, alteri competere asserimus. E. G. Ignavus, & iners Christicola Proximi salutem non querit; Ergo Generosi, & Charitate fervidi Christiani est omnibus ad eam modis incumbere.

Locus hic discrepat à Superiori in eo, quòd similitudo semper procedat affirmando; Dissimilitudo verò semper negationem habeat.

IX. Ab Oppositis.

Opposita sunt in quadruplici Genere:

Alia dicuntur contraria, seu adversa.

Alia Privativa.

Alia Relata, seu Relativa,

Alia Contradientia.

Contraria sunt, quæ si sub eodem genere ponantur, maximè secum discordant, & ab eodem subiecto mutuo se se expellunt, ut Calor, & frigus sub eodem genere Qualitatis. Virtus, & Vitium sub eodem genere affectionis, & Habitus. A Contrariis benè argumentabimur, si de quo

D

rem

(1) Lib. 2.

rem unam affirmamus, de eodem alteram contrariam negabimus. Sic D. Ambrosius sub persona Christi Psalm. 118. *Non est meus, quem libido succendit, quia mea est Castitas. Non est meus, quem cura spoliandi minores exagitat, quia mea largitio est. Non est meus, quem aura nobilitatis inquietat, quia mea tranquillitas est. Pax sum ego, litigare non novi, &c.*

Privativa seu Privativè Opposita sunt, quæ significant rem, & absentiam rei in subiecto, apte eam habere, ut auditus, & surditas; lux, & tenebræ; Vita, & Mors, &c. à privatione argumentaberis, si unū Privativorum de aliquo negabis, & alterum de eodem affirmabis, E. G. Nihil est quod magis exspectatur, quàm vita; Nihil est igitur, quod timeatur magis, quàm mors. Sic D. Paul (1) *Eratis aliquando tenebræ, nunc autem lux in Domino.*

Relata sunt, quæ ad se invicem referuntur, ita ut cognitio unius necessariò includat cognitionem, seu ordinem ad aliud, hujusmodi sunt Pater, & Filius, Servus, & Dominus; dare, & accipere. Probat iste locus ab affirmatione unius ad affirmationem alterius, vel è contrà; Sic Christus Dominus: (2) *Si ergo ego lavi pedes vestros, Dominus, & Magister; & vos (scilicet servi, & discipuli) debetis alter alterius lavare pedes.*

Contradicentia, quæ Contradictoria à Dialecticis vocantur, ea sunt, quorum quod unum affirmat, alterum negat, ut: est bonus, non est bonus. Horum regula est, ut uno posito, alterum tolli necesse sit. E. G. Salutem amat suam, qui de peccato commissio veniam à Deo per pœnitentiam expostulat; Qui ergo de patrato peccato veniam dolendo non quærit, salutem non amat suam.

X. Ab

(1) Ephes. 5. 8. — (2) Matth. 13. 14.

X. Ab Adjunctis.

Adjuncta, sive Attributa, ea sunt, quæ cum re sunt conjuncta; sed non necessario.

Adjuncta alia Personæ, & alia Rei.

Adjuncta Personæ sunt Undecim:

Nomen, Natura, Viçus, Habitus, Fortuna, Affectio, Studia, Consilia, Facta, Casus, Orationes. Quæ omnia ad tres Classes revocantur, ad Bona scilicet, vel Mala Animi, Corporis, & Fortuna.

Adjuncta Rei septem à nonnullis enumerantur, expressa sequenti versiculo, quem supra etiam attulimus.

Quis, Quid, Ubi, Quibus Auxiliis, Cur, Quomodo, Quando.

Quis, significat qualitatem Personæ, in qua considerantur undecim illæ circumstantiæ, paulò superius recensitæ.

Quid, significat rei, de qua agitur, Naturam, qualitatem, aut quantitatem, E. G. fueritne furtum, an sacrilegium; honesta, an turpis; levis, an gravis.

Ubi, locum indicat, Publicus, an Privatus; Sacæ, an profanus, &c.

Quibus auxiliis, hoc est cum quibus Sociis, quibus instrumentis, &c.

Cur, significat finalem causam, quo animo, qua cupiditate, quo fine, &c.

Quomodo, modum facti, quàm facile, quàm graviter fecerit.

Quando, Tempus denotat.

Locus hic ab Adjunctis, optimè si examinetur, uberrimam argumentorum messem protulerit, quare non immeritò Adjuncta Argumentorum Seminarium à quibusdam nuncupatur.

XI. & XII. Ab Antecedentibus, & Consequentibus.

Antecedentia illa sunt, quæ rem necessariò antecedunt, & quibus positis, necesse est alia consequi, E. G. Sanctè, & piè vixisti, Cælum igitur expecta.

Nonnumquàm ex multis antecedentibus unum tantum consequens inferitur; & quandoque ex uno Antecedente Consequentia multa.

Consequentia illa sunt, quæ vel mora, vel ordine sunt posteriora, & rem necessariò consequuntur. E. G. Magna est peccatorum in Inferis pœna, ergo magna fuit patratæ culpæ injuria. Locus hic non solum per affirmationem, sed per negationem quoque tractari potest.

Antecedentia, & Consequentia per hoc differunt ab Adjunctis, quòd Adjuncta non necessariò rem circumstant; Antecedentia verò, & Consequentia necessariò rem antecedunt, & sequuntur.

XIII. A Repugnantibus.

Repugnantia sunt, quæ stare simul, & hære non possunt, qualia sunt: Amare, & injuria afficere; Odisse, & laudare, &c.

Regula argumentandi à Repugnantibus hæc est, ut cui convenit unum repugnans, alterum non conveniat. E. G. Illene censendus Deus diligere, qui peccando Christum injuriat, lingua flagellat, mente vulnerat, & pravis operibus iterum crucifigit?

Differunt inter se Repugnantia, Contraria; & Dissimilia. Contraria sunt, quæ sub eodem genere contenta, sibi adversantur, ut; Amare, & odisse.

Dissi.

Diffimilia non pugnant, sed tantum diversa sunt. Repugnantia verò sunt, quando (1) Unum contrarium ponitur, & alterius contrarii effectus, ut, odisse, & benefacere; nam benefacere ex amore profluit; Amor verò contrarius est Odio.

XIV. & XV. A Causis, & Effectis.

Causa est id, à quo aliquid quomodocumque procedit.

Causa quadruplex: Efficiens, Materialis, Formalis, Finalis.

Efficiens causa est, quæ aliquid facit, ut Sol diem, Artifex opus. Huc etiam refertur, qui moraliter, seu instrumentaliter aliquid efficit.

Causa Materialis est id, ex quo aliquid fit, ut statua ex marmore; seu circa quod aliquid versatur, ut Color, circa quem Oculus.

Causa Formalis est, per quam res est talis, seu per quam constituitur, & distinguitur ab aliis rebus. Sic Navis, & domus lignea, per diversam partium constitutionem differunt.

Finalis causa demum est, propter quam aliquid fit, ut Navis propter navigationem, Medicamentum propter salutem.

A Causa Efficiente bifariam argumentamur. 1. Posita, vel sublata causa, ponatur, vel tollatur effectus. 2. Quæ causis insunt, effectibus tribui possunt. 1. Charitatem non habes, ergo Animarum saluti non laboras. 2. Mundus creatus est à Deo, igitur opus perfectum est.

A causa materiali deducitur argumentum, si proprietates, quæ proveniunt ex materia, vel materię conveniunt, prædicentur de effectus; quæ

D. 3.

ve-

(1) Radan, in Orat. extemp. p. 1, cap. 1. qu. 5.

verò non conveniunt, vel repugnant materiæ, ab effectu arceantur. 1. De Terra homo est, ergo corruptioni obnoxius. 2. Daniel ut probaret Idolum Bel neque vivere, neque comedere posse, sic ait (1): *Ne erres, Rex; iste enim intrinsecè luteus est, extrinsecè areus, neque comedit aliquando.*

A causa formali hoc modo, ut scilicet res omnis suæ formæ proportionari, seu æquari debeat. Animus hominis est immortalis, ergo immortalia quærere debet.

A causa finali argumentabimur juxta hæc axiomata: 1. Qualis est finis, sive bonus, sive malus, talis est res, quæ per se ordinatur ad finem. 2. Qui finem appetit, debet media, ad illius consecutionem idonea, expetere. 1. Bonum est Pauperis inopiam sublevare, ergo bona est Eleemofyna. 2. Ad Cælum aspiras? Terram igitur contemne.

Effecta sunt ea, quæ oriuntur à causis; unde tot dantur effecta, quot causæ; quælibet enim causa suum habet effectum.

Hic locus ab effectis frequentius usurpatur ab Oratoribus, quàm locus à causis; Effecta enim sunt causis notiora, & per ipsa effecta causæ probantur.

Ab effectis argumentamur, vel inferendo causam, posito effectu; vel negando causam, negato effectu; vel ex bonitate, seu malitia effectus, causæ bonitatem, vel malitiam probando.

Ab effectu igitur causæ efficientis ita deducitur argumentum: Virtus parit laudem, voluptas infamiam; Ergo sequenda virtus, voluptas fugienda.

Ab effectu causæ materialis hoc modo: Quotidie immutamur, & morimur, ergo corpus nostrum

(1) Daniel, cap. 14.

strum inconstans est & caducum.

Ab effectu causæ formalis sic : divinum quoddam est intelligere; ergo Animam tuam, Homo, parvi ne facias; magni pretii est, divina est.

Ab effectu causæ finalis ita: Terram amas, pro Terra laboras? Cælum igitur ne spera.

XVI. A Comparatione .

Comparatio , ultima Insectorum Argumentorum Sedes, ea est, qua duo , vel plura , in aliquo tercio, quod est eis commune, conferuntur.

Hinc intellige differentiam inter comparationem , & similitudinem . In comparatione fit duorum collatio respectu alicuius tertii, in similitudine fit quidem collatio , non verò respectu tertii ; sed suum cuique attributum datur . v. g. *Eicuit Marco Antonio defendere Clodium, cur Cicero non liceat defendere Milonem?* Ecce hic Antonius , & Cicero conferuntur respectu tertii, nempe defensionis. hic verò: *Sicut infirmi suavitatem cibi non sentiunt , ita improbi vera laudis gustum non habent* . Infirmi cum improbis conferuntur , sed non est tertium, respectu cuius conferantur; sed & infirmis , & improbis suus gustus corruptus attribuitur. hæc disertissimus P. Michael Radau . (1)

Alii aliam differentiam assignant, quod scilicet comparatio fiat in quantitate, idest è duabus, vel pluribus rebus , in aliqua re collatis, ostendatur æquitas, aut imparitas; similitudo verò fiat in qualitate, idest cum à convenientia , seu proportionem aliqua , quæ inter ipsas res comparatur, ducitur argumentum .

Com-

(1) Radau, in suo orat. extempor. p. 1. cap. 1. qu. 5.

Comparisonem tripliciter efformare possumus.

Primò . Paria cum paribus conferendo , sic D. Paul se ipsum commendat, dicens : (1) *Existimo enim nihil me minus fecisse à magnis Apostolis, &c. Hebraei sunt, & ego . Israelitae sunt, & ego . Semine Abrahæ sunt, & ego, &c.* Et hoc vocatur argumentum à Pari.

Secundò . Majora minoribus comparando . Sic Christus : (2) *Si ergo ego lavi pedes vestros Dominus, & Magister, & vos debetis alter alterius lavare pedes .* Et hoc Argumentum appellatur à Maiori ad Minus .

Tertiò . Minora cum majoribus comparando, ita Christus . (3) *Si Fenum, quod hodie est, & cras in cibarium mittitur, Deus sic vestit : quanto magis vos modica Fidei ?* Et hoc nuncupatur à Minori ad Majus .

Hæc de locis inſitis, ſeu intrinſecis, quorum aliquos nonnulli ad locos extrinſecos revocare contendunt . Nos ab hujus Quæſtionis diverticulo pedem avertimus, utpotè parùm nobis proficua, & ad ulteriora progredimur .

De locis Extrinſecis, ſivè Aſſumptis .

SECTION II.

Loci Extrinſeci, Remoti, ſeu Aſſumpti, illi vocantur, ut diximus, qui extrà rem ſunt, & ab extrà ſumuntur ad rei confirmationem .

Omnia,

(1) D. Paul 2. Corinth. 2. (2) Joann. 13. 14.
(3) Matth. cap. 6.

Omnia, quæ extrinsecus assumuntur ad rem confirmandam, Testimonii nomine vocantur à Cicerone.

Testimonium igitur duplex est, alterum Divinum, Humanum alterum.

Testimonium divinum illud est, cuius Deus est author, sive per se ipsum, sive per alium; Huiusmodi sunt Scripturæ Sacræ, Historiæ Ecclesiasticæ, & Exempla, Salvatoris nostri cum dicta, cum facta, sententiæ S.S. Patrum, Traditiones, Concilia, Summorum Pontificum decreta, &c.

Humanum Testimonium est ab homine, & ad hoc referuntur Leges, Statuta Rerum publicarum, Mores Urbium, Historiæ, Veterum Sententiæ, Symbola, Hieroglyphica, Ænigmata, Emblemata, Adagia, Parabolæ, Apologi, Apophthegmata, &c.

De Divino Testimonio.

ARTICULUS I.

Cùm Divinum Testimonium innitatur Deo, qui via est non errans, Veritas non fallens, Vita numquam deficiens, quis non videat virtutem divinam habere, quæ ex hoc fonte profluunt argumenta, longèque efficaciora esse, quàm probationes quascumque à profanis fontibus haustas? hoc igitur frequens habeat in suis Concionibus Ecclesiasta; ut enim ait D. Paul. (1) *Omnia Scriptura, divinitus inspirata, utilis est ad docendum, ad arguendum, ad corrigendum, ad erudiendum in iustitia, ut perfectus sit homo Dei,*
ad

(1). 2. ad Timoth. cap. 3. n. 16.

ad omne opus bonum instructus. Et cum ex D. Chrysost. (1) *Neque apex quidem sit in libris Sacris, in cuius profundis non lateat quidam grandis Thesaurus*, quid est quod tanto labore in profanorum librorum fodinis defudemus, ut parum inde argenti eruamus; nec potius Divinarum Scripturarum lectioni intendamus animum, ubi, D. Augustino testante (2) *frequentius inveniuntur ea, quam nunquam omnino alibi?*

In usu divini testimonii hæc advertantur.

Primò, syncerè, ac fideliter Sacræ Scripturæ Textus recitetur, nec germanus ejusdem sensus corrumpatur, aut in alium à Spiritu Sancto distans, vel Ecclesia interpretante alienum, Deoque indignum, contorqueatur, ut si E. G. per tres panes, Amico accommodatos (3), tres Sanctissimæ Trinitatis Personas intelligere velles,

Non inconsultò, nec nimium frequenter Divinæ Scripturæ testimonia coacerventur; Majestatem enim suam amitterent, & pro reverentia tadium inducerent.

Sed nec prolixiores Textus citentur, longa enim recitatio tum dicenti laboriosa, tum Audienti fiet molesta.

Secundò, Historias Sacras, Exempla, & miracula elige præcipua, & rariora, eorumque narratio virtutibus, & ornamenti, quæ narrationem decere infra docebimus, non carcat.

Si verò contigerit (4) eas aliquando Ecclesiasticas Historias, & facta narrari, quæ ignavis, & insipientibus videntur infamiae notam aliquibus Patriarchis inferre, & ad sceleris imitationem Auditores trahere, ut Incestus Loth, Adulterium

Da-

(1) *Homil. in Genes.* (2) *Lib. 2. de Doctr. Christ.*

(3) *Luca 2.* (4) *P. Amadeus Bajocensis lib. 2. cap. 4. art. 1. sect. 1.*

Davidis, &c. præmittatur aliquod lenimen, & statim ad Myſterium eleventur; nam, ut ait D. Ambroſius: (1) *Myſterium in figura, Peccatum in Hiſtoria, Culpa per hominem, Sacramentum per Verbum.*

Tertiò Sanctorum Patrum teſtimonia, exquisitiore, ac utiſſima, breviora, atque aptiora fideliter ad noſtrum uſum aſſumamus; ideòque caveat prudens Tyro frequentiores, & longiores horum recitationes, quia memoriæ onerant, Auditores tædio afficiunt, & Oratoriam attem enervant.

Quartò, Traditiones (eſt autem traditio: Doctrina aliqua, ad Religionem ſpectans, quæ nec in Scriptura exprimitur, nec ex illa evidenter colligitur; ſed à Chriſto, vel Apoſtolis, Spiritu S. afflatis, emanata, & in Eccleſia ſervata, ad nos uſque pervenit) vim habent delectandi, fideique faciendæ, (2) valentque præſertim in Genere Didactico; ſed in his adhibendis cautè incedendum, ne in Vulgi, Aniculatorumque errorem incidatur, quibus præva quædam, & damnandæ conſuetudines pro traditionibus habentur.

Quintò, Ex Conciliis, (2) *potiora ſunt ad fidem tuendam, erroresque refellendos, Universalia, ac Generalia, dummodò omninò approbata; Deinde Nationalia, Provincialia, & Diœceſana, quæ ad inſtitutionem morum, nec non ad Ritum Eccleſiaſticos explanandos poſſunt adhiberi.*

Sextò, *Summorum Pontificum Decreta* (2) plurimum ponderis habere debent, ſim ad ſtabiliendam fidem, ſim ad mores reformandos; cautè tamen (3) *Orator uſurpet aliqua teſtimonia à decreto extracta, quæ benigna interpretatione indigent.*

De

(1) Lib. 3. in Luc. (2) P. Amad. Baioc. lib. 2. cap. 4. art. 1. ſect. 2. (3) Idem Amad. lib. 2. cap. 4. art. 2. ſect. 1.

De Humano Testimonio.

ARTICULUS II.

Quoniam Eruditum, ut ait Cicero, oportet esse Oratorem (1) *Et omnibus iis Artibus, quæ sunt homine libero digna, perpolitum*, idcirco profanas eruditiones à Concionibus Sacris relegare non audemus, Vel ipse D. Paulus Ethnicorum doctrinis quandoque usus est, cum ait: (2) *Corrumpunt bonos mores colloquia prava*, & Act. 17. *Ipsius & Genus sumus*; Nec non cum Cretenses malas bestias vocat, quod ab Epimenide desumptum est; Alienus igitur ab huiusmodi eruditionibus esse non debet Ecclesiasta; sed nec adeò frequens earum usus, ut Concio Evangelica profanam oleat Orationem. Quod monemur, hoc est ut (3) *Parcè, sobriè, ac moderatè adhibeantur, nec nisi ad instar Cupediarum, quæ dapibus prudenter admixta, appetitum provocant*; Nunc progrediamur ad ea, quæ sub Humani testimonii nomine contenta declaravimus, omittis, quæ forensis potius disciplinæ, quàm Oratoris facultatis esse videntur.

Historia.

Historia est Rerum Gestarum cum laude, ac vituperatione Narratio.

In recensendis profanis Historiis, præter Artis ornamenta, quibus narrationem expoliendam, ac venustandam instà in 2. parte dicemus, tria hæc adnotentur.

Pri-

(1) 1. De Orat. (2) 1. Corinth. 15. (3) Amad. Bauc. lib. 2 cap. 5.

Primum trita, & communes historiarum à vertice ad calcem ne recitentur; sed (1) multa per Congeriem simul copulanda sunt, & cum celebritate orationis vibranda. Sic Cicero; (2) *Hæc majores nostri primum Universam Italiam devicerunt; deinde Carthaginem exciderunt, Numantiam everterant, Potentissimos Reges, bellicosissimas nationes in ditionem hujus Imperii redegerunt, &c.*

Secundum. Non ita priscas Historias in ore habeas, ut nihil de tuis Annualibus dicas. (3)

Tertium Denique; ut longum exemplorum contextum caveas, quod puerum sapit,

Veterum Sententiæ.

Cum Veterum sententiæ ad rei confirmationem adhibentur, meminerit diligens Tyro, quæ in SS. PP. Testimoniis afferendis monuimus. Et quoniam juvat quandoque, cum sententiæ Author innuitur, aliqua cum laude sociare, idcirco memoria tenere debet Orator quasdam laudandi formulas, E. G. Audite, quæ totius Scholæ miraculum S. Thomas super hoc scripsit. Ità Hostium Christi fulmen, & Eloquentiæ flumen D. Paulus, &c. Aureum illud, quod præstantissimus animorum Medicus Seneca effatus est, &c. Sic Princeps ille ingenii, & doctrinæ, ille Philosophorum quasi Deus Plato, &c.

* *
*

E

Sym-

(1) *Cassiodorus lib. 4. cap. 3.* (2) *Phil. 4.* (3) *Cassiodorus lib. 4. cap. 3.*

Symbola.

Symbolum est Nota quædam, sive signum, quod externa specie arcanum sensum velat.

Symbola alia Verbis, Picturis alia exprimuntur; Quædam verò utrumque conjungunt,

Vocale Symbolum est, quod verbis aliquid scitu dignum celat, & innuit, quale est illud: Ignem gladio ne fodito, hoc est. Cum irato, præfertim divite, & potente, ne contendas, ne ei bilem acuas.

Pictum Symbolum est figura adhibita ad aliquem reconditum sensum indicandum. Sic Ægyptii Apem pingebant, ut Regiis jussis obsequentem Populum ostenderent. Sic oculata Virga ostensa est Jeremiæ, ut Dei vigilantia, ejusque vigil, ac celeris ultio significaretur.

Tertia Symbolorum species ex utraque jam declarata faciliè colligitur.

Hieroglyphica.

Hieroglyphica nil ferè a Symbolis differunt, cum ejusdem sint naturæ, & muneris. Erant verò Hieroglyphica notæ quædam quorundam Animalium, aut aliarum rerum, Sacris monumentis, quæ ab Ægyptiis Hieroglyphica vocabantur, incisa, ad arcana Philosophiæ, Theologiæque dogmata exprimenda; cum enim nondum characteres componendis verbis, & dictionibus efformandis, inventi essent, his Notis vice literarum utebantur Ægyptij, ut apertissimè testatur Cora. Tac.

Ænigmata.

Æ Nigma implexo, & obscuro sermone arcanam sententiam involuit, à Græco vocabulo, *ænittomæ*, quod est: Obscurè loquor.

Tribus fit modis; vel literis, vel sententiis, vel pictis imaginibus.

Literis, vel una, ut cùm quis dicit, aut pingit elementum, S, ad exprimendum serpentem. C, ad denotandam falcem, &c. Vel pluribus, quale est illud de Nomine Jesu:

*Dicite, quale putas Nomen, quod picta Columna
Inchoat, inde Tridens fuscina nectit idem.*

*Flexus utrinq; Uncus secat, hinc Bivii nota, clausura
Inde Uncus, medio qui stetit ante loco.* (dis-

Sententiis, ut est illud Isaiæ: De radice Colubri egredietur Regulus, & Semen ejus absorbens volucrem, q. d. Ex Davide, & Ozia nascetur Ezechias, qui gravius, quàm ipsi, vos, ò Philistæi, affliget; ut videatur vobis esse basiliscus, qui suo aspectu, & afflatu, etiam aves volantes necat, & absorbet.

Pictis tandem Imaginibus, ut si quis appingat virum seniore, quem circumstant duodecim filii, diversis insignibus ornati, & singuli triginta filias bicolores apud se habeant, ad denotandum annum, menses, & dies.

Emblemata.

E Mblema dicitur quodlibet Symbolum, ingeniosè excogitatum, ad mores pertinens, pictura, & plerumque adiecto lemmate constans, quo arguta aliqua sententia, Visque appicti Symboli judicetur: Differt Emblema ab Ænig-

mate, licet in ratione Symboli utrumque consentiat, quòd Ænigma Res, Emblemata morcs, Virtutem, dignitatem, & id genus alia, exprimat. Similiter Ænigma obscurum est, & ambiguum, etiam doctis, & solertibus ingeniis. Emblemata aperiùs, & liquidiùs rem proponit. Emblematum exempla, qui desiderat, Alciatum legat.

Adagia.

A Dagium, quod Paræmia dicitur; & Proverbiũ, definitur ab Erasmo Celebre dictum, scita quadam novitate insigne, vel: Est vulgare dictum, & multorum usu tritum: Ejusmodi est illud: *Nescis te ipsum.* Et illud aliud: *Conscientia mille testes.*

Parabolæ.

P Arabola est narratio rei fictæ, tamquam gestæ, sed possibilis, & ad rem futuram relatæ. Differt ab Historia, quòd hæc rem gestam narrat: illa verò fictam, licet verisimilem exponit. Parabolæ usus frequentissimus Christo, ut videre est in Evangelio, ubi Regnum Cœlorum modò decem Virginibus; modò. Sagenæ missæ in mare, modò Thesauro abscondito assimilatur.

Apologi.

A Pologus, seu fabula, est sermo falsus, veritatem effingens. Inter Apologum, & Parabolam hoc interest, quòd hæc verisimilia; Apologus verò, ut plurimum, impossibilia recenset. Adest pulcherrimum Apologi exemplum Judic,

dic. 9 8. de lignis ad electionem Regis coeuntibus, ubi sic habetur: *Jerunt ligna, ut ungerent sibi Regem, &c.*

Apologis, ut docet Fabius, (1). Rusticorum præcipuè, & imperitorum animi faciliè commoventur, attamen cavendum est à crebriori Apologorum usu: nec facietis nimium, & ad scurrilitatem accedentibus verbis contextantur. (2) *Personam, locum, & propositum deceant. Sapius ante occupatione, seù præparatione aliqua indigent; sed ad mores instituendos Affabulatione non contorta semper inflectantur.*

Apophthegmata.

Apophthegma, ut Budæo placet, est dictum breve, rotundum, & sententiosum. Congruè Apophthegma cum Sententia; Est autem sententia Oratio, brevi contextu explicans, quod ad hortandum, dehortandumve pertinet, ut est illa D. August. *Deus melius scitur nesciendo*. Verùm sententia laxiùs plerumque sumitur, & similis est Consiliis, & decretis, ut est illud Domitii: *Princeps, qui vult omnia scire, necesse habet multa ignoscere*. Apophthegma verò sæper est breve, argutum, & ad occasionem datam, ferè ex tempore respondentis, dictum. Adde quod (3) *Apophthegmata decus accipiunt ab illustribus Personis, quibus tribuuntur, quales sunt Pontifices, Imperatores, Reges, legati, &c.* Apophthegmatum exempla vide in Plutarco.

(1) Lib. 5. cap. 2. (2) P. Amad. Bajoc. lib. 2. cap. 5. art. 3. (3) Caussinus lib. 4. cap. 9.

De Argumentatione.

C A P U T V.

Rationibus, & Argumentis ad rem probandam inventis, necesse est in aliquam Oratoricæ Argumentationis formam ea redigere; quocirca ne ab ordine recedamus, de Argumentatione sermonem adiicimus.

Argumentatio est Argumenti dispositio, sive explicatio.

Differt Argumentatio ab Argumento: Argumentum enim est materia Argumentationis; Argumentatio est modus, ratio, & forma, qua explicatur Argumentum.

Notandum hic volumus, Argumentationes Rhetoricas non ita simplicibus verbis, strictè, & Laconicè exponendas, ut dialectici suas; hic enim modus ad scholas magis, & munus disputandi, quàm concionandi, est accommodatus; sed fusiùs, & per Amplificationem. Dilatentur Verbis, & Sententiis, varientur figuris; caveatque Orator, ne cum illis societatem ineat, qui steriles, jejuni, & aridi Rhetores à quibusdam appellantur.

De Divisione Argumentationis Rhetoricæ.

S E C T I O I.

Duo sunt Argumentationis Oratoricæ præcipua Genera, Syllogismus, & Inductio.

De

De Syllogismo.

Syllogismus, latinè Ratiocinatio, tres habet Propositiones apud Dialecticos, quarum prima dicitur Major: Secunda Minor; Tertia Conclusio, seu Consequentia. Exemplum sit:

- 1 Quod Æternam ducit ad Gloriam, omninò est amplectendum;
- 2 Virtus ducit ad Æternam Gloriam;
- 3 Ergo, omninò Virtus est amplectenda.

Secundum Rhetores autem quinque partes habet Ratiocinatio: Propositionem, Rationem Propositionis; Assumptionem, Rationem Assumptionis, & Complexionem.

Exemplum, superiùs allatum, per Ratiocinationem Rhetoricam sic explicatur:

Propositio. Quod Æternam ducit ad Gloriam, omninò est amplectendum;

Ratio Propositionis. Quia Homo debet tendere ad suum finem, quæ est Gloria Æterna.

Assumptio. Sed Virtus ducit ad Æternam Gloriã,

Ratio Assumptionis. Quia amicos Dei nos facit.

Complexio. Ergo Virtus omnibus est modis amplectenda.

Idem Exemplum
fusiùs, & per Amplificationem.

Quid delectabilius Cœlo? Quid Cœlesti Patria suavius est, ac formosius, ubi Æterna ruilat dies, perpetua ridet æternitas; ubi festivè psallentium Choris jucundantur aures, insuetis lætitiæ spectaculis pascuntur oculi, uberrimo divinæ voluptatis Torrente potatur Animus, beatur

tur Spiritus? Nihil hîc desideratur; omnia suppetunt, & satis omnia: sed sine fastidio satietas, sine tædio assiduitas. Deus omnia. Omnibus unus omnia Deus, & in uno Deo quisque omnia. In ipso hærent, ipsi inhiant, ab ipso exhilarantur, beantur, satiantur. O qualis beatitas? ô quanta hæc felicitas! (*Proposito*) Ecquid igitur, Fratres mei, non tentandum, ut tantam promereamur Gloriam? Quibus mediis, ut hunc beatum, & beatificum finem, cui natus, ad quem vocatus est homo, non insudandum. (*Ratio Propositionis*) Redundantia aquarum flumina per saxa, ac prærupta ruunt, ubi lacerari, prorumpi, proscindi non metuunt, quò suum finem attingant, nempe Maris sinum. Maris pericula, & labores non exhorret Nauta, ut optatis potiatur mercibus. Et destitit Homo, Ratione præditus, Æternæ vitæ capax, ad Deum suum aspirare, Deum quærere, Pro Dei possessione lapidem omnem, ut ajunt, movere? (*Assumptio*) At Virtus est via. Virtus præbet expeditissimum ad Cælos ascensum; (*Ratio Assumptionis*.) Ea siquidem animum exornat, mentem elevat, Hominem amicat Deo, Deoque intimum facit; per quam si vivimus, honestè vivimus; in cujus studio si morimur, beatissimus; (*Complexio*.) Cur non igitur amplectenda? Cur non amanda? Et ubi pro Terrenorum Bonorum adeptione laborem omnem tam expedito, & inique hilari animo aggredimur, Virtutem unam, dulcem adeò, tot delicias, tot divitias nobis afferentem, sequi negligamus?

* *
*)

De Inductione.

Inductio est (1) Illatio ex enumeratione præcipuarum partium, vel collatione illustrium aliquot Individuorum; ita ut ex multis singulis probetur universale.

Hæc species Argumentationis familiarissima est Ora tori, & ad ornandum illustrissima.

Inductionis Exempla.

Cicero ex præcipuarum partium enumeratione colligit optimam Populi Rom. de Milone Sententiam: *Plebs Romana, inquit, optimè sentit de Milone; Equester ordo optimè sentit; Senatus optimè sentit; totus ergo Populus Rom. optimè de Milone sentit.*

Tertullianus ex multis similibus mortuorum Resurrectionem confirmat: (2) *Lux quoridie interfecta resplendet, & tenebra pari vice decedendo succedunt; Sidera defuncta viviſcunt; Tempora, ubi finiuntur, incipiunt; Fructus consummantur, & redeunt; Certè semina non, nisi corrupta, & dissoluta, facundius surgunt; omnia pereundo servantur, omnia de interitu reformantur.*

Apud Senecam (3) multa exempla acutè vibrantur pro sepeliendo sui homicida: *Omniſus Natura ſepulturam dedit. Naufragos idem fluctus, qui expulſit, ſepelit; ſuffixorum corpora Crucibus in ſepulturam ſuam deſcendunt; Eos, qui vivi uruntur, pœna*

(1) Quintil. lib. 5. cap. 2. Voſſ lib. 3. cap. 5. Farnab. in ſuo Indice Rhet. Verbo de confirmatione (2) Tertull. apol. cap. 48. apud Cauſſinum (3) Cauſſiv. lib. 4. cap. 56.

na funerat. Irascere interfectori; sed misereve interfectori.

In exemplorum inductionibus meminisse oportet, quod superius dictum est, cum de profana Historia ageremus; nempe ut, si nota, & communia fuerint exempla, indicatis tantum nominibus, celeriter prætereantur; secus, trahenda erunt longiusculè; ita tamen ut nullum auribus fastidium creent.

Aliæ Oratoriæ Argumentationis formæ.

SECTIO II.

PRÆTER Ratiocinationem, & inductionem, dantur aliæ Oratoriæ argumentandi formæ, & sunt Enthymema, Sorites, Epicherema, Dilemma, Expeditio, Subiectio, & Exemplum, quorum ultimum ad inductionem, cætera alia ad Ratiocinationem referuntur.

De Enthymemate.

ENTHYMEMA est imperfectus Syllogismus; quia altera ex duabus Propositionibus illi deest, sive Major, sive Minor, E. G. Malum est mendacium, ergo fugiendum, deest hinc major propositio, quæ esset: Omne malum est fugiendum; Item: Omne malum est fugiendum, ergo fugiendum mendacium, deest hinc minor Propositionio, quæ esset: Mendacium est malum.

Enthymema alterum simplex, Compositum alterum.

Enthymema simplex est, quod suprà exposuimus, licet diffusè explicanda, & probanda sit illa una tantùm propositio, quæ ponitur.

Enthymema compositum est, cùm plures Propositiones simul conglobantur, ex quibus una dumtaxat Conclusio colligitur; vel è contrà ex una Propositione plures Conclusiones inferuntur.

Prioris Exemplum sit.

Qui mundanis incubat oblectamentis; Congestis inhians opibus indormit; inter sædas carnis illecebras miserè stertit; libidini, voluptati, & vanitati totus vivit; is ne de Cælo aliquid cogitat?

Posterioris Exemplum sit.

Moriendum est; Ergo stultum est fluxis, & depetituris voluptatibus indulgere; Ergo demens est, qui temporaneis, & caducis divitiis comparandis mactè elaborat; Insanè igitur agit, qui pretiosum vitæ suæ tempus in his momentaneis, & inanibus rebus augendis profundit.

De Sorite.

Sorites est Argumentationis species, quæ multis Propositionibus velut gradatim congestis, & aliis ex aliis illatis, aliquid deinde inferitur.

Exemplum ex D. Hieronymo in Epist. ad Heliodorum. (1)

Nemo Propheta in Patria sua honorem habet. At ubi honor non est, ibi contemptus est; ibi contemptus,

(1) Apud Granat, lib. 2 de Ratione Concion. cap 9.

na funerat. Irascere interfectori; sed miserere interfectori.

In exemplorum inductionibus meminisse oportet, quod superius dictum est, cum de profana Historia agcremus; nempè ut, si nota, & communia fuerint exempla, indicatis tantum nominibus, celeriter prætereantur; secùs, trahenda erunt longiusculè; ità tamen ut nullum auri- bus fastidium creent.

Aliæ Oratoriæ Argumentationis formæ.

SECTIO II.

PRÆTER Ratiocinationem, & inductionem, dantur aliæ Oratoriæ argumentandi formæ, & sunt Enthymema, Sorites, Epicherema, Dilemma, Expeditio, Subiectio, & Exemplum, quorum ultimum ad inductionem, cætera alia ad Ratiocinationem referuntur.

De Enthymemate.

ENthymema est imperfectus Syllogismus; quia altera ex duabus Propositionibus illi deest, sive Major, sive Minor, E. G. Malum est mendacium, ergo fugiendum. deest hîc major propositio, quæ esset: Omne malum est fugiendum; Item: Omne malum est fugiendum, ergo fugiendum mendacium, deest hîc minor Propositio, quæ esset: Mendacium est malum.

Enthymema alterum simplex, Compositum alterum.

Enthymema simplex est, quod suprà exposuimus, licet diffusè explicanda, & probanda sit illa una tantùm propositio, quæ ponitur.

Enthymema compositum est, cùm plures Propositiones simul conglobantur, ex quibus una dumtaxat Conclusio colligitur; vel è contrà ex una Propositione plures Conclusiones inferuntur.

Prioris Exemplum sit.

Qui mundanis incubat oblectamentis; Congestis inhians opibus indormit; inter fædas carnis illecebras miserè stertit; libidini, voluptati, & vanitati totus vivit; is ne de Cælo aliquid cogitat?

Posterioris Exemplum sit.

Moriendum est; Ergo stultum est fluxis, & deperituris voluptatibus indulgere; Ergo demens est, qui temporaneis, & caducis divitiis comparandis mactè elaborat; Insanè igitur agit, qui pretiosum vitæ suæ tempus in his momentaneis, & inanibus rebus augendis profundit.

De Sorite.

Sorites est Argumentationis species, quæ multis Propositionibus velut gradatim congestis, & aliis ex aliis illatis, aliquid deinde inferitur.

Exemplum ex D. Hieronymo in Epist. ad Heliodorum. (1)

Nemo Propheta in Patria sua honorem habet. At ubi honor non est, ibi contemptus est; ubi contemptus,

(1) Apud Granat, lib. 2 de Ratione Concion. cap 9.

ptus, ibi frequens injuria; ubi autem injuria, ibi & indignatio, ubi indignatio, ibi quies nulla; ubi quies non est, ibi mens à proposito sapè deducitur; ubi autem per inquietitudinem aliquid aufertur ex studio, minus fit ab eo, quod tollitur; & ubi minus est, perfectum non potest dici. Ex hac supputatione illa summa nascitur: Monachum perfectum in Patria sua esse non posse; perfectum autem esse nolle, delinquere est.

De Epicheremate.

Epicherematis nomen (1) omni Argumentationi commune est, si ipsius vocabuli significatio attendatur; epicherema enim græcè, Argumentationem latinè sonat. Nonnulli tamen Epicherematis nomine intelligunt (2) Syllogismum Rhetoricum, scè Ratiocinationem, de qua paulò superiùs dictum est. Alii (3) Dialecticum quoque Syllogismum Epicherema vocant. Tandem sumitur Epicherema (4) pro breviter comprehensa Ratiocinatione, cujus omnes partes in unam conferuntur; qualis est illa D Ambrosii, intemeratæ Virginis dolorem in morte Jesu filii, exaggerantis: *Nec illud Virgo solatium habuit, quòd alium esset filium paritura.*

De Dilemmate.

Dilemma, quod bicornis Argumentatio vocatur, est Ratiocinatio in duas partes, scè ratio-

(1) *Cassian. lib. 6. cap. 29.* (2) *Isidor. lib. 2. originum cap. 9 Farnab. in suo Indice Rhetorico.*

(3) *Alexand. in 8. Topic. apud Cassian.* (4) *Cassian. d. b. G. cap. 29. Cyprian. lib. 3. cap. 22.*

tiones divisa, quarum utraque ferit Adversarium, ita ut, utramlibet concesserit, reprehendatur. Hoc Argumentationis genus adhibuit. D. Cyprianus (1) contra Demetrianum. *Quæ est, inquit, hac insatiabilis Carnificina rabies? Quæ inexplebilis libido savitia? Quin potius elige tibi alterum de duobus: Christianum esse, aut est crimen, aut non est. Si crimen est, cur non interficis consistentem? si crimen non est, quid persequeris innocentem?*

De Expeditione.

Expositio, sive Enumeratio est, in qua pluribus rebus expositis, & cæteris infirmatis, una reliqua necessario confirmatur. (2)

Exemplum.

Cur mortem aliqui timeant, planè satis non intelligo; Vel enim per se ipsam, vel ex rebus ipsis, quæ mortem antecedunt, vel ex iis, quæ sequuntur, timenda mors est, aut nullatenus timenda. Sed neque per se, neque ex præcedentibus, aut consequentibus timenda mors est; ergo nulla de causa est metuenda.

De Subiectione.

Expositioni, seu Enumerationi affinis est subiectione: ea verò est, qua quærimus ipsi, quid contra nos dici possit, deinde per singulas interrogationes continuò orationem subiicimus, qua id, quod dictum est, falsum esse contendimus.

F

Exem-

(1) *Apud Granat. lib. 2. cap. 9.* (2) *Granat. lib. 2. cap. 7.*

Exemplum Oforii Episcopi, Colligentis ex diuturna Iudaorum captivitate, eos à Deo relictos, propter ipsorum perfidiam.

Quam rem gerunt? quod scelus conflant? quae maleficia suscipiunt, propter quae à Deo, quem tam propitium olim habebant, omninò deserantur? Simulacris immolant? imò eorum contactum perhorrescunt. Commentitios Deos asciscunt? at eo nomine, quòd Deum colant, efferuntur, & id verum. Sed moribus immanibus efferati sunt; At ipsi summam sibi laudis, aequitatis, & pietatis assumunt. Quid ergo est? parumne supplices ad Deum preces adhibent? imò in precibus assidui sunt. Si ergo nec simulacra colunt, nec vanos Deos invocant, &c.

De Exemplo.

Exemplum est inductio imperfecta; seu (1) Argumentatio ab uno simili ad aliud; V. G. Absalon, quòd arma in Patrem turpiter movit, miserè diem obiit suum. Ergo & te, hostiliter cum Genitore conflitantem, idem manebit supplicium.

Inter Exemplum, & Inductionem discrimen hoc est, quòd Inductio ex multis singularibus universalem rem infert; Exemplum verò ex uno singulari singulare aliud probat. (2)



De

(1) Radau. p. 1. cap. 2. qu. 3. (2) Farnab. in suo Indice Rhet. Verbo de Confirmatione.

De Varianda Argumentatione;

SECTIO III.

Varietatem in Argumentatione jubet Cicero,
 (1) *Ne aut cognoscat artem, qui audit, aut defatigetur similitudinis satietate.*

Argumentationis variandæ plures habentur modi.

Primus est ut non semper una, eademque Argumentationis forma Rationes singulæ exponantur; sed modò Ratiocinatione, modò Enthymemate, aliàs Inductione, &c.

Secundus est, ut nec idem semper ordo in Argumentationis partibus servetur; sed invertendæ, & perturbandæ sunt; nam quò cautiùs partes confundentur, eò tutior erit usus Artificiû. Quare nonnumquam priori loco ponenda est Assumptio cum ejusdem ratione, cui subiiciatur Propositio, postremùm Conclusio. Interdum ab ipsa Conclusionē exordiendum erit. Quandoque ab alterutra ratione, &c. quod diligenter à Cicerone servatum reperiēs. Sit Exemplum in hoc Syllogismo Oratorio.

Propositio. Ei, à quo totum acceptum est, totum debetur;

Ratio Propositionis. Omnia namque Domino suo refertur.

Assumptio. Sed à Deo totum accepimus,

Ratio Assumptionis. Quia per ipsum, & in ipso vivimus, movemur, & sumus;

Complexio. Deo igitur totum debemus.

F 2

Si-

(1), Cic. 2. de Orat. num. 177.

Situs harum partium variari potest hoc modo:

(*Assumptio*) Dic mihi, paupercule, & miserabilis Homuncio, quid habes, quod à Deo non acceperis? Quidve in te est, quod tuum esse gloriari liceat? &c. (*Ratio Assumptionis*) An non à Deo Terra ista, quâ premis, Aer hic, quo respiras, vita ipsa, qua vivis? Nullus in te motus, nisi moveret te Deus; & in tuo nihilo miserè adhuc jaceres, nisi è Nihilo extraxisset te Deus. A Deo igitur totum accepisti. (*Ratio Propositionis*.) Quod si Domino referuntur omnia, quæ Domini sunt; (*Propositio*) Eique totum debetur, à quo totum accipitur; (*Complexio*) Quo nam pacto uni Deo, Domino, & Creatori tuo, totum quod in te est, ipse non debeas?

Alias complures variandarum partium rationes vide, sis, apud Eruditissimum P. Michaelen Radau in suo Oratore Extemporaneo, parte 1. cap. 2. Q. 3.

Tertius modus est, ut singulas Argumentationis partes non semper judicantis, & simpliciter affirmantis modo proponat Orator, sed modò interrogando tum se ipsum, tum alios, ut instet, & urgeat magis; modò optando, interdum exclamando, &c. Aliisque tum Verborum, tum sententiarum ornamentis expolienda est Argumentatio.

Quartus denique modus fit per variatas transitiones, de quibus infra in 2. parte,

De Amplificatione.

C A P U T VI.

Quoniam, ut diximus, sterilis esse non debet Orator, sed Argumenta, Sententias, & quæ
qua.

magni ponderis sunt loca, per amplificationem tractare, ut quod simpliciter prolatum, parvum videtur, per amplificationem majus appareat, & ad motus excitandos magis conducatur; idè necesse est amplificandi methodum tradere. Quia verò magnam habet affinitatem cum Argumentatione Amplificatio, idè hanc ab illa sejungere non est visum.

Observandum autem volumus, cum de Amplificatione præceptiones dantur, quod inanes, & pueriles verborum strepitus; prolixi, & fastidiosi vocum, idem significantium, circuitus; Rerum, suprà meritum, vel extrà veritatem, mendosa exaggeratio. Fuci, Phaleræ, & id genus alia, ut veram, germanamque eloquentiam non decent, ità à Sacra Oratione sunt prorsus reiicienda.

Amplificatio est *Plenitudo quædam, quæ ex omnibus rerum adjunctis, terminis, & locis, commemoratione roborat Orationem, ità Longius Vel: Est gravius quædam affirmatio, quæ motum animorum conciliat in dicendo fidem. Sic Cicero.*

Differunt Argumentatio, & Amplificatio in hoc præter alia, quòd Argumentationis est fidem facere, & intellectum ad assensum vi argumentationis perducere; Amplificationis autem est affectus excitare, & voluntatem ad amandum, vel detestandum, amplectendum, vel fugiendum impellere. At fidei conciliandæ etiam deservit Amplificatio, ut constat ex ipsa Ciceroniana definitione, quia (1) *Ubi exardescit Auditor, motumque concepit, multò firmitus rebus creditis adharescet, quam cum ante frigeret.*

(1) *Pat. Reg. Elegn. exerc. 4. lect. 5. punct. 1.*

Amplificationis Partitio.

Amplificatio alia Verborum, alia Rerum.

Amplificatio Verborum.

S E C T I O I.

DE Amplificatione Verborum pauca malui, quam nihil dicere.

Orationem amplificant apta Epitheta, & Adverbiorum commoda appositio, ut: Bonus Pastor vigilanter Oves custodit suas.

Nec non verba superlativa pro Absolutis; Composita pro simplicibus, Verbalia pro Absolutis, ut: Sceleſtiſſimus, Immaniſſimus pro ſceleſto, & immani. Excruciare, dilacerare, pro cruciari, lacerare. Sapientia dominatrix pro domina.

Item verba Metaphorica, ut: Ira accensus, errore lapsus; & ea, quæ Hyperbolem ſapiunt, ut Christus de Joanne (1) *Venit Joannes, neque manducans, neque bibens.*

Amplificandi etiam vim habent verba repetita, ut: Videte, Videte inſuetum ſpectaculum.

Periphrasis, cùm ſcilicet Verborum circuitu explicamus, quod uno, aut paucioribus dici poterat, v g. Peccaſti, per Periphrasim dices: Rem iniquam, & odioſam Deo egisti.

Synonymia, quoties idem ſignificancia multa ponuntur. D. Cyprianus de livore: *Si receſſerunt de pectore tuo tenebra; Si nox inde diſcuſſa eſt; ſi caligo deſerſa, &c.*

De

(1) *Matth. cap. 11. 18.*

De Amplificatione Rerum.

SECTIO II.

Rerum Amplificatio fit quadrifariam juxta Quintilianum. (1)

Incremento, Comparatione, Ratiocinatione, & Congerie,

Congeries.

Modus amplificandi per Congeriem usitatus est, & facilius ceteris, ideoque ab hac exordimur; faciliora enim priora sunt ordine doctrinæ, etiam cum posteriora sunt ordine naturæ.

Congeries alia Verborum, cum scilicet plura verba idem significantia coacervantur. D. Cyprianus contra Demetr. *Innocentas, Justos, Deos, caros domo privas, &c.* Alia sententiarum, cum plures Orationes, seu sententiæ ejusdem ferè significationis congeruntur. Idem de Habitu Virg. *Sit tu te sumptuosius comas, & per publicum notabiliter incedas, oculos juventutis in te allicias; suspiria adolescentum post te trahas; concupiscendi libidinem nutrias; peccandi fomenta succendas; ut, etsi ipsa non perversas, alios tamen perdas, & te velut gladium, ac venenum videntibus prabeas; excusari non potes, quasi mente casta sis, ac pudica, &c.*

Sæpè etiam fit Congeries à conglobatis, & congestis definitionibus, Partibus, Causis, Effectis, Concomitantibus, Consequentibus, Contrariis,

Si-

(1) Lib. 8. cap. 4.

Similitudinibus, Exemplis, Adiunctis, cæterisque aliis ex locis, unde Argumenta erui ostendimus ad rem probandam.

A multiplici Definitione, seu descriptione D. Petrus Chrysolog. Pacem amplificat: *Pax, inquit, inter Fratres voluntas Dei est, jucunditas Christi, Perfectio Sanctitatis, Iustitia Regula, Magistra doctrina, &c.*

A Partium Congerie. D. Ambrosius Hominis fragilitatem, facilitatemque ad peccandum sic deplorat. (1) *Quis inter tot passiones huius corporis, inter lentas illecebras huius sæculi, intum, atque intemperatum servare potest vestigium? Respicit oculus, & sensum mentis evertit: Audivit auris, & intentionem inflexit: Inhalavit odor, & cogitationem impedivit: Os libavit, & crimen reddidit: Tactus contigit, & ignem adolevit, &c.*

A Causis Conglobatis. D. Basilii Passionis magnitudinem 40. S. S. Martyrum, causis omnibus doloris enumeratis, exaggerat, (2) *Cum enim, inquit, Tyrannus Martyrum constantiam, & respondendi libertatem vidisset, in iram excanduit, expendebatque secum, quamnam machinam excogitaret, ut longam, simulque amaram ipsis mortem construeret. Invenit itaque, & videte quam gravem; cum enim considerasset Regionis Naturam, quod frigore horrida esset, & anni tempus, quod hibernum, observata nocte, in qua maximè malum ipsum aufereret, & aliàs tunc Aquilo in ipsa spiraret, iussit omnes denudatos sub die in media Urbe congelatos mori, &c.*

Ab Effectis simul congestis. D. Cyprianus de Bono Patientiæ: *Ipsa est, quæ iram temperat, quæ linguam frenat, quæ mentem gubernat, pacem custodit, disciplinam regit, libidinis impetum frangit, tum-*
ris.)

(1) *Ambr. de fuga sæculi, cap. 7.* (2) *Basil. Serm. de 40. Martyr.*

irs violentiam comprimit, incendium similitudinis extinguit, coercet potentiam divitum, inopiam pauperum refert, tuetur in Virginibus beatam integritatem, in Viduis laboriosam castitatem, in Coniunctis, & maritalitatis individuum Charitatem, facit humiles in prosperis, in adversis fortes, contra iniurias, & contumelias mites, &c.

A Cōcomitantiū, & Cōsequētiū enumeratione Oforius Episcopus Humanæ Vitæ miseriam elegantissimè describit his verbis: *Quàm gravis, & acerbissima humana vitæ cōditio, quā multis incōmodis agitata, nemo poterit, vel explicando consequi vel enumerando percensere. Vita principium à fletu ducimus, devinctisq; membris omnibus, in Terram abiecti, labores immensos à ploratibus auspicamur, &c. Quis autem poterit morborum vim, & multitudinem, qui in illam naturam teneram, & imbecillam confestim incurrunt, oratione complēti? quæ cura nutrices, quæ sollicitudo Parentes afficiat? Quæ pericula sint Pueris infantibus primis illis mensibus intenta? Cum autem ad Pubertatem perveniunt, tunc ingens vis tempestatis existit, quæ miseros homines exagitat; nec eos ullo in loco consistere patitur. hinc enim acerbis amores invadunt, inde turbulenta dissidia statum animi convellunt, &c. Quid deinde cum adulta ætate dominandi libido inflammat animam, &c. Adde si lubet, nuptiarum molestiam, familia labes, vitæ sollicitudines, fori contentiones, &c. Quid autem ipsius ætatis extrema morbos, atque molestias, & corporis exhausti deformitatem referam? &c.*

A Contrariorum oppositione, ut si de recens nato Deo dicas: Humili in loco jacet Altissimus; Servili sub forma cunctorum Dominus; Pauper in pannis, qui dives in Stellis; gemit Cœli Ritus; alget Divinus Amor; & modico pascitur lacte, per quem nec ales esurit. huc pertinent etiam dissimilia, & Repugnantia.

A Similitudinibus coacervatis ità: (1) *Quemadmodum ignis, de parva scintilla ortus, non raro integras urbes demolitur; Quemadmodum fluvius guttatim aggeri se infundens, universam molem eruit, & evertit; Quemadmodum levis febricula ingentes morbos excitat, totasque familias absumit; sic vitia juvenum, nisi initio opprimantur, fortius radices agunt, donec omnem animi virtutem, omnem honestum ornatum turpissima labe conficiant.*

Ab Exemplis agglomeratis, E.G. Adversitates, & tribulationes hilari animo sustinere si velis, Crucem Domini intueri, Crucem contemplare. Sic D. Paulus in Cruce Domini gloriabatur in infirmitatibus suis; Sic Apostolus Andreas ad prospectum Crucis ex hilaratus est; Sic Alii permulti à Cruce solatium in suis adversitatibus hauserunt.

Ab Adiunctis, seu circumstantiis cum Rerum, cum Personarum plenissimam amplificationis segetem colligimus. Verum hic nota, quod (1) circumstantiæ non omnes, nec certo ordine sunt exaggerandæ; sed satis est interdum aliquam, vel aliquot adhibere, eo ordine, quo placuerit. D. Hieronymus cujusdam monachi crimen, Virginem ad stuprum, fugamque sollicitantis exaggerat à circumstantia loci: (2) *Infelicissime mortalium, tu speluncam illam, in qua Dei filius natus est, & Terra nostra dedit fructum suum, de stupro conditurus ingrederis? non times, ne de Præsepe infans vagiat? ne Puerpera Virgo te videat? Ne Mater Domini contempletur? Angeli clamant, Pastores currunt; Stella desuper rutilat, Magi adorant, Herodes terretur, Hierosolyma conturbatur, & in Cubiculum Virginis decepturus Virginem irrepit? &c. Tu inter*
Offia

(1) P. Radan. part. 1. cap. 2. quest. 10. (2) Lib. 2.
 op. 3.

Ostia quondam Prasæpis Domini, nunc Altaris, amatorias Epistolas fulciebas, quas postea illa miserabilis, quasi flexo adoratura genu inveniret, & legeret; & stabas deinceps in Choro psallentium, & impudicis nuntibus loquebaris? pro scelus?

Incrementum.

Amplificatio per Incrementum fit, cum per gradus crescit Oratio, & ad summum pervenit, ut: Facinus est Christum non amare; scelus est odisse; sacrilegium injuriari; Quid dicam Crucis iterum affigere? (Isid. lib. 2. Soliloqu. *Magna est Virtus, si non laedas, à quo laesus es; magna fortitudo, si laesus remittas; Magna gloria, si cui potuisti nocere, parcas.* Minus aperte, quia citrà distinctionem Graduum, crescit Oratio in illo Psalm. 47. *Admirati sunt, conturbati sunt, commoti sunt, tremor apprehendit eos.*

- Fit etiam Incrementum cum non per Gradus itur ad id, quod est maximum, sed statim, & in principio ponitur id, quo nihil maius dici possit. E. G. Deum factorem tuum dereliquisti; Quid dicam amplius? Deum factorem tuum dereliquisti.

Comparatio.

Per Comparisonem amplificabimus, diversa inter se, & maiora cum minoribus conferendo, non tantum ut probemus (quod proprium est comparisonis, ductæ à Comparatis) sed ut exaggeremus. In his comparisonibus debent utriusque partis circumstantiæ, quæ rem augere possunt, examinari; Nec solum Virum cum Viro, Fa-

Factum, & rem cum alia, sed partes etiam singulas cum aliis partibus componendas esse docet Quintil. Exemplum sint divitiæ, à Christo Domino spinis comparatæ; Sic autem amplificabis: Quis iure merito divitias, à Christo Domino spinis comparatas non videat? Pungunt spinæ, mentem lacerant divitiæ; timidè inter spinas incedimus, cum timore divitias possidemus: Sementem Patris Familias suffocant spinæ, Virtutum semina corrumpunt divitiæ; In spinis nil non amarum, in divitiis nihil non felleum, &c.

In Amplificationibus autem, quæ interdum fiunt ex Comparatione Parium, efficere debemus, ut quod exaggeramus, majus esse videatur, quàm quod prima facie apparet. V. G. par videtur Christiani peccantis, & Judæ proditoris crimen; illud autem præferatur sequenti exaggeratione. Magnum Judas admisit scelus, cum auri cupiditate obæcat, Christus prodidit Majus, & longè majus est crimen tuum, ò Christiane, cum peccas. Ille triginta argenteis Deum vendidit; Tu viliori pretio, quale est brevis, & momentanea carnis voluptas Ille in terris degentem, & passioni obnoxium morti tradidit; Tu regnantem in Cælo, & impassibilem, quantum in te est, perimis Ille aliis occidendum dedit; Tu ipse manibus tuis crucifigis, ille semel, tu millies. Ille post peccatum doluit; tu impudenter gloriaris, & exultas.

A Comparatione inferioris ad Superiorem, hoc est Heri, servum delinquentem punientis, ostendit D. Cyprianus per amplificationem jure Deum punientum Peccatores. Ipse, ait, de servo tuo exigis supplicium, & hominem homo obedire compellis, & cum sit vobis eadem sors nascendi, conditio una moriendi, corporum materia consimilis, animarum ratio communis, equali jure, & pari lege, vel ve-

riatur in hunc Mundum, vel de hoc Mundo postmodum recedatur; tamen nisi pro arbitrio tuo tibi serviat, nisi ad voluntatis imperium pareatur; imperiosus, & nimis servitutis exactor, flagellis verberas, fame, siti, nuditate, frequenter ferro, & carcere affligis, & crucias; & non agnoscis Dominum Deum tuum, cum sic exerceas ipse dominatum? &c.

Pulchra demum Amplificatio, quæ à Contrariorum comparatione instituitur. V.G. Si Humilitatis speciem velimus attollere, Superbiæ deformitatem ex adverso subiiciemus. Major ut exurgat liberalitatis laus, Avaritiæ probra numerabimus, &c.

Ratiocinatio.

Modus hic amplificandi, quem Fabius Ratiocinationem vocat, tunc est, cum, ut aliud crescat, aliud augetur, unde ad id, quod extolli volumus, ratio deducitur, v.g. cum tyranni crudelitas exaggeratur, ut major appareat Martyris fortitudo, qui patientia sua de ejus immanitate triumphavit. Eadem ratione Ezechiel (1) Casum, & ruinam Tyri amplificaturus, primum quidem ejus gloriam, immensas opes, & Emporii celebritatem magnifica oratione amplificat. A ferreile & i magnitudine, (2) qui novem cubitos longitudinis, & quatuor latitudinis haberet, ostenditur in Sacris Paginis proceritas Corporis Regis Bafan. Ab instrumento (3) nempe hasta, quod esset quasi liciatorium texentium, Golix corpulentia, & fortitudo colligitur. A loco æstimatur Job, qui probus fuerit in Terra Hus, &c.

G

De

(1) Cap. 27. (2) Deuteron. 3. (3) 1. Reg. 17.

De Figuris Amplificationis.**SECTIO III.**

AD Amplificandum valent omnes figuræ vehementiores; præcipuè verò Interrogatio, Subiectio, Conversio, Hypotyposis, Prosopopœia, Exclamatio, Apostrophe, Obsecratio, &c. de quibus infra, cùm de figuris agemus.

De proprio Amplificationis loco in Oratione.**SECTIO IV.**

PROPRIA, & certa Amplificationis Sedes assignari vix potest. ea siquidem omnes Orationis partes ingreditur, estque velut sanguis, qui per omnia corporis membra diffunditur. Regula tamen hæc sit, ut initio gravis, & lenis sit Amplificatio; In Confirmatione, & Confutatione acrior, & vehementior. In Peroratione verò cùm de movendis affectibus agitur, laxis discurrat habenis, totisque elaboret viribus, ut triumphum assequatur.

De Diminutione, seu Extenuatione.**CAPUT VII.**

NON minùs Oratoriz est Artis rem augere, & amplificare, quàm extenuare, & imminuere, ubi

ubi necessitas postulat; & utrumque Eloquentiæ pars est.

Extenuatio easdem penè leges sequitur, quas Amplificatio, cujus est species. Unum hoc discrimen est, quòd altera procedit magnitudinem addendo, altera detrahendo; & sicut Incrementum ab imo tendit ad summum, ità extenuatio, quæ *Æmula* est Incrementi, à summo decrescit ad imum.

Figuræ Extenuationibus (donec sunt: Ironia, Exclamatio, Apostrophe, & aliæ hujusmodi, quæ solent in Confutationibus adhiberi.

De Motibus, sive Animi Affectibus concitandis.

CAPUT VIII.

ARdua res est; imò nihil in tota eloquentia difficilius, quàm Auditorum animos, & affectus ad arbitrium movere. Huc omnes Oratoriæ facultatis artes, & nervi contendunt: in hoc eloquentiæ dominantis triumphus consistit; unde Cicero Reginam flexanimam eam vocat. Hoc igitur Oratoris opus esse debet; in id omne studium, conatum, ingenique vires conferre; seque frustra per totam Cōcionem sentiat elaborasse, si de Audientium voluntate, & affectibus in fine non triumphaverit.

* *
* ,

G 2

Apiz

Aptæ Oratoris Conditiones ad per-
movendos Affectus.

S E C T I O I.

Prima Condicio ad Affectus ciendos est Ora-
toris ipsius probitas, morum integritas, & in-
nocentis vitæ existimatio, quæ si dicenti deerunt,
Histrionem aget, non Oratorem (1)

Secunda est, ut eos in se motus Orator sentiat,
quos aliis imprimere velit, juxta illud Horatii:

*Si vis me flere, dolendum est
Primum ipsi tibi.*

Et Cicero (2) *Neque enim fieri potest, ut doleat is, qui audit, ut oderit, ut invideat, ut pertimescat aliquid, ut ad fletum, misericordiamque deducatur, nisi omnes ij motus, quos Orator adhiberi velit Judici, in ipso Oratore impressisse, atque inusti videbuntur. Ut igitur moveamus, moveamur ipsi: quod fiet, si, ut docet Fabius (3) rem non quasi alienam agamus, sed veluti nostram; & ita dicemus, ut in simili casu nostro essemus dicturi.*

Tertia, cum inutilia sint omnia Artis admini-
cula ad pios erga res spirituales affectus moven-
dos, nisi Deus, cui patent, ac parent corda homi-
num, afflatu suo motum hunc animis inspiret,
verbisque Oratoris pondus faciat; studeat, quis-
quis ad hoc Munus eligitur, profusis lacrimis, &
assiduis precibus tam necessarium donum ab Eo
efflagitare, qui humillimè petentibus non dedi-
gnatur præstare.

De

(1) D. Ambros. 2. off. cap. 2. (2) Cic. 2. de Orat.
num. 189. (3) Fab. lib. 6. cap. 2.

De Affectuum Incitamentis.

SECTIO II.

EOs tantum Affectus hic tangimus, qui Sacrum ad Oratorem pertinent: atque illos præcipue, qui, frequentius accidere solet, ut in Concione excitentur, ut sunt: Amor in Deum, Dilectio Proximi, Odium Peccati, Spes Divinæ Misericordiæ, Metus Divini Judicii, Mundi Contemptus, &c. (Nam Oratores Profani ad Commiserationem, vel Indignationem, Judicium, vel Audientium animos frequenter movere solent) quare nonnullos fontes pro singulis aperiemus, relicturi Christiano Oratori, ut per loca communia, & circumstantias eos amplificet.

Amor in Deum.

A Morem in Deum excitant.

Primò. Infinita ejus Bonitas, & Pulchritudo: Bonum enim, & Pulchrum sunt omnibus desiderabilia, & amabilia, ut ait D. Dionys. de Divin. Nom.

Secundò. Charitas, qua dilexit nos, etiam antequam essemus: atque ita mox dilexit, ut *Filium suum unigenitum daret* (1)

Tertiò. Cognatio, quam cum Deo habemus, cujus Genus, & Filii sumus, unde Proph. Num. *quid non ipse est Pater tuus, qui possedit te, & fecit, & creavit te?* Deuteron. 32. 6.

Quartò. Beneficentia, qua tot nobis beneficia contulit & Corporis, & Animæ, & Naturæ, &

G. 3. Gra.

(1) Joan. 3.

Gratia, & Communia, & privata, quorum omniū
Illud summum & maximum, quod redemit nos
in sanguine suo.

Quintò. Facilitas in amore præstando. Hinc
D. Aug. (1) *Reliquis operibus bonis interdum potest
aliquis aliquam excusationem prætere: in haben-
dà verò dilectione nullus se poterit excusare. Potest mi-
hi dicere aliquis: non possum jejunare: numquid potest
dicere: Non possum amare?*

Sextò. Naturæ instinctus, quo homo ad Deum
amandum provocatur. Unde D. Bernardus: (2)
*Inexcusabilis est etiam infidelis, si non diligat Domi-
num suum; Clamat namque intus ei innata, & non
ignota ratio Justitia, qua &c.*

Septimò. Dei Præceptum.

Hæc, & innumera alia, quibus Sacri libri ex-
berant, copiosam Divini Amoris excitandi mate-
riam sufficient.

Dilectio erga Proximum.

Dilectionis erga Proximum incitamenta sunt.

Præceptum Dei, quo quisque jubetur dilige-
re Proximum suum, sicut se ipsum.

Naturæ similitudo; Omne quippè simile dil-
git sibi simile.

Fraternitatis tiealus; Eundem enim Patrem
Christum omnes habemus, qui nos genuit ver-
bū veritatis.

Adde quod ejusdem Christi membra sumus;
unde D. Basiliius. (3) *Consideremus, inquit, amo-
rem, quem sibi mutuo membra impendant, se defen-
dunt, se adjuvant, & dolent omnia membra invisem.*

(1) D. Aug. serm. 69. (2) Bernard. tract. de dilig.
Deo. (3) Basil. Epist. 68.

membrum alicuius membri ; Quod Homo est imago Dei, & ex D. Chrysostomo (1) *Sicut in Imagine Rex honoratur, vel contemnitur, sic Deus in homine, vel diligitur, vel oditur.* Quod omnes Christiani ad eandem Mensam accumbunt, eodem Christi Corpore, & Sanguine saginantur, cæterisque aliis Sacramentis omnes pari sorte fruuntur. Præterea quod ejusdem Beatitudinis spem aliquando consequendæ omnes habemus.

Lethalis peccati odium, ac de eodem dolor.

Lethalis peccati odium, & dolor excitantur.

1. Proposita peccati turpitudine.
2. Momentanea voluptatis duratione.
3. Infinita Dei offensi injuria.
4. Personæ lædentis conditione.
5. Spiritualium Bonorum jactura.
6. Emerita Dei indignatione.
7. Divinæ Justitiæ timore.
8. Reddendæ rationis cogitatione.
9. Judicii formidanda severitate.
10. Supplicii acerbitate.
11. Gehennæ æternitate, & his similibus.

Divinæ Misericordiæ Spes.

Divinæ Misericordiæ spem facile suscitabimus, si hæc motiva proponantur.

1. Infinitus Dei Amor, qui omnes homines vult salvos fieri.

2. Eius.

(1) Chrysost. Homil. 24. in Matth.

1. Ejusdem Benignitas, qua peccatores ad Penitentiam invitat.
3. Christi Passio, & Sanguis pro communi omnium salute profusus.
4. Sacramenta ad nostram salutem parata.
5. Patientia, qua ad id tempus expectati sumus ad conversionem.
6. Beatissimæ Virginis, Sanctorumque omnium opes, & Præsidia.
7. Exemplâ celebrium Peccatorum, quibus Deus pepercit, & inter maximos, ac præcipuos hodie Sanctos numerantur in Cælis.

Divini Iudicii Metus.

Metum Divini Iudicii movere possunt.

1. Peccatorum multitudo, & gravitas.
2. Incerta vitæ conditio.
3. Mortis inevitabilis necessitas.
4. Divinorum Iudiciorum Abyssus.
5. Districta criminum discussio.
6. Iudicis formidanda sententia.
7. Supplicii acerbitas, & Gehennæ æternitas.

Contemptus Mundi.

Mundi contemptum excitant.

1. Caducitas Terrenarum rerum.
 2. Earundem instabilitas.
 3. Miseriæ assiduæ, afflictiones, & pericula.
 4. Vitæ brevitæ.
 5. Cælestium bonorum æternitas.
 6. Dei perennis fruitio, & multa id genus alia.
- Motiva ad alios pios affectus, in concione moveri solitos, excitandos, qui desiderat, Sancto-
rum.)

rum P. P. volumina evolvat, lectitet, atque attentè observet.

Notandum interea, quod non nisi post rem aliquam insignem amplificatam, aut probatam, affectus excitati solent.

Nota insuper quod, etsi motus per Universam Orationem diffundi possunt, videndum est tamen ubi præcipuè sint adhibendi.

Figuræ aptiores ad Affectus concitandos.

SECTIO III.

Figuræ aptiores ad Affectus ciendos sunt.

Exclamatio, ut: *O insensati Galatæ, quis vos fascinauit non obedire veritati?* (1)

Apostrophe, ut: *Obstupescite Cæli super hoc, & porta eius desolamini vehementer.* (2)

Interrogatio, ut si, Dei amore exaggerato, his interrogationibus urgeas: Potes ne ad tot stupenda charitatis argumenta, amorem Amanti nõ rependere? Adeo ne gelidum tibi cor, ut omnibus his beneficiorum flammis non incalescat? Quid humanam in te Naturam jactitas, si ejusdem Naturæ instinctum haud sentis? Quis Filius Patrem suum non diligat? Nonne & feræ ipsæ hoc præstant? &c.

Obsecratio, sic D. Paulus: (3) *Obsecro vos per misericordiam Dei, ut exhibeatis corpora vestra hostiam viventem.*

Adjuratio, ut: *Adiuro te, quisquis es, Christiane,*

(1) D. Paul. Galat. 3. 1. (2) Jeremia 2.

(3) D. Paul. Rom. 12. 4.

ne, ut attentè meditare, ac præsentî animo recogites, quàm stultè sibi consulant, qui ficta veris, Terrena Cœlestibus, fluxa, & momentanea præligunt æternis. Qui pro minima recula infinitum Thesaurum, pro angustissimo formicarum nidulo Regale Cœli Palatium abiiciunt.

Optatio, ut est illud in Deutoron. *Utinam scirent, ac novissima providerent.* (1)

Imprecatio, seu Execratio sic Osee (2) *Pereat Samaria, quoniam ad amaritudinem concitavit Deus suum: in gladio pereant, parvuli eorum elidantur, & forte ejus discendantur.*

Admiratio, qualis illa Hieremiæ (3) *Quomodo sedet sola Civitas plena populo?*

His figuris addi possunt Comminatio, Cōque-
stio, Increpatio, &c. de quibus in tertia parte, atque hæc de Inventionē.



De

(1) Deutoron. 32. 29. (2) Osee 14. 1. (3) Hierem. Thren. 1.



De Dispositione.

PARS SECVNDA.

N Il pulchrius est Ordine. Nihil recta dispositione utilius, magisque necessarium. Ordine pugnant Exercitus: Ordine membra singula suis aptantur locis à statuario: Ordine stat ipsa Natura: quæ confuso, nec victoria ex pugna; nec decor in statua; nec durabile quid esset in Mundo. Hanc Oeconomiam non minùs, quàm cætera, sibi postulat Eloquentia; tunc enim venusta non modò, & elegans; sed efficax, & laceratosa fuerit Oratio, si

(1) *Singula quæque locum teneant sortita decenter;*
secùs verò tumultuabitur, eritque cæùm monstrum
illud Horatianum ex variis animantibus conflatum, &

(1) *velut Agri somnia, vana*
Fingentur species, ut nec pes, nec caput uni
Reddantur forma, &c.

Magna igitur opus est Prudentiâ in hac parte, & ut Inventio ingenium, ità Dispositio magnam requirit Judiciûm, quo sciat Orator inventa omnia maturiùs examinare, & ex congesta suppellectili ea tantùm eligere, quæ præclariora sunt, & ad rem magis collineantia, reiiciantur aliena,

com-

(1) *Horat. in Art. Poet.*

communia, & futilia. Deligantur pulchra, nervosa, & florida. Ex his verò videndum quid Exordio, quid Introductioni, quid Probationi, & motibus excitandis magis congruat. Idem quo ad invicem ordine statuenda sint Argumenta; Quæ argumentationis forma singulis assignanda; Quibus transitionibus copulanda, &c. Hæc omnia præmaturo consilio, & accurata electione si fiant, nec elegantia, nec decor, nec pondus, nec vigor in Oratione desiderabitur.

Quid sit Dispositio, & Quotuplex.

Q U Æ S T I O I.

Dispositio definitur à Cicerone *Rerum inventarum in ordinem distributio*. A Cornificio vero: *Ordo, ac distributio rerum, qua demonstrat, quid quibusque locis sit collocandum.*

Dispositio ex eodem Cicerone alia Naturalis; Artificialis alia.

Naturalis est, quæ Naturæ Ordinem servat, resque prius, aut posterius locat, ut priores, vel posteriores sunt, sive tempore, sive natura, sive loco, sive dignitate. Tempore, ut Hodiernus dies crastinum præit. Natura, ut causa præcedit effectum. Loco, ut Cælum superius est Terra. Dignitate, ut Aurum præstantius habetur Argento.

Artificialis est, quæ ab Arte dirigitur, ejusque Regulas, & finem, Naturæ Ordine plerumque non servato, adimplere satagit.

Insuper dispositio Oratoria, alia versatur circa partes potiores Concionis, ut sunt Proæmium, Propositio, Introductio, Confirmatio, & Epilogus; Alia circa ea, quæ unicuique parti conveniunt, ut sunt Argumenta, Conceptus, & cætera, qui-

quibus partes ipsæ construuntur.

Dispositio Partium Orationis, vel est naturalis, cum scilicet eo loco, & ordine disponuntur partes, quo paulò ante recensitæ sunt; Natura siquidem dicitur, ut rem aliquam apud aliquem quis dicturus, prius exordii loco aliquid dicat, quo benevolentiam, & attentionem sibi conciliet, inde rem proponat, propositam confirmet; denique per preces moveat, & flectat. Vel est artificialis, cum aut ordo harum partium immutatur, quod fecit Tullius in Miloniana, Confirmationem Confirmationi præferendo; aut pars aliqua omittitur, ut inferiùs dicemus.

Similiter Dispositio eorum, quæ partibus conveniunt, vel naturæ ordinem sequitur, vel artis iudicio gubernatur.

Naturæ ordinem sectabimur, si priùs tractemus ea, quæ ad sequentium intelligentiam vel necessaria sunt, vel utilia; si à communioribus ad minùs communia, à facilioribus ad difficiliora, à magis notis ad minùs nota procedamus; si tandem ab iis, quæ priora sunt vel tempore, vel natura, vel loco, vel dignitate, ad posteriora transitus fiat.

Artis autem Oeconomiz naturalem ordinem negligit, resque postponit, vel præponit, ut expedire magis videbitur.

De Partium Orationis Numero.

QVÆSTIO II.

PLenissimæ, atque perfectissimæ Orationis partes in causis judicialibus quinque assignantur: Proæmium, Narratio, Propositio (cui Partitio
H tio,

tio, seu Divisio subtextitur) Confirmatio, & Peroratio; nam Confutatio, in Confirmatione comprehenditur.

Primò enim Auditoris animum præparat Orator ad audiendum.

Secundò Factum exponit, ut deinde statum Quæstionis aperiat.

Tertiò, controversia constituitur, & Orationis membra per partitionem distinguuntur.

Quarto, Confirmatur, quod intenditur, & quæ in contrarium adduci possunt, refelluntur.

Quintò, denique artificioso termino clauditur Oratio.

Totidem, atque eædem sunt Partes Orationis Sacræ, Introductione tantummodò in locum Narrationis suffecta; cùm enim narratio sit de præteritis, & deliberativum genus consulet de futuris, non potest narratio, prout est expositio causæ, instituto nostro convenire.

Sacræ igitur Orationis Partes sunt: Proæmiũ, Propositio, cum sua divisione, Introductio, Confirmatio, & Epilogus.

Alii aliter has partes disponunt, Divisione scilicet Propositionis post Introductionem statuentes, ità ut eorum ordo sit, ut præeat Exordium, subeat brevis Propositi designatio, succedat Introductio, Divisio sequatur, quam Confirmatio, & Epilogus excipiant; hac scilicet ratione, quod Exordii scopus sit attentionem, & benevolentiam conciliare, necnon docilitatem comparare brevi Propositionis denunciatione; Introductionis verò finis, ad Quæstionis statum, & principia Auditores adducere.

Quæres hinc an omnes suprà recensitæ partes necessariò semper sint apponendæ in Concione, ità ut, si qua earum omittatur, manca, & clauda censenda sit Oratio.

Re-

Respondeo quòd, sicut in Genere judiciali numquam accidit, ut Exordium omittatur, quandoque etiam Narratio, imò interdum & Epilogus; ita in Oratione Sacra, pro rerum, locorum, & temporum opportunitate, multa succidi, & mutilari quandoque licet. Duo sunt, quæ nullatenus omitti possunt; Propositio, & Confirmatio, utpote partes essentielles; Reliquæ sunt accidentales, & ascititiæ. Nunc de ipsis partibus singulatim.

De Exordio.

C A P U T I.

Exordium quid sit, & quot ejus Officia.

S E C T I O I.

EXordium, ex Cicerone, est principium Orationis, per quod Auditoris animus ad audiendum paratur. Dicitur etiam Proæmlum, Præfatio, Præloquium, &c.

Tria vulgò Exordii munera perscribuntur; Auditorum benevolentiam conciliare; Docilitatem facere; Attentionem comparare.

Benevolentia concilianda duo potissimi assignantur modi, primus est à persona Oratoris, si suam humilitatem, indignitatem, & insufficienciam fateatur; si auditorum moribus sese accommodet; si officiosum animum, eosque juvandi desiderium ostendat; si officia iisdem exhibita quam modestissime recenseat. Secundus à persona Auditorum, si eorum merita, dignitatem, & virtutes enumeret.

Docilitas fit, cum paucis verbis, & dilucidè rerum dicendarum summa proponitur.

Attentio excitatur, si dicturum se polliceatur Orator Magna, nova, jucunda, necessaria, &c.

An verò omnia hæc tria Sacræ Concionis Exordium agere debeat. nonnulli inficiantur, nec abs re; ajunt enim rarò accidere benevolentia conciliandæ necessitatem; siquidem de rebus, ad ipsos Auditores, vel ad Dei cultum, & Religionem pertinentibus differentem Ecclesiastam, omnes libenter audiunt, amant, suspiciunt.

At neque attentionis captatio necessaria in exordio: (1) cum enim in principiis attentè jam sint Auditores, quid opus est attentionem quærere? fortasse, ut per totam concionem præfentes animos habeant; & quidem ultrò attende-
rint, si res ipsa placuerit; secùs, frustra in aucupanda attentione laboratum fuerit. Non igitur longa Proæmia, nec prævia promissa de magnis, & novis dicendis; verùm res ipsa, aptè, ornatèque dicta, attentos Auditores facit. Dic benè, audieris attentè.

Unum in exordiis videtur maximè necessarium, nempe docilitas; sed cavendum est, ut ait disertissimus Caussin, (1) *Ne, dum vis dociles facere Auditores, incipias divisionibus, & subdivisionibus, eos confundere.*

De variis Exordiorum Generibus.

SECTIO II.

Tot adèò, & varia traduntur ab Eloquentiæ professoribus Exordiorum genera, ut si Tyro-
nibus

(1) *Caussin. lib. 6. cap. 6.*

nibus nostris ea perscribere luberet, mentem potius obruerent, quàm quidquam luminis afferrent. Omissis igitur aliis quamplurimis, octo Exordiorum Fontes aperire satis duximus, ad quorum exemplum alios per se poterit sibi Lector patefacere. Primus est ab Expositione, Secundus a Visceribus causæ, Tertius ex Abundantiis, Quartus ab Exemplis, Quintus ab Opinione, Sextus à Contrario, Septimus ab Adjunctis, Octavus ex Abrupto.

Exordium ab Expositione.

ARTICULUS I.

EXordium ab Expositione est, quo Orator, vel suum finem aperit; vel Thematis sensum exponit, vel Evangelii declarat Historiam.

I. Expositio finis non ambizioso verborum circuitu, non fucis, & calami stris, verùm simplici, & rotunda propositi explanatione fieri plerumque solet. E. G. Peccatoris amentiam, ad supremum usque vitæ spatium pœnitentiam prorogantis, ostendere aggredior, Auditores, &c. item: Agitur hodie de secundo Divinæ legis mandato, hoc est, de Dilectione proximi, &c. D. Gregorius Nazian. de D. Athanasii laudibus verba factururus, sic orsus est: Athanasium laudans, Virtutem laudabo.

II. Expositio Thematis plurimum habet venustatis, & gratiæ. Sit Thema, v. g. Illud Evangelicum: *Siquis vult venire post me, abneget semetipsum*. Sic per Exordium exponi poterit: Arduum nimis, & perdifficile videtur factum, quod Christus Dominus, sui sequelam meditati facendum proponit: ut scilicet abneget semetipsum.

(1) *Quid est, quod dicitur, ut relinquamus nos? Si enim nosmetipsos relinquimus, quò ibimus extra nos? vel quis est, qui vadit, si se deserit? Sed aliud sumus per peccatum lapsi, aliud per naturam conditi; aliud, quod fecimus, aliud, quod facti sumus: relinquamus nosmetipsos, quales peccando nos fecimus, & maneamus nosmetipsi, quales per gratiam facti sumus. Ecce etenim qui superbus fuit, si conversus ad Christum, humilis factus est; semetipsum relinquit: si luxuriosus, &c. Dicat ergo Veritas, dicat: Siquis vult venire post me, abneget semetipsum, quia nisi quis à semetipso deficiat, ad eum, qui super ipsum est, non appropinquat, &c.*

III. Evangelicæ Historiæ expositio duobus modis fieri potest.

Prior est eum integra historia, simplici stylo, & breviter, per præcipua tantum capita percurritur, cuius finem claudat (2) aliquod Epiphonema, seu sententia, quæ propositum, ex narrata Historia depromptum, & in concione tractandum aperiatur. Sit exemplum de decem leprosis, à Christo mundatis, poteris hoc modo simpliciter exordiri: Habemus hodie in contextu Evangelico D. Lucæ, processisse obviam Jesu decem viros, lepræ tæbe infectos, qui stantes à longè, &c. & narratur tota Historia: tùm claudes hac sententia: Quid ingrati animi vitio turpius umquam, aut intolerabilius? hoc ceum vitiorum omnium maximè exosum Deo, maximèque ad Divinæ Munificentiae fontem exsiccandum potens, insequi aggredior hodierna Concione, &c.

At quia prior hic Expositionis modus facillimè languet, ac repit, (2) illustrari poterit ab Oratore præmissa aliqua Propositione, quæ Evangelii mox narrandi sensum tractandum paucis

(1) Ex D. Gregor. Papa. Homil. 32 in Evang.

(2) P. Amad. Baioc. l. 3. c. 2. ar. 3. sect. 1.

cis complectatur. E. G. Nemo est, qui ad beneficia consequenda, humiles, atque officiosas Deo preces non solvat: Pauci, qui de beneficiis acceptis gratam Deo memoriam exhibeant. Veritatis hujus experientia liquet ex Evangelii hodierni historia, quam ita narrat S. Lucas: Et instituit narrationem, quæ exornari poterit (1) per acutas S. S. P. P. Sententias, potioribus Evangelicæ Historiæ partibus in modum Paraphrasis inspersas.

Posterior Expositionis modus venustior est, atque elegantior; fitque, cum ante Evangelicæ Historiæ narrationem (1) ponitur Propositio, quæ potiores Evangelii partes, aliquibus capitibus summarie prænotatis, complectatur. Appingo exemplum de Matre filiorum Zebedæi, à P. Amadæo Baiocensi concinne satis laboratum, & in sua eloquentia Christiana venustissime expressum: (1) *Importunam, stultam, superbam, & injustam petitionem Matris filiorum Zebedæi, Christo factam, proponit nobis Hodiernum Evangelium. Importuna quidem fuit quantum ad tempus; stulta quantum ad materiam; superba quantum ad gradum, injusta quantum ad ordinem spectabat. Importuna sane, quæ, cum de opprobriis, sibi ferendis, Christus loqueretur, petitura honores tunc accessit. Stulta prorsus petitio, quæ ignorat quid poscit; nescitis, inquit Christus, quid petatis. Superba, quæ ad primos gradus aspirat; dicit, inquit, ut sedeant hi duo filii mei unus ad dexteram, alius ad sinistram. Injusta tandem postulatio, quæ premium ante meritum petit. At petitionis defectus omnes emendat Christus; Justus in iustitiam, Sapiens ignorantiam, Humilis superbiam, Prudens importunitatem. Justus arguit, corrigitque iniustitiam, dum labores commemorat. Potestis, inquit, bibere*
ca.

(1) P. Amad. Baioc. lib. 3, cap. 2, art. 3, sect. 1.

calicem, quem ego bibiturus sum? Sapiens ignorantiam docet, dum ait: Nescitis quid petatis. Humilis superbiam frangit, dicens: Non est meum dare vobis. Prudens denique infortunitatem reprimat, dum petitionis adimplerionem in aliud tempus remittit his verbis: Calicem quidem meum bibetis, &c. Ex hoc imprudentis Matris exemplo discant Parentes & Filii procurare, quæ convenient, &c. Propositum hoc est maxime necessarium, mihi quæ hodierna Concione expendendum, &c.

Vel (1) poterit ante Expositionem Evangelii adhiberi Præfatiuncula per aliquod celebre dictum, elegantem metaphoram, idoneum exemplum, aliudve simile, quod in Evangelii sensum conspiret, unde facile sit descendere ad textus narrationem.

Exordium ex visceribus causæ.

ARTICULUS I.

EXORDIUM ex visceribus causæ illud est, quod ab internis principiis, & ex natura rei tractandæ desumitur, ut cum quis aliquem laudandum sibi proponens, Exordium auspicatur à necessitate virtutis laudandæ, seu de peccato agens, à vilitate creaturarum, quibus miserè se homo mancipium addicit, ordiatur. Constituamus hoc Thema: Singulis horis mors timenda est: à visceribus rei sic poteris exordiri. Certa, & firma super omnes mortales vivit de Cælo sententia; ut aliquando exeat, qui semel Mundum intravit. Hospites sumus, quorquor hinc vivimus; diversorium Terra ista, quam colimus; Cælum Patria. Numquid
Hospes

(1) P. Amad. Bajoc. lib. 3. cap. 2. art. 3. sect. 1.

Hospes in diversorio affigi debet, quem Patria repetit per naturam? Non datum est animæ regnare in corpore, sed hospitari; non permanere, sed peregrinari; ideòque illuc illi revertendum, unde profecta est; eò redeundum, quò eius revocant exordia. Exeundum est igitur ex hoc Mundo & de Terra sub Terram, de vivis ad mortuos commigrandum; quo verò tempore id futurum sit, incerta omninò res est. Adest mors cum minùs expectatur, & præter humanæ spei fundamentum, tunc propè est, cum procul creditur. Non ætas obstat, quò minùs cita mors veniat; non vires, non firma corporis habitudo, non honorum potentia, &c hinc Poeta:

*Et Magnos, parvosque terit; nam fortibus æquat
Imbelles, Populisque Duces, Seniuraque Juventa.*

Idcirco in Sacris literis Furis adventui mors comparatur; sicut enim fur, &c. An complurimis id exemplis compertum non habemus? Quot inter opiparæ mensæ delicias, præcluso spiritu, repente animam egerunt? Quot in medio calicis haustu, vel soporæ noctis quiete, subita morte correpti sunt? &c. Improvisa igitur mors adest; ideòque singulis horis pertimescenda, quod erit nostræ Concionis Thema, &c.

Exordium ex Abundanti.

ARTICULUS III.

EXordium ex Abundanti vocatur, cum ex multis, aut laude, aut vituperatione dignis, quæ singillatim augere possent Orationem, unum aliquod eligitur. Vel: Cum affirmat Orator tam copiosam esse sibi ad dicendum materiem, ut necesse habeat multa concidere, & præterire, quò
libe-

liberiùs possit aliquibus inhærere . Proferamus exemplum . Facturo mihi verba de Angelici Doctoris laudibus , cujus annua nobis hodie recurrit Celebritas, tot adeò laudanda occurrunt, ut, quod ex multis eligam , aut unde initium sumam, penitùs ignorem. Prior hinc assurgit Pietas, quam ab incunabulis altricem habuit, & magistrantillinc Puritas , quæ ad extremum usque vitæ diem intemerata permanxit . Et dum in his demirandis obtutum figo, vocat ad se Humilitas, vocat Sapientia, mores, gesta, & miracula vocant, quorum singula , ut præcipuo in ejus vita fulserunt exemplo, ita præcipuum me sui præconem exposcunt. Heù quid agam ? &c. Omnia laudare si velim, multitudine obruar , & offendar; si nolum, offendo, &c. sed date veniam , o sanctissima Virtutum Agmina, satius est de una parum dicere, quàm de omnibus nihil. &c. Sit igitur Panegyris nostræ argumentum admiranda D. Thomæ Sapientia, quam & Ecclesiæ subsidium, & hæresis excidium fuisse ostendam, &c.

Ex Abundanti quoque exordimur , cùm ex multis Sacrorum Doctorum expositionibus, super aliqua re allatis, unam ex his dicendi facimus argumentum .

Et quoniam genus hoc Exordii communius est, & tyronibus admodum familiare, videndum est, ne crebrò id fiat; semel enim non improbatur, frequenter adhibitum fastiditur.

Exordium ab Exemplis.

ARTICULUS IV.

EXemplum, quod est facti alicuius, vel dicti narratio, ob similitudinem, quam habet cum
re

re dicenda, bene parat Auditorem ad propositi tractandi perceptionem. Ab Exemplo igitur exordiri nihil vetat; Quòd (1) si propria huic statim accommodetur redditio, idque optimè fiat, specimen habet eruditionis, & ingenii. Mirandum profectò, seræque posteritatis memoria dignum fuit, quod ex Apollinis olim cortina prodiret oraculum, ut scribit Atticæ eloquentiæ Princeps Dion. Cùm enim consulerent (1) Athenienses quam ratione optimis legibus, & institutis vincerent Civitatem, responsum hoc acceperunt, beatam scilicet fore Remp. si liberorum auribus, quod omnium pretiosissimum est appenderent. At illi Puerorum aurículas pertundebant, auro, & gemmis onerabant, hoc rati in omnium rerum natura esse præstantissimum; & ità Phrygum, Lydorum, Arabum effœminatos pusiones, non Athenienses facere videbantur. Ego verò de optima filiorum educatione dicturus hodie, hoc suadeo, ut eorum auribus Christi legem, Sanctumque Dei timorem suggeratis, &c.

Huc etiam pertinent Historiæ, Parabolæ, Apophthegmata, similitudines, Fabulæ, Emblemata, &c. quorum, ut dilucidatione non indigentium, exempla hìc attexere opus non est.

Exordium ab Opinione.

ARTICULUS V.

EXordium ab Opinione dicitur, cùm Orator Auditorum opinionem, & iudicium de re dicenda prospiciens, inde capit dicendi initium; ità planè, ut si Auditoris opinio faveat Oratoris in-

(1) *Causin. lib. 6. cap. 19.*

intento, eadem utatur ad conciliandam sibi benevolentiam Differendum sit E. G. de Pace: si ad concordiam Auditores propensi sint, & optimè erga eam affecti; haud poterunt concordiae virtutem in Exordio commendantem tacitè benevolentia non complecti.

Si verò Auditorum opinio non faveat, quòd incommodi, & difficultatis non nihil Propositum præfagiat, industrii Oratoris erit, antequam ad rem accedat, per Insinuationem, & Anteoceptionem impedimenta omnia disturbare, & opinionem minùs propitiam ab eorum animis evellere. Sit sermo v. g. in Dominica Palmarum de eleemosyna facienda, super illud Evangelii: *Straverunt vestimenta sua in via.* Sic poterit Exordium institui. Arduum fortasse, & vix imitatione prosequendum videretur, si, quod Hebræi hodie, idem Christo obsequium vobis præstandum suaderem, ut scilicet propria vestimenta exuentes, ad Christi pedes hæc abiiciatis. Arduum, inquam, quis enim iis, quæ ad sui corporis usum necessaria sunt, corpus ipsum denudari libenter ferat? &c. Verumenimverò, cum omnia, quæ scripta sunt, ad nostram doctrinam scripta sint, quod ab aliis factum legimus, id & nos facere, indignum videri non debet. Et quid magnum est, fratres carissimi, modica; & vilia elargiri illi, cui tam grandia, & pretiosa accepta referimus? Vestes Corporis ei præbere, qui tanto amoris excessu corpus suum dedit in Ara Crucis immolandum, idemque in Altari nobis quotidie manducandum? &c. Vestimenta igitur nostra elargienda sunt Christo: sed quomodo, audite. Mundana ista, quæ possumus, nil aliud sunt, ut ait D. Gregor. (1) quàm quædam Corporis indumenta; Pauperes verò,

Chri-

(1) Greg. Hom. 32. in Evangel.

Christi personam repræsentant, eodem Christo testante: (1) Quod uni ex minimis meis fecistis, mihi fecistis. Vestimenta igitur ad Christi pedes abiicere, aliud non est, quàm eleemosynam pauperibus erogare: hoc vobis suadere nitor hodie, &c. Utque libentiùs manum vestram aperiatis inopi, & palmas extendatis ad pauperes, breviter ostendam, 1. Quàm gloriosum sit egentes juvare, 2. Quàm utile, 3. Quàm necessarium.

Eodem præmunitionis genere utendum est ad contrariam opinionem removendam, si Orator malè audiat, vel Auditor sit malè affectus, vel aliquid aliud occurrerit incommodi, quod inter dicendum pati posset Ecclesiasta.

Exordium à Contrario.

ARTICULUS VI.

Ingeniosum est Exordium, quod à Contrario ducitur. fit autem, cum ipso dicendi initio, sententiam nostræ contrariam probandam suscipimus; mox ea reiecta, & contrariis rationibus infirmatis, nostram statuimus, & ad Propositionem accessum facimus. Statuatur v. g. hæc Propositio: Servire Deo facile est, & periuicundum; à contraria sententia sic inchoabis. Nescio quonam devixæ mentis impulsu efferantur nonnulli, & fortasse non pauci, ut sibi suadeant, nil difficilius, nil durius esse in hac vita, quàm servire Deo, & Divinæ Legis jugum æqua cervice deportare. Neque hoc sibi tantùm effingunt, aliis quoque suadere satagunt. An non ardua, inquit, illa via, quò præter itineris angustiam, & vepres, & spi-

I

næ,

(1) *Matth.* 25. 40.

na, & mille, per abrupta locorum, discrimina accedunt? Nonne laboriosum illud obsequium, quod absque onerosæ Crucis gravamine præstari non potest? Quid aliud servire Deo, quam Mundo Crucifigi? quo quid acerbius? à Mundanis voluptatibus abstinere, quo quid difficilius? Honores, & divitias contemnere; paupertatem diligere; mala libentiùs tolerare, quàm facere; pro contumeliis beneficia reddere, &c. quo quid gravius? Adde quod Jejuniis attenuanda caro est, vigiliis, & orationibus instandum; flagris in membra sæviendum, & id genus plura, quæ potius ad pœnam, quàm ad salutem proposita à Domino videntur. Hucusque delirat humana cæcitas; tantumque laboris sibi fingit in præcepto, ut minùs dura videatur, Tyranno mancipata servitus, quàm, quod Christo debetur, obsequium, &c. Sed falsa est hæc opinio, & prorsus reiicienda; siquidem, ut Divinæ Scripturæ testantur, Ratio probat, & usus apertè demonstrat, nil facilius est in hac vita, nil dulcius, quàm servire Deo. Id breviter ostendam duplici ex capite, 1. Ex propensione Humanæ Naturæ, 2. Ex Adiutorio Divinæ Gratiæ.

Est & alius Exordii à Contrario usus, cum scilicet Orator non statim ipso aditu opponit se Auditorum sententiæ, quam oppugnat; sed principio ei obsequi videtur, ut minus molesta mox accadat repulsa. Ità Ille (1) contra inveteratas animorum inimicitias declamaturus, exorsus est. Longè aliam, imò & oppositam cæteris concionatoribus methodum sequor, de infensis Christianorum inter se odiis verba hodie factururus. Solent illi omnes Eloquentiæ nervos intendere,

omnes

(1) *Apud P. Amad. Baiocens. disposit. cap. 2. art. 3. sect. 6.*

omnes Oratoriæ facultatis artes percurrere, & modò minas, modò preces, nunc obiurgationes, nunc obrestationes geminare, ut similitates evelant, odia eradicent. Incaſſum tamen, ut experientia compertum eſt; Nemo enim, poſt audita, hoſtilem mutavit animum, ulciſcendi cupiditatem poſuit. Cùm hæc igitur uſitata hucusque Otationis forma inutilis fuerit; eandem ſequi, atque imitari non lubet; ne irrita cum aliis jaſtent verba, & aerem, ut dicitur, verberem. Quid ergo? Celebriorum ſequar Medicorum morem, qui, ubi deſperata res eſt, aliquid ægroto indulgent nonnumquam, quod optatæ videtur in ſpecie adverſari ſanitati; nec infeliciter quandoque res cadit, &c. Ulciſcimini igitur, ò vos, qui tantoperè vindictam ardetis, ulciſcimini; Hoſtes è medio tollite, &c. licet per me, quod ab aliis improbat, &c. Sed antequam ad vindictam progrediamini, ſtate aliquantiſper, donec optimam, & perfectam ulciſcendi rationem vos doceam.

Inde per Introductionem Propositionem ſuam explicat, & aſſumit probandum, meliorem, & perfectiorem ulciſcendi rationem in hoc conſiſtere, ut inimicis impendatur Dilectio Cordis, Oris verbum, & Manus beneficentia.

Exordium ab Adjunctis.

ARTICULUS VII.

A Djuncta, alia Perſonæ, alia Rei, ut diximus in 1. parte cap. 3. ſect. 1. & ex utroque Circumſtantiarum genere uberrima, ac multiplex Exordiorum ſeges colligi poteſt; quot enim Circumſtantiæ, tot loci, à quibus exordiri licet.

Hoc Genus Exordii, quia videtur (1) non modò allatum, sed ex re natum, eòque minùs affectatum, quò magis ad causam affectum; magnam indicat Oratoris Vim, & præstantiam: ideò familiarissimum fuit Ciceroni, adeò ut tantùm non in omnibus suis Orationibus ab aliquo ex Adjunctis initium fecerit. Frequentia quoque in Sacris Voluminibus patent exempla: è quorum numero pauca hìc transcribere satis duximus.

A Circumstàtia Personatum orsus est D. Greg. Nazian. Homil. de Amore Pauperum, dicens: *Viri fratres, & commendici (omnes enim pauperes sumus, ac Divina Gratia indigi, tametsi alius alium præcedere videatur) hunc de pauperum amore sermonem accipite, &c.*

A Loco D. Chrysostomus Hom. 3. ad Popul. Antioch. laudem Flaviani Episcopi inchoavit: *Quoties, inquit, ad sedem hanc derelictam, & Magistro vacnam respicio, simul & doleo, & gaudeo: Doleo, quod abesse video Patrem; Gaudeo quod pro saluto vestra profectus sit, &c.*

A Tempore D. Ambros. Serm. 22. cùm ait: *Dignum, & congruum est, Fratres, ut post letitiam Paschalem, quam in Ecclesia celebravimus, gaudia nostra cum Sanctis Martyribus conferamus, & iis annunciemus Dominica Resurrectionis gloriam, qui consortes sunt Dominica Passionis, &c.*

Ab Occasione D. Paulus, (2) cùm inquit: *Viri Athenienses, per omnia quasi supersticiosiores vos video; præteriens enim, & videns simulacra vestra, inveni Aram, in qua Scriptum erat: Ignoro Deo; Quod ergo ignorantes colitis, hoc ego annuncio vobis, &c.*

Exor-

(1) *Palat. Reg. eloqu. exorc. 5. lect. 13.* (2) *D. Paul. Act. 17. 22.*

Exordium ex Abrupto.

ARTICULUS VIII.

EX Abrupto dicitur Exordium, quod absque ulla prævia Insinuatione, quasi quodam calore mentis excussum, Laconicè, breviterque Oratoris animum prodit.

Prudenter hujusmodi Exordium adhibendum est; non enim à quolibet Oratore, vel in quolibet Proposito, nec etiam frequentius usurpandum; sed parcè, opportunè, & ab eo, qui grandem ad hoc, apumque fortitus est genium.

Pluribus modis ex Abrupto exordimur.

I. Per quamdam licentiam, scilicet libertatem dicendi, E. G. Veni huc hodie Divini honoris propugnator, ac defensor contra eos, qui Christi nomen quotidie blasphemant, & os suum ponentes in Cælum, execranda in faciem Altissimi expuere cōvicia, vomunt hæreses, &c. Contra hos acuiam, ut gladium, linguam meam, & ignita verborum jacula immittam. Minister Christi sum; Dei honorem zelare debeo, &c.

II. Per Deprecationem, hoc est, initium ducendo à precibus, E. G. Audite, precor (Quid enim post minas, & objurgationes, ut à peccato deterreamini, aliud superest, quàm preces, & vota?) audite, inquam, dicentem hodie de supplicii acerbitate, quod pertinacibus, & duris corde comminatur Deus, &c.

III. Per Increpationem, ipsum scilicet arguendo, contra quem dicimus, v. g. Quousque tardabis converti ad Dominum, scelestissime peccator? quousque Divina Patientia abuteris? Dei ergo benignitatem in ludibrium vertens, ideò insolescis magis, quia non urgeris ad pœ-

nam? ideo aggeras culpas, quia expectar is ad veniam? Ah impie, &c.

IV. Per Expostulationem, seu Conquestionem, cum scilicet de re, vel persona aliqua conquerimur. E. G. Sinite me hodie à querimoniis initium ducere, deque Judæorum pravitate amarulenter queri, qui corde non minus lapideo, quam lapidibus armati, instant fremebundi Jesum cedere, obruere, perdere. Tulerunt ergo lapides, ut jacerent in eum. Ah malesuada invidia! Mentis expertis consilium! Et quid causæ est, cur in mansuetissimum Dei Filium, Regem vestrum, & Dominum, tam inhumaniter sæviatis? Adeo nec excutiit mens vestra, ut Prophetarum oracula obliti, promissum Gentibus Christum non agnoscat; & quem venturum exoptastis ad vitam, præsentem requiratis ad mortem? &c.

V. Per Emphasim, quæ figura laciorem præbet intellectum, quam verba ipsa sonant, E. G. Audi, o quicumque per omnes iniquitatis vias laxis ruis habenis, & Deo infensus, nullo tum aut loco, aut tempore peccatis non infectaris ruis, unum dolens; quod voluntati facultas omnino haud respondeat: Aderit aliquando dies ille, quo suas ipsemet injurias Deus vindicaturus adveniet, &c.

VI. Per Commiserationem (est autem Commiseratio dolor quidam susceptus ex opinione maioris, quem indignum tali calamitate judicamus) E. G. Commoveri me sentio miserationis impulsu, oculique præ dolore solvuntur in lacrimas; dum Jesum hodie laborantem, & præ lassitudine ad fontem sedere conspicio. Et quis non ingemat ad spectaculum? Virtus Dei fatigatur, Fortitudo Patris infirmatur: & per quem vigent omnia, labore fractus, languet, deficit, ac cedit, &c.

VII. Denique per Exclamationem, sic: O milles fortunatum diem, qui nova superni Regis Nativitate illustratus, tantum faustioribus ceterarum Ætatum diebus non cedis, ut quàm longissimè superes! O super omnes Urbes felicem Bethleem, quæ, &c.

De Vitiis, & Virtutibus Exordii.

SECTIO III.

PRIMUM Exordii Vitium est, si sit vulgare, hoc est tritum, quotidianum, & populare.

Secundum, si sit communè, ita ut pluribus Orationibus aptari possit.

Tertium, si longius sit, quàm deceat Orationis contextum; Caput enim debet Corpori proportionari.

Quartum, si nullam, vel parvam habeat cum reliqua Oratione connexionem.

Quintum, si à gravitate recedat, & nimis sit contemptum; Exordia namque in Judiciali, & Deliberativo Genere gravia esse oportet, nec fucis, & pigmentis delibuta.

At bonum Exordium erit, si elegans sit, verbisque, & sententiis concinnum; si conveniens sit rei propositæ, & commune diversis Argumentis non sit; si moderatè longum, vel potius breve, ita ut duodecimam, vel, ut alii, nonam, aut octavam totius Orationis partem non excedat; si verecundiam servet, & veneribus, & gratiis non luxuriet.



De Propositione.

CAPUT II.

Non parco, aut insufficienti sermone Partem hanc prosecuti sumus Capite primo primæ Partis Sect. 1 Ubi tùm de modo efformandi, & dividendi Thematiss: tùm etiam de ejusdem Virtutibus, & Vitiis actum est: quare cùm nihil hic addendum supersit, ad ulteriora pergimus, & de Introductione sermonem instituimus.

De Introductione.

CAPUT III.

Omissis Oratorum Controversiis de Introductionis usu, quem Alii supervacaneum, Alii necessarium esse contendunt: cum his sentiam, dicamque Introductionem tùm ad constituendam, tùm ad dilucidandam Propositionem esse necessariam.

Est igitur Introductio (Ingressum Alii, Alii Isagogen, Secundarium Exordium, vel Proæmium vocant) Concionis quasi Vestibulum, & Aditus. Vel: Est Propositio, ex qua immediatè infertur, & eruitur Orationis Thema.

Duo præcipuè in Introductione servanda: primum, ut sit Proxima, hoc est à Genere proximo, & immediato desumpta, nec altiùs, & longiùs à Proposito petita. Secundum ut sit brevis: Auditorem enim ad Interiora Concionis ingredi festinantem, longiùs in ipso vestibulo detinere molestum est.

Plurimis ex locis deduci potest Introductio.
Pri.

Primus Fons est à Genere, cum scilicet præmittitur aliqua Propositio Generica, ex qua mox ad Propositionem nostram, veluti Generalis illius Propositionis speciem, descendamus. E. G. Sit Sermo de Jejuni observantia, Generalis Propositio erit de Mortificationis necessitate, quam ex aliquo Sacra Scriptura Testimonio, Sanctorum Praxi, aliisque ex locis dilatare licet; inde potest ad Jejunii Propositionem ita fieri accessus: At optimæ Mortificationis species est Jejunium, de quo. &c.

Secundus Fons à Definitione rei tractandæ. V. G. si de Peccato loquamur, ita poterit parari ingressus: Non alienum à re puio, antequam ad propositæ Veritatis assertionem deveniam, peccati naturam explicare; ut apertius inde liqueat, quantam Deo injuriam, sibi que ignominiam inferat Peccator Est igitur peccatum, &c.

Tertius ab Enumeratione, cum multa, ad eandem rem pertinentia, enumerantur; mox iis reiectis, de quibus agendum non est, eliguntur, & designantur ea, de quibus tractari debet. E. G. Plures, & validissimas hodie Christus in Evangelio innuit rationes, quibus ad inimicorum Dilectionem incitemur. Prima est Adoptio filiorum Dei: *Ut sitis Filii Patris vestri*. Secunda Cælestis Gloriæ Præmium. *Si diligitis eos, qui vos diligunt, quam mercedem habebitis?* Tertia, &c. his autem omnibus omissis, illud unum eligam, quod præ cæteris urgere arbitror, Dei scilicet jubentis Autoritatem: *Ega autem dico vobis*. Hoc erit Scopulus, ubi omnes Mundanæ Politicæ fluctus, ac reluctantis carnis procellæ, illis confringentur, &c.

Quartus à Contrario, cum Rationes, quæ Propositioni nostræ adversantur, exponimus, easque rejicimus. En Exemplum Facile, & jucundum est. quidquid à Deo præcipitur; Divinæ siquidem legis

De Propositione.

CAPUT II.

Non parco, aut insufficienti sermone Partem hanc prosecuti sumus Capite primo primæ Partis Sect 1 Ubi tùm de modo efformandi, & dividendi Thematìs; tùm etiam de ejusdem Virtutibus, & Viriis actum est: quare cùm nihil hic addendum supersit, ad ulteriora pergimus, & de Introductione sermonem instituimus.

De Introductione.

CAPUT III.

Omissis Oratorum Controversiis de Introductionis usu, quem Alii supervacaneum, Alii necessarium esse contendunt: cum his sentiam, dicamque Introductionem tùm ad constituendam, tùm ad dilucidandam Propositionem esse necessariam.

Est igitur Introductio (Ingressum Alii, Alii Isagogen, Secundarium Exordium, vel Proæmium vocant) Concionis quasi Vestibulum, & Aditus. Vel: Est Propositio, ex qua immediatè infertur, & eruitur Orationis Thema.

Duo præcipuè in Introductione servanda: primum, ut sit Proxima, hoc est à Genere proximo, & immediato desumpta, nec altiùs, & longiùs à Proposito petita. Secundum ut sit brevis: Auditorem enim ad Interiora Concionis ingredi festinantem, longiùs in ipso vestibulo detinere molestum est.

Plurimis ex locis deduci potest Introductio.
Pri-

Primus Fons est à Genere, cum scilicet præmittitur aliqua Propositio Generica, ex qua mox ad Propositionem nostram, veluti Generalis illius Propositionis speciem, descendamus. E. G. Sit Sermo de Jejuni observantia, Generalis Propositio erit de Mortificationis necessitate, quam ex aliquo Sacra Scriptura Testimonio, Sanctorum Praxi, aliisque ex locis dilatare licet; inde potest ad Jejunii Propositionem ita fieri accessus: At optimæ Mortificationis species est Jejunium, de quo, &c.

Secundus Fons à Definitione rei tractandæ. V. G. si de Peccato loquamur, ita poterit parari ingressus: Non alienum à re puo, antequam ad propositæ Veritatis assertionem deveniam, peccati naturam explicare; ut apertius inde liqueat, quantam Deo injuriam, sibi que ignominiam inferat Peccator Est igitur peccatum, &c.

Tertius ab Enumeratione, cum multa, ad eandem rem pertinentia, enumerantur; mox iis reiectis, de quibus agendum non est, eliguntur, & designantur ea, de quibus tractari debet. E. G. Plures, & validissimas hodie Christus in Evangelio innuit rationes, quibus ad inimicorum Dilectionem incitemur. Prima est Adoptio filiorum Dei: *Ut sitis Filii Patris vestri*. Secunda Cælestis Gloriæ Præmium. *Si diligitis eos, qui vos diligunt, quam mercedem habebitis?* Tertia, &c. his autem omnibus omissis, illud unum eligam, quod præ cæteris urgere arbitror, Dei scilicet jubentis Authoritatem: *Ega autem dico vobis*. Hoc erit Scopulus, ubi omnes Mundanæ Politicæ fluctus, ac reluctantis carnis procellæ, illis confringentur, &c.

Quartus à Contrario, cum Rationes, quæ Propositioni nostræ adversantur, exponimus, easque rejicimus. En Exemplum Facile, & jucundum est quidquid à Deo præcipitur; Divinæ siquidem legis

gis jugum suave, & onus leve: Hinc Psalmista: *Quam dulcia faucibus meis eloquia tua, &c.* Quid ergo est, quod mandatum hoc de inimicorum dilectione tam amarum, & arduum videatur, ut ab ejus observantia aut nemo, aut paucissimi non refugiant? At, inquitis, idem Humanæ sensus Naturæ repugnat lædentibus bene velle; Ratio ipsa reclamatur, & Mundana lex contradicit. Sed contra est: nam, ut videbimus, & ipsamet Natura id exigat, Ratio suadet, & omnis lex jubet, &c.

Quintus à Concessione, cùm indulgemus aliquid Auditoribus: sed hoc ipsum, quod concedimus, ad meliorem usum revocare studebimus. V. G. De Prævia præparatione ad Mortem: Humanæ Prudentiæ est ventura prospicere, atque ita de futuris cogitare, ut prævio disponat apparatu, quæ necessaria censentur fore aliquando. Arma sibi apparat Miles Pacis tempore, ut bellum mortis tuba increpante, celer exiliat ad pugnam. Ventis ex adverso efflantibus, ratem instruit Nauta, ut cùm opportuna redit tempestas, clavum illicò torqueat ad cursum, &c. Hanc ego Providentiam haud improbo, quin potius commendo, &c. Unde hoc velim, ut hæc ipsamet cura in futuræ mortis præsidium adhibeatur: difficile namque est, ut in extremo vitæ bonam obeat mortem, qui, dum vixit, benè mori non affuevit, &c.

Sextus à Suppositione, cùm præmittimus id, quod certum esse supponitur; & quia ab ipso Adversario non negatur, idè prætereundum dicimus, ne in re haud dubia tempus inutiliter infumatur. E. G. de Pœnitentia non procrastinanda ita fieret Introductio: Supervacaneum reor de Pœnitentiæ necessitate controversiam hinc statuere; cùm nemo ex peccatoribus sit, qui diffideatur, hanc esse per peccatum lapsis ad salutem necessariam; præterquam quod testatam facerent hanc

hanc veritatem Sacræ Paginæ, exempla, &c. Contentio est tantum de Tempore; Complures enim ad mortem usque peccatorum suorum pœnitentiam distrahunt, commodum satis extremæ illius horulæ spatium judicantes, &c. Contrà ego suadere conabor, opportunum scilicet ad pœnitentiam esse tantummodò tempus præsens, &c.

Septimus à Comparatione. Sic D Gregor. Nazian. de Eleemosyna facienda sermocinaturus, Virtutum inter se comparationem instituit, hisque præfert Misericordiam.

Octavus à Simili, ut, si de quotidiana nostra pugna cum Dæmone tentatore loquendum sit, pulchrè fiet Introductio per collationem Vitæ Humanæ cum militari statu.

Nonus à Paradoxo, cùm Propositio aliqua, quæ prima facie incredibilis videtur, explicatur. E. G. si de Pace belligera in die Nativitatis Domini habeatur Sermo, ità statueris Ingressum: Paradoxam e loqui creditis, nec fieri umquam posse existimatis, ut eodem tempore & Paci serviatur, & Armis. Quid Paci cum Bello, Concordiæ cum dissidio? &c. At utrumque hodie junxit Evangelista, dicens: (1) *Facta est cum Angelo multitudo Militiæ dicentium: In Terra Pax hominibus, &c.* Quod ergo Paradoxum videtur in specie, re vera Christianissimum dogma est apud Fidelem, scientem nullam Deo cum Mundo, Carne, & Dæmone, intercedere societatem, sed hostilitatem impacabilem: ideòque ut quis pacem habeat cum Christo, oportet eodem tempore bellum gerat cum ejusdem hostibus, quod sic ostendam, &c.

Decimus ab aliqua insigni Quæstione. Sic de Virtutum Incremento ex frequenti Eucharistiæ pabulo dicturus, præfari poteris à pia illa inter

S. S. P. P.

(1) *Luc. II. 13.*

S. S. P. P. Controversia, an scilicet præstet, Reverentiae gratia, ab Eucharistica Mensa multoties abstinere, quam Devotionis impulsu ad eam sæpius accedere.

Undecimus à Lege aliqua, vel Consuetudine, E. G. Si Sermo sit de Bono Exemplo, quod Majores præstare debent Minoribus; inchoabis ab eo Romanorum Instituto, quo Majores natu ad tibias in conviviiis Superiorum gesta, carmine comprehensa, pangebant, ut ad ea imitanda Juvenes excitarentur.

Duodecimus ab aliqua Philosophorum Sententia, qualis illa Stoicorum: Divites sunt qui Cælo, & Terra frui possunt, per quam optimè pareretur ingressus ad Eleemosynæ fructus ostendendos, qui sunt: Cælestium Bonorum adeptio, & terrenarum divitiarum amplificatio.

Decimustertius Fons ab Expositione Evangelii, vel ab aliqua Evangelii parte, quæ ad aliam nobis aditum pandat; vel à ratione, cur tale Evangelium hujusmodi festo assignetur; Vel à causa, cur aliquod festum celebretur; vel ab aliqua Mysterii circumstantia, &c.

Et ne morosus fiam prolixitate, mitto alios introductionis fontes, qui penè innumeri sunt; satis enim habet ex his paucis præmissis Methodum, quam servare debeat in hac parte Ingeniosus Tyro.

Unum hoc caveat, ne ab eodem fonte Introductionem ducat, à quo & Exordium; molestum siquidem foret à Contrario, v. g. Exorsum, à Contrario simul ingressum statuere; vel à Simili Præfatum, à Simili quoque Isagogen parare.



De Narratione.

CAPUT IV.

Narratio, quam secundam Orationis partem assignant Rhetores, in Oratione Sacra, ut diximus, locum non habet: ea enim tota est Generis Judicialis, ubi post Exordium res statim narrari incipit, ut ex illa status Quæstionis aperiatur. Ejus igitur loco substituta est Introductio. Verum quia ex Quintiliano aliud est Expositio rei, sive causæ, aliud eorum, quæ pertinent ad causam, in hoc posteriori sensu Narratio etiam competit Oratori Sacro. Sæpè namque accidit, ut in Propositionis confirmationem Historias, Facta, Exempla, Parabolas, &c. pluribus Concionis in locis assumat narranda: sæpè etiam contingit, ut Evangelium expendendum aggrediatur, vel Mysterium aliquod explicandum: idcirco de Narratione hic agere non incongruum, aut inutile judicavimus.

Narratio, ex Cicerone, est Expositio rei gestæ, vel tamquam gestæ: in qua definitione tum Historia, tum Fabula comprehenditur.

Quatuor exposcit Narratio, ut suis plenè numeris gaudeat:

Brevitatem, Perspicuitatem, Probabilitatem, Suavitatem.

1 Breviter narrabis, si inde narrare incipias, unde necessum est; atque ibi desinas, ubi res postulati nec ab Ovo, ut ajunt, usque ad Mala rem prosequaris.

Si superflua, & ad rem minùs pertinentia, rescabis; ità tamen ut, quæ ad rei intelligentiam necessaria sunt, non sileas; ne, dum brevis esse laboras, obscurus fias; ideo, ut Fabius monet,

(1) *Satiùs est aliquid Narrationi superesse , quàm deesse .*

Si longas Periodos effugies.

Si idem bis, aut sæpiùs non dicatur.

2 *Perspiciua erit Narratio, si distinctè, & ordinatè nõ promiscuè, & perturbatè res explicetur .*

Si verba propria, usitata, apta, & necessaria adhibeantur.

Si Verborum, & Sententiarum ambiguitas caveatur .

Si Parentheses crebræ , & longæ digressiones omittantur.

3 *Probabilitas Narrationis in hoc sita est, ut Circumstantiæ congruentes apponantur , tum Personæ, quales sunt Nomen , Natura , Studium, Consilia, &c. tum Rei, utpotè locus, tempus, causa, modus, &c. Insuper cum hominum opinione, legibus, Religione, consuetudine, narranda consentiant, & testimoniis breviter adductis roborentur. Verba etiam ipsa, dum narramus, gravitate, & pondere non careant .*

4 *Suavitas tandem habebitur, si elegans, & jucunda Verborum structura in dicendo servetur.*

Si non eodem semper tenore discurrat Narratio, sed modò breviori stylo, modò prolixiori.

Si Figuris idoneis illustretur; & præterea ex Cicerone .

Si Admirationem pariat, quod fiet, si magna, aut nova, & inaudita dicamus;

Si Expectationes concitentur, cum scilicet in dubitationem Auditores adduxerimus, quò res sit evasura .

Si Exitus inopinati efferantur, hoc est Fortunæ mutationes insperatæ, Commoda, vel Incommoda non expectata.

Si

Si Colloquia Personarum, & variis animi motus intermisceantur.

Figuræ Narrationi aptiores sunt: Hypotiposis, Suspendio, Exclamatio, Admiratio, Communicatio, de quibus infra in tertia Parte.

De Confirmatione.

CAPUT V.

Confirmatio est Cor, Anima, & Princeps Pars Orationis. In ea afferuntur argumenta, quibus propositum Thema probamus, & contrarias rationes infringimus. Unde verò eruantur Argumenta ad Propositi probationem, copiosè dictum est in prima Parte cap. 4. Superest nunc ut aliqua, ad Confirmationem necessaria adnotemus.

Primò igitur curandum, ut Argumenta benè Propositionem probent.

Secundò, ut quæ majoris sunt nervi, & roboris, in principio, & fine Confirmationis locentur; infirmiora verò constituentur in medio; quæ lex servanda est præcipuè, cum id; quod suadetur, laborem patitur ex malè affectis Auditorum animis, ut si de Eleemosyna apud Avaros differatur.

Tertiò possumus & à debilioribus ad firmiora procedere, ut fecit non semel Cicero. Numquam verò à potentissimis ad levissima descendendum; ità enim decresceret Oratio: vide sis Quintilianum. (1)

Quartò, ut Argumenta non eodem modo semper, & forma tractentur; sed modò in Syllogismum, modò in Enthymema, modò in aliquam

K 2

aliam

(1) *Quintil. Inst. Orat. lib. 5, cap. 12.*

aliam Argumentationis formam disponantur, quod aliàs docuimus, cum de usu, & varietate Argumentationis actum est.

Quinè, Etsi vix possit de Argumentationum formis inter se ordinandis certi aliquid statui, tamen (1) Syllogismus videtur convenientior initiis, & Partium capitibus: Enthymema, Dilemma, & Sorites incalcentem Orationem sapiunt: Inductio verò & Exemplum, Probationis, & Explicationis rationem præferunt.

Sextò, denique, ut cum ab uno argumento ad aliud venit, aliqua Transitione una res cum alia connectatur.

De Transitione.

C A P U T VI.

Transitio est ea Orationis forma, qua Orator ab uno ad aliud cum Ordinis gravitate progreditur.

Transitionibus copulantur non modò Argumenta, verùm & Partes Orationis.

Multiformiter de uno Argumento ad aliud transitur.

Primò per has, aut similes particulas: Deinde, Postea, Ulteriùs, Item, Addo, Addam, &c. quæ transitionis forma sufficiens quidem, sed minùs elegans est.

Secundò per hæc, aut similia verba: Primam rationem exposui, accipite secundam, &c. Ratione hucusque certavi, veniamus ad exemplum, &c.

Ter-

(1) P. Amad. Baioc. lib. 3. cap. 5. art. 1. sect. 2.

Tertio, per modum Amplificationis. E. G. *Parum est, quod dixi, majora nunc audite, &c.* Vide tamen ut re vera majora sint, quæ dixeris; aliter in derisum abieris.

Quarto per Repetitionem, cum eadem in calce argumenti apposita verba repetuntur, E. G. *Cum necessarium adeo sit Jejunium, nonne libenti animo observandum? Observandum profecto, quia, &c.*

Quinto per Interrogationem, ut si post allatum Prophetæ alicujus testimonium, dicas: *Noli times ad Vatis Oraculum? At expavesce ad mortui spectaculum, & transitum facies ad aliquod Exemplum.*

Sexto per Concessionem. E. G. *Esto nullam habeant vim ad propulsandam tuam duritiam hucusque dicta; attende, quæso, & pondera quæ dicturus sum modo.*

Septimo per Præteritionem. E. G. *Mitto plura, quæ in hujus veritatis testimonium adducere possem, atque id unum adiiciam, &c.* Ne Pietati vestræ videar diffidere, alia libens Argumenta prætereo, & venio ad id, quod vel Barbaros ipsos movere sat est, &c.

Et ne longius vager, vix aliqua est Figura, per quam non possit ab uno ad aliud Argumentum transitus fieri.

Optima tamen Transitionis Regula hæc est, ut in fine præcedentis Argumenti ponatur aliquis sensus hujusmodi, qui connexionem aliquam habeat cum iis, quæ subsequenter dicturi sumus.

Ab Introductione ad Divisionem his, aut consimilibus formulis transgredi licebit: E. G. *Ne illimitata vagetur Oratio, ad tria puncta, veluti limites, eam contraho. Vel: Ut commodius rei veritas percipiatur, per partes eam ponderabi-*

mus. Vel: Ut Ordine procedamus, in sua puncta rem distribuimus. Vel: Ut cæteras Inferni pœnas, quæ innumeræ sunt, prætereams duas tantum attingam, Vilitatem loci, Angustiam situs, &c.

De Puncto ad Punctum, præter eas, quæ in Transitu de Argumento ad aliud recensitiæ sunt, accipe has reliquas transeundi formas: De priori Veritate plus satis, ad alteram nunc accedamus. Vel: Nec solum ad offensæ remissionem cogimur Præcepto, verum & allicimur præmio: hoc restat ponderandum in secundo Puncto. Vel: Parum juvaret de Pœnitentia agenda habere Præceptum, nisi haberetur & modus: hunc assummo demonstrandum in secunda Parte. Vel: Patuit hucusque peccati gravitas ex peccantis malitia; sed ea, quæ ex peccandi licentia resultat, adhuc non patuit: hanc ostendet secunda Pars, quam aggredior.

A Confirmatione ad Confutationem ita fieret Transitus. V. G. Hæc ad propositæ Veritatis assertionem: audite nunc quid obiiciant Adversarii, & quid ego respondeam. Vel: Ad hæc obiicies fortasse aliquis. Vel: Audire mihi videor, nescio, quem mussitantem, atque ita obiicientem. Vel: Profiliat nunc aliquis, & contra hanc veritatem reclamet: Ejus vires argumenti non eludere modo, sed elidere conabor. Vel: Video quid à præfata Virtutis amplexu vos detineat; sed facile est obstaculum remove. Vel: Ne quis de asserta Veritate dubitandi maneat locus, contrariis Objectionibus occurram.

Hæc de Transitione, ad Novitiorum institutionem. Cæterum aliæ innumeræ transeundi formæ plus pendent ab usu, & ingenio, quam ut præceptis addisci possint.

De Digressionē.

CAPUT VII.

Digredi etiam quandoque opus est. Digressiones enim & Orationem ornant, & somnum, si forte in Auditorum animos irrepserit, statim discutiunt.

Est autem Digressio (1) Alienæ rei, sed ad utilitatem causæ pertinentis, extrâ ordinem excurrrens tractatio. Ex quo liquet Digressiones nihil ad rem facientes, omninò cavendas esse.

Duo in Digressionibus adhibenda, Judicium scilicet, & Modus.

Judicium, ne intempestivè fiant; nam, ut docemur à gravissimo Authore, (2) tunc Digressio conducit, si se quasi spontè obtulerit, non vi intulerit.

Modus, ne prolixa nimis sit digressio, præcipuè initio, & fine Orationis; nè longius à Proposito dilapsi, videamur Propositi esse obliti, & facile non appareat, quomodò possimus ad Institutum redire. Oportet ergo, (3) antequam digredi incipiat Orator, de reditu cogitare; ne serò præneat, quod à Proposito excesserit.

Ad Digressionem pertinent rerum gestarum expositiones, descriptiones Locorum, Temporum, Personarum, Morum, &c.

Non inveniunt ad Propositum redeundi formulæ esse possunt: E. G. Sed ad Scopum, unde non nihil digressa est Oratio, regrediamur, &c. Sed illic revertar, unde discessi, &c. Sed jam tandem in gradum redeamus, extrâ lineas, oleasque aliquantulum exspatiati, &c. Nunc ad ordinem venio, &c.

De

(1) *Quintil. lib. 4. cap. 3.* (2) *Voss. Tom. 2. lib. 5. cap. 6.*

(3) *Idem. ibidem.*

De Descriptione.

CAPUT VIII.

Descriptio est perspicua, & dilucida rerum cum gravitate Expositio.

Varia sunt Descriptionis species pro varietate rerum, quæ describi possunt.

Vel enim describitur Persona aliqua, & dicitur PROSOPOGRAPHIA;

Vel Locus, & vocatur TOPOGRAPHIA;

Vel Tempus, & appellatur CHRONOGRAPHIA;

Vel denique Res ipsæ, seu facta repræsentantur, & nuncupatur HYPOTIPOSIS, de qua infra in tertia Parte.

PROSOPOGRAPHIA, seu Personæ Descriptio fit, cum Hominis mores, habitus, lineamenta, & cæteræ circumstantiæ, quas Personis attributas diximus, verbis quasi coloribus, depinguntur. Seneca (1) sic hominem describit: *Quid est Homo? Imbecillum corpus, & fragile, nudum, suapte natura inerme, alienæ opis indigens, ad omne fortunæ contumeliæ proiectum: cum benè lacertos exercuit; cuiuslibet fere pabulum, cuiuslibet víctima: ex infirmis, fluidisque contextum, & lineamentis exterioribus nitidum, frigoris, æstus; laboris impatiens, ipso rursum situ, & otio iturum in tabem: alimenta metuens sua, quorum modò copia, modò inopia rumpitur: anxie, sollicitæque tutela, precariis spiritus, & malè coherentis: Soli semper nutrimentum viriosum, & inutile, &c.*

D. Hieronymus fictam Humilitatem depingit (2) his verbis: *Perfacile est aliquem habere vestem*

(1) Apud Caussin. lib. 11. descript. 1. (2) Apud Granat. de ratione Concion. lib. 3. cap. 7.

Etiam contemptam, salutare submissius, manus, & genibus a deo sculari, inclinato in terram capite, oculisque dejectis, humilitatem, & mansuetudinem polliceri, leniter a voce, tenuique, sermones infringere, suspirare crebrius, & ad omne verbum peccatorem, ac miserum se clamare; sed &c.

TOPOGRAPHIA, seu Loci Descriptio, desumitur ab his præcipuè capitibus, nempe ab Antiquitate, Origine, & Fundatore, à Situ, à Cæli temperamento, ab Agrorum fertilitate, à Fontium copia, ab Hortis, Fluviiis, & Montibus, ab Edificiis, Templis, Theatris, Gymnasiis, Foro, Portu, &c. à Statuis, Picturis, aliisque ornamentis, ac monumentis, &c. Idem D. Hieronymus S. Antonii habitationem ita describit: (1) *Saxens, & sublimis mons, per mille circiter passus ad radices suas aquas exprimit, quarum alias arena ebibunt, alia ad inferiora delapsæ, paulatim rivum efficiunt; supra quem ex utraque ripa palma innumerabiles multum loco & amenitatis, & commodi tribuunt. Hic psallere, hinc arare, hinc operari, hinc fessus residere solitus orat. Vites, & arbusculos plantavit: Arcolam manibus suis ipse composuit: Piscinam ad irrigandum Hortulum multa sudore fabricatus est. Erat autem cellula non plus mensura per quadrum tenens, quam Homo dormiens extendi poterat. Præterea in sublimi Montis vertice, quasi per cochleam ascendentibus, arduo valde nisu, duæ ejusdem mensura cellula visebantur, in quibus, venientium frequentiam, & discipulorum suorum contubernium fugiens, moratus est. Verum, &c.*

CHRONOGRAPHIA, seu Tæporis Descriptio, ea est, quæ subiiciuntur, quæ in tempore dicuntur, aut accidunt Hyemem Theophrastus (2) describit hoc modo: *Præteritis Autumnus, & jam Hyems*

(1) Hieron. in D. Hilarionis vita. (2) Theophrast. apud Caussin. lib. 11. descript. 87.

*Hyems Terra ingruit . Mare tranquillitatis federa-
rupis : Navigantes Portus quasi sospitatores ample-
ctuntur, & Rusticus ad focum confugit, & formica in
cavernis terra suis laboribus parte victu fruitur.*

De Confutatione.

C A P U T I X.

Confutatio Confirmationis Pars, vel Species, tùm Confirmationem, tùm cæteras Oratio- nis partes ingreditur ; penè semper tamen suum post Confirmationem locum habet. Ea verò est, qua obiecta, vel obijcienda reiicimus.

Duabus de causis ad Orationem Sacram potest pertinere, Vel cùm in aliqua Sacra Doctrina Hæ- reticorum errores confutantur ; vel cùm id sua- demus, à quo nonnullæ apparentes rationes con- trariæ, Auditorum animos avertere possunt.

Varios confutandi modos habemus.

I. Cùm quid ut falsum, reiicimus. V. G. Si ob- iectum fuerit ; indecorum esse injuriam læden- tibus remittere ; confutabimus ità : Quid hoc fal- sus auditum est usquam ? Toto Christus suæ vitæ cursu numquam indecorum quid egit, & tamen Crucifixoribus pepercit suis ; quì nam igitur in- jurias condonare, indecorum erit ?

II. Si repugnare vitæ moribus, aut Religio- ni, quam profitemur, ostendimus ; & hoc modo injuriarum ultio repugnat Christianæ charitati, & Professioni Fidei, qua censemur.

III. Si rationes allatas in Adversarium ipsū retorquemus : ut si ultor asserat honestam esse vindictam, quod Mundana lex hanc jubeat ; pro- bandum erit ex eodem capite criminofam esse,

& in-

& indecoram. quia scilicet diabolus legem illam dictaverit, ideòque summam parit infamiam.

IV. Per Antisagogen, seu Compensationem, cum afferimus rem, vel parem, vel maiorem. E. G. Non parcam, inquires, quia magna fuit mihi illata iniuria. At nec ego parcam, inquiet Christus, quia magnam ex ultione passus sum contumeliam. Vel *Ecce*: Verum est, quod ais, difficile esse injurias remittere; At respondebo, maxima tibi parari præmia.

V. Per Contemptum. E. G. Hæc sunt, quæ ad sui excusationem obiciet Peccator; sed cum sint satis frivola, & inani fundamento subnixa, in his enodandis non immoror, &c.

Ut vivacior, & ferventior sit Confutatio, tractari debet per figuras actiores, quæ sunt Interrogatio, Subiectio, Increpatio, seu Execratio, &c.

De Peroratione.

CAPUT X.

Peroratio, extremus Oratoris actus, definitur à Cornificio (1) Artificiosus Orationis terminus Dicitur Conclusio, quia Orationem claudit: appellatur etiam Epilogus, quia paucioribus verbis stringit ea, quæ antea pluribus sunt dicta.

Tres habet Partes Peroratio: Enumerationem, Amplificationem, & Affectuum commotionem, quæ per Amplificationem habetur, & (2) in ipsa Amplificatione includitur.

Enu-

(1) *Cornif. lib. 1. num. 4.* (2) *Radan. p. 1. cap. 2. qu. 12.*

Enumeratio, quam & Epilogum, & Recapitulationem vocant, ea est, in qua res per totam Orationem dispersæ, & diffusè dictæ, strictim, & compendiariò colliguntur, atque unum sub aspectum subiiciuntur.

Advertendum tamen, quòd non omnia per totam Concionem dispersa, singulatim, & longo ordine repetenda sunt: ita enim, ut ait Fabius (1) *Non jam Enumeratio, sed altera quasi fiet Oratio: Ait illa dumtaxat, quæ ad causam magis faciunt, quæque Audientium Animis, & memoria altius infigi volumus: Necnon summatim, & breviter, ne Auditorem jam fortè defatigatum, & longiora metuentem, fastidio afficiant. Præterea (1) Quæ Enumeranda videtur, cū pondere aliquo dicenda sunt, & aptis excitanda sententiis, & Figuris utique varianda; alioquin nihil illa recta repetitione odiosius, veluti memoria Auditorum diffidentis.*

An verò necessaria semper sit Enumeratio, licet alii affirmant, his præsertim rationibus adducti, quod per hanc revocantur in Auditoris memoriam, quæ ab ea forsitan exciderunt; tùm quia repetita, & conglobata argumenta validiùs urgent, & velut Agmine factò in Audientium animòs irrumpunt, & quod volumus apud illos efficiunt: Alii tamen aliter sentiunt, docentque Enumerationem usitatissimam tantùm in Judiciali, rarò autem in Deliberativo, rariùs in Demonstrativo adhiberi. Hac doctrina instructus Ecclesiasta prudens esto in hac parte, ut scilicet nec frequentius Enumerationem adhibeat, nec semper omittat. Omitti quidem potest, cùm vel brevior fuerit Oratio, vel Argumentorum, & Conceptuum penuria laboraverit. Similiter in cau-

(1) Fab. lib. 6. cap. 1.

causis acrioribus, V.G. cum agitur de Severitate
Judicii, Gehennæ atrocitate, &c. Ubi concussos
jam, & commotos animos per Enumerationem
distrahere, ac refrigerare non decet. Idem
dic, cum in fine Orationis adducitur aliquod
Exemplum ad terrorem, aliumvè acriorem
motum excitandum. Uti autem possumus Enu-
meratione, cum vel debilem Audientium me-
moriam, vel longiori sermone gravatam novi-
mus. In iis autem concionibus, quæ doctrinales
sunt, & in Genere Didascalico versantur, num-
quam hujusmodi Recapitulatio censetur omite-
renda.

Sciendum denique quod licet Enumeratio
præcedere, aut subsequi possit Amplificationem,
aprius tamen, & utiliùs à Granateusè existima-
tur, si ante Amplificationem fiat.

Alia Perorationis pars est Amplificatio, qua
dicta, aut dicenda exaggerantur, & Orationis ac-
ciem stringit Orator adversus eam morum de-
pravationem, qua Auditores inquinantur, eos
Affectus excitare nitens, quos Argumenti, &
Materiæ ratio, quam præcipuè in Concione
tractavit, exposulat. Hæc Amplificatio vehe-
mentior esse debet hoc loco, quam aliàs, ex
hac enim, veluti siue lignorum compasta, Af-
fectuum flamma consurgit, quæ tantò erit ar-
dentior, quantò fuerit illa concitatio. In
hac, ait Divus Augustinus, Obsecrationes,
Increpationes, Concitationes, Coercitiones,
& quæcumque alia, quæ valent ad commo-
vandos animos, sunt necessaria. Meminerit
Orator, hinc sitam esse suam victoriam, si ita
dicat, ut fleat; si ita fleat, ut ad agen-
dum moveat, & impellat. Quæ verò capi-
ta adhibenda sint ad ciendos affectus, jam di-
ximus in prima Parte cap. 8. sect. 2.

In excitandis Affectibus duo Tyronem com-
monendum puto. 1. Affectus non excitantur cla-
moribus; sed rationibus. 2. Affectum, præcipuè
doloris, ubi acriter commovisse iam senseris, re-
linque, nec lōgiùs instes; ne defatigatus Auditor,
ab illo, quem cœperat, impetu, deficiat, & tædio
affectus repescat, ac frigeat. Nihil, ut inquit Ci-
cero, (1) faciliùs, quàm lacrima, inarescit.

Si per Apostrophæm, h. e. per Conversionem ad
Deum, Vel ad Jesu Christi effigiem, Vel ad B. Vir-
ginem, Aut alium quemvis ad Sanctum, clauda-
tur Oratio: (qui modus non improbatur) quatuor
servanda sunt. 1. Ut talis Conversio crebrò non
fiat. 2. Ut in illis Concionibus tantùm fiat, quæ
ad commovendos Affectus ordinatæ sunt; In iis
enim, quæ ad Didascalicum Genus pertinent, A-
postrophe in fine haud probatur. 3. Ut non, nisi
post aliquam Affectuum motionem, Conversio
adhibeatur. 4. ut sit brevis; Auditori namque de-
fatigato, & dicendi finem expectanti nil mole-
stius, quàm prolixitas.



(1) Cic. in partit. & Invent. 1.



De Elocutione.

PARS TERTIA.

UT Cæteris potior, ita difficilior hæc una Pars est (id quod omnes benedicendi Præceptores ad unum sentiunt) Elocutio, namque Oratorem facit, & ex ipsa Orator dignoscitur. Tullius Inventionem, & Dispositionem putat esse hominis prudentis; Quodlibet enim solertia, & Judicio præditum Ingenium, invenire poterit, quæ dicat, & inventa ordinatim disponere; At eleganter, & ornatè dicere non, nisi Eloquentissimus Orator potest. Habes igitur, quantum negotii sit in hac re, & quàm vix reperiat (si modò reperiat) qui verè eloquens sit. Præmonere hoc volui Candidatos meos, ut intelligant non, nisi multo labore, Industria, & Exercitio profici aliquid posse in hac Parte.

Et quia veram, & consonam Christianæ Orationi Elocutionem complures aut inscitia negligunt, aut imprudentia corrumpunt, non sine maxima Evangelii injuria, sui que, Animarumque detrimento; idè lubet in ipso Elocutionis vestibulo errores aliquos detegere, quò caveri possint à Tyronibus nostris.

Sunt itaque Nonnulli, qui humili, & insulsa quotidiani sermonis simplicitate gaudentes;

omni prorsus ornamento Orationem suam expoliatam volunt. Dicis cum Caufino, Sanctè hos jurasse, ne Metaphoram quidem ullam se in scriptis usurpaturos. Hi profectò nec Artis vim norunt, nec quæ deceat Orationem elegantia, sciunt. Lectitent Sacra Volumina, ubi nullum exquisitissimæ Elocutionis genus non elucere, comparent.

Ast Alii, ut eloquentes se se jactitent, Eloquenz Majestatem dedecorant; siquidem flosculis, & Oratorij coloribus supra modum lascivjunt; totamq. dictionem suam importunis metaphoris, luxuriantibus figuris, affectatis rerum descriptionibus, digressionibus ineptis, fucis, & pigmentis ita infarciunt; ut phalerata undique, & picturata appareat. Hi, ut ait ille, Ecclesias ipsas in Scenam, & Conciones in Theatrales ludos vertunt. At, inquires, Oratoris est ornate dicere. Quis hoc neget? Non ita tamen, ut gravis Martonæ ornamentum in putidissimum Meretricis luxum abeat. Scitu dignum est illud Caufini: *Pugnare debet Ecclesiasta, non ludere.*

Quid verò de iis, qui ad fabulas sæpè convertuntur, seria ludicris, vera falsis, Sacra profanis confundentes; quodque detestabilius, in eam forasse Concionis partem fabulas inducunt, ubi affectus sunt concitandi? Hos aperte arguit Apostolus, utpotè iniquos Veritatis homicidas, & meretricios, ut quidam vocat, aurium mango-nes; qui non corda movere, sed aures allicere, non Jesu-Christi Evangelium, sed Ovidianam Metamorphosin prædicare contendunt. Benè de his David: (1) *Narraverunt mihi iniqui fabulæ genes, sed non ut lex tua.*

Ultimus error (nam cæteros referre hinc piget, ni.

(1) Psalm. 118.

nisi jam pudeat) est eorum, qui communem, & perspicuum loquendi morem dedignantēs, longo, & confuso verborum contextu sensum perturbant: dilatis præter justam mensuram Conclusionibus, crebra, & longa Interiectione, sed Parenthesi, intellectum impediunt: obscuris aliquot, & tortis sententiis, inusitatis translationibus, abditis, atque difficilibus Philosophiæ, ac Theologiæ quæstionibus Orationem implicantes tantumque abest, ut huius obscuritatis vitii eos pœniteat: ut pulchrum existiment ab omnibus non intelligi. Quo quid insulsius? Si percipi non vis, cur loqueris? Et si Oratoris finis est Animos, ad quod velit impellere, quomodo Auditorem impuleris, à quo non intelligeris?

Hæc de vitiosa quædam Elocutione: modo ad rectæ ipsius Elocutionis essentiam, & partes discutendas gradum facimus.

Elocutio quid sit, & quot Partibus constet.

CAPUT UNICUM.

E Locutio, quæ Eloquentiæ Pars est, idonea verba, & sententias ad res inventas, & dispositas accommodat.

Tribus ex Cicerone (1) constat Elocutio, ELEGANTIA scilicet, COMPOSITIONE, & DIGNITATE.

(1) Cic. 4. ad Herenn. c. 2.

De Elegantiâ prima Parte Elocutionis.

SECTIO I.

Elegantiâ est, quæ facit, ut PURÈ, & PERSPICUÈ dicamus.

PURITAS in hoc sita est, ut propriis, lectisque genuinæ linguæ verbis, phrasibus, & locutionibus in dicendo utamur; nec solum Grammaticæ leges, & præcepta, verum & probatissimorum Authorum auctoritatem, & consuetudinem servemus.

Purò igitur, castoque sermoni adversantur Verba Peregrinâs tantum exceptis, quæ longè usu pro patriis habentur, ut sunt Musa, Doctrina, &c. Vel Scientiarum servitiæ sunt destinata, ut Syllogismus, Sacramenta, Gratia, &c. quæ rejicienda non sunt. Voces etiam vulgares, utpote sordidæ, verba Poetica, affectata, obsoleta, antiquata, & nova, præter Puritatem, Perspicuitatem lædunt.

PERSPICUITAS obtinetur, si verbis utilitatis, & propriè significantibus loquamur; Si nec nimis proluxa, & continuata verborum serie, nec tamen concisè nimis; Si rectum ordinem, & distinctionem servabimus; Si Equivoca, Amphibologica, Hyperbata, duras Translationes, & longas Parentheses vitemus.



De Compositione secunda Parte
Elocutionis.

SECTIO II.

Compositio est structura Partium Orationis,
scilicet: Verborum inter se Connexio.

Ad Compositionem pertinent JUNCTURA, OR-
DO, PERIODUS, & NUMERUS.

JUNCTURA facit, ut ex molli Elementorum
Syllabarum, & Vocum connexionem, lenis, suavis,
plena, & sonora fluat Oratio.

In Hac ergo vitandæ sunt asperiorum conso-
nantium commissuræ, ut Ars Studiorum, Exerci-
tus Xerxis. Frequentiores vocalium concursus,
quæ hiulcam Orationem faciunt, ut: *Rem anxie
querere, atque adepta egere, animi lauari est.* Præte-
rea multæ longæ dictiones, quæ tarditatem ni-
miam pariunt, aut brevissima vocabula, quæ
minutam, & concisam locutionem reddunt, non
sunt continuanda: sed brevibus longis, aspera leni-
bus, vocales consonantibus commisceri oportet.
Illud postremo cavendum, ne eadem syllaba præ-
cedentem dictionem finiat, & inchoet sequen-
tem, ut: Spuma Maris, Aliquæ querelæ, &c. In his
omnibus neque negligentem, neque diligentem
nimis esse decet. Ecclesiastam.

Ordo postulat, ut crescat Oratio, non decre-
scat, idemque graviora semper humilioribus sub-
iicienda sunt. Quæ lex tenenda est in Amplifi-
cationibus; nam in extenuationibus oppositum
servari debet; in his enim excrescere, non insur-
gere debet Oratio. Jube quoque Ordo, ut quæ di-
gnitate præstantiora sunt, vel natura priora, indi-
gnioribus, & natura posterioribus præcedant, ut

Dies

Dies Nocti, Oriens Occidenti &c.

PERIODUS Sententiam Commatis, & Colis, hic Incisus; & Membris justè perficit. De Periodo susè alii, nos pauca, quantum ab institutio nostro alienum non est. 1. Periodus longior non sit, quàm vires, & spiritus ferat, sed nec brevior, quàm aures expectant. 2. Plures ejusdem rationis, & mensuræ Periodi non continuentur: affectata siquidem fiet oratio, & fastidium patiet similitudo; sed varietati studendum est, ut modò simplices sint Periodi, modò bimembres, modò trimembres, modò quadrimembres.

Simplex Periodus est (1) cùm sensus unus longiore ambitu circumducitur. Sic D. Paul. ini-
tío Epist. ad Tit. *Paulus servus Dei, Apostolus au-*
tem Jesu Christi secundum fidem Electorum Dei, &
agnitionem veritatis, quæ secundum pietatem est in
spem vitæ æternæ, quam promisit, qui non mentitur,
Deus ante tempora sæcularia, manifestavit autem tem-
poribus suis verbum suum in predicatione, quæ cre-
dita est mihi secundum præceptum Salvatoris nostri
Dei, Tito dilecto filio secundum communem fidem, gra-
tia, & pax à Deo Patre, & Christo Jesu Salvatore no-
stro.

Periodus bimembris ea vocatur, quæ duobus membris perficitur; huiusmodi est illa: *Si serias,*
etiamus, ut parcas: Si peperceris, iterum provoca-
tus, ut serias.

Trimembris est, quæ tria habet membra; ut est illa D. Ambrosii (2) *Si Dominus vilius a vobis, &*
infidelibus hominibus; vel in oriundo Sole, vel in ter-
rena fecunditate prospexit; Si misericordia sua omni-
bis munus impertit; haud est dubitandum contem-
plationem apud illum fidelium, valituram esse meri-
torum.

Qua-

(1) Fabius lib. 9. cap. 4. (2) D. Ambros. in luc. lib. 7. cap. 12.

Quadrimestris tandem illa dicitur, quæ quatuor constat ex membris. Et hic Numerus videtur esse medius, licet plura, quàm quatuor, sæpè jam Periodus recipiat. Exempli loco sit: Si quæ pro corpore, ac fluxis Tertæ divitiis cura impenditur; eadem pro Anima, solidisque Cœli Thesauris adhiberetur; non ità macresceret in paupertate spiritus, ut ex opulentia miserè pinguescit caro.

Quadrimestris, seu quadrata Periodus maxime decet Exordium, gravesque alias Orationis partes: Cæteræ Periodorum species, incalescente Oratione, commisceantur.

NUMERUS ORATORIUS. (1) *Est conveniens sententia sonus, ex compositione, ac dispositione partium nascentis. Rhythmus quidam dicitur ab aliis, ità dissimulatus, & latens, ut tamen sentiat. Alii Humani sermonis modulationem vocant.* De hoc Numero multa satis Rhetores, docentes, qui pedes in membrorum initiis, qui nam in Periodorum clausulis, quivè in medio locari debeant, ut Numerosa fiat Oratio; Quos quidem non contemnendos ostendit D. August. cum ait: *Ego in meo Eloquentio, quantum modeste fieri arbitror, non pratermitto istos numeros clausularum.* Verùm non multum in hac re laborandum, ut in dimetiendis syllabis tempus omne teratur; nec immodicè studiosum Numerorum esse decet Ecclesiasticum, ut idem August. ait, *Divinis, gravibusque sententiis, dum additur Numerus, pondus detrahatur.*

Satis est autem, si moderatè huic rei intentus sit, curetque præcipuè, ut Periodus à versu (præsertim Heroico, Pentametro, aut Asclepiadeo), vel Hemistichio non incipiat, nec in versum, aut partem eius desinat. Similiter ut nec per
idem

(1) *Voss. lib. 4. cap. 4.*

idem sæpiùs ducat, claudatque sententiam: nihil enim in hac arte vitiosius: & præterea ut neque Monosyllaba sæpiùs, neque productiora verba sententiam terminent. Cætera pendebunt ex Auri-um judicio, quæ longo usu, & observatione, optimæ in hac re fient Magistræ.

De Dignitate tertia Parte Elocutionis.

SECTIO III.

Dignitas Elocutionis consurgit ex Tropis, Figuris, & Aptè dicendo, de quibus singulis ordinatim agemus.

De Tropis. Quid, & Quotuplex sit Tropus.

ARTICULUS I.

TRopus, Græca vox, Latine Conversio, seu Traslatio, *Est Verbi, vel Sermonis à propria significatione in aliam cum virtute mutatio*, ita Fabius. (1)

Primarii, & principes Tropi sunt (2) quatuor: METAPHORA, METONYMIA, SYNECDOCHE, & IRO-
NIA.

METAPHORA, quæ nec frequentior alius Tropus, nec florentior, est, *quando Nomen, aut Verbum, propter similitudinem, transfertur ex eo loco, in quo proprium est, in eum, in quo aut proprium deest, aut translatum proprio melius est.*

Qua-

(1) Fab. lib. 8. cap. 6. (2) Voss. lib. 4. cap. 5.

Quatuor modis fit Metaphora.

I. Transferendo ab Animato ad Animatum, ut est illud Psalmi 2. *Quare fremuerunt Gentes?*

II. Ab Inanimato ad Inanimatum, ut Zach. 11. 1. *Aperi, Libane, portas tuas, & Psalm. 8. Qui perambulant semitas Maris.*

III. Ab Animato ad Inanimatum, ut Psalm. 97. *Flumina plaudent manu, simul montes exultabunt.* Et Luc. 19. 40. *Si hic tacuerint, lapides clamabunt.*

IV. Ab Inanimato ad Animatum, ut scrupulosus homo, & illud Ezechiel. 36. 26. *Auferam à vobis cor lapideum.*

Triplici de causa adhibentur Metaphoræ 1. Ob necessitatem, cum scilicet proprium deest, aut translatum est significantius. 2. Propter Orationis ornamentum, & elegantiam; comptius enim, & venustius dicas florem ætatis, quam ætatis integritatem. 3. Ob Delectationem; magis enim delectamur alienis, quam propriis; tum quia similitudinibus mirificè capiuntur animi; Translatio autem similitudinem rei ad unum verbum contrahit. 4. Tandem quia (1) Metaphora ferè rem sensibus admoveat, maxime oculorum, qui sensui est acerrimus.

In Metaphoris cavendum, ne ducantur à re dissimili, vel similitudo sit longè petita; neque ad rerum humilium Illustrationem sumatur translatio à rebus nimis magnis, vel è contrà. Demum neque sordidæ sint Metaphoræ, nec nimium frequentes.

Metaphora ad delectandum, ornandum, remque penè ob oculos ponendam, valet, ut paulò ante dictum est; nec non ad commovendos Animos.

METONYMIA, quam & Hypallagen vocant, est

(1) Voss. 2 p. Orat. instit. lib. 4. cap. 6. num. 14.

est Tropus, quo sumitur,

Vel Causa pro Effectu, ut Lucæ 16. 29. *Habent Moysen, & Prophetas, pro scriptis Mosaycis, & Prophetis.* Et Osæ 4. 8. de Sacerdotibus: *Peccata Populi mei comedent.* hoc est Hostias pro peccatis oblatas. Huc etiam refertur, cum accipitur Inventor pro re inventa.

Vel Effectus pro Causa, ut pallida mors, quia reddit pallidum mortuum. Reg. 1. 15. *Siccine separas amara mors?* Et Genes. 25. 23. *Due sunt Gentes in utero tuo* h. e. Gentium Authores.

Vel Continens pro Contento, & e contra. Isaias 60. 1. *Surge, illuminare Jerusalem, quia venit lumen tuum.* Matth. Evang. cap. 22. 13. *Conscite eum in tenebras exteriores.*

Vel Possessor pro re possessa, ut: Divites ab Adulatoribus devorantur, hoc est: Divitum divitiæ ab Assentatoribus consumuntur.

Vel Signum pro re signata, ut Toga pro Pace, Fasces pro Consulatu.

Vel Res signata pro signo; prima Corinth. 11. 10. *Ideo debet mulier habere potestatem supra Caput.* Idest velamen, signum potestatis, quam Vir in Mulierem habet.

Tropus hic ad copiam potius, quam necessitatis, aut evidentie causa inventus est.

SYNECDOCHE est, cum aut sumitur pars pro toto, ut Capitolium pro Roma. Genes. 46. 27. *Omnes anima domus Jacob, que ingressæ sunt in Egyptum, fuere septuaginta* Animas ibi pro integris hominibus posuit. Aut totum usurpatur pro parte, ut Annus frigidus pro hyeme. Lucæ cap. 16. 23. dicitur quod Dives apud inferos vidit Abraham à longè, & Lazarum in sinu eius. Ubi Dives, Abraham, & Lazarus sumuntur pro animabus eorum.

Huc etiam pertinet, cum species accipitur pro

Ge-

Genere, ut si loca omnia amœna Tempe vocentur; vel Genus pro specie usurpatur, ut est illud Jacob Genes. 37. 33. *Fera pessima comedit eum, Bestia devoravit Joseph.*

Item cùm singularis Numerus pro Plurali, & è contrà, vel certus pro incerto numero ponitur. 1. David Psal. 77 *Misit in eos Cœnomyiam, & comedit eos; Ranam, & disperdidit eos;* Ubi Rana pro multitudine Ranarum positum est. 2. Jonæ 1. 5. *Descendit in interiora Navis;* Ubi Text. Hebræus: *Descendit in latera Navis,* hoc est, secundum vers. Pagnini, & Varii ad unum è lateribus Navis. 3. Matth. 18. 22. *Non dico tibi usque septies; sed usque septuagies septies.* idest innumerabiliter, ut exponit Cornel. & innumerabilibus vicibus offensam Fratri, qui peccat, si pœniteat, dimitte.

Similiter cùm sumitur Materia pro re conflata ex illa, ut Ferrum pro gladio, Argentum, & Aurum pro argentea, & aurea pecunia.

Denique cum ex Consequentibus Antecedentia intelliguntur, vel è contrà. Gen. 3. 19 *In sudore vultus tui vesceris pane tuo;* hoc est in labore, qui sudorem antecedit, & efficit.

Synecdoche ad locupletandum sermonem pertinet.

IRONIA est, qua significatur per Irrisionem contrarium illius, quod verbis exprimitur. Sic Juvenalis (1) vesaniam, ac ridiculam Ægyptiorum superstitionem deridet, qui non modò bestias, ut potè Crocodillos, ibes, &c Verùm & plâtas ipsas uti porrum, ac ceptis, instar Deorum habebant. Divinoque Cultu prosequabantur.

O Sanctas Gentes, quibus hæc nascuntur in Hortis Numina!

M

Ha-

(1) Juvenal. satyra 15,

Habes etiam Exemplum ex Genes. 3. 22. *Eccce Adam quasi unus ex nobis factus est, sciens bonum, & malum. Et 3. Reg. 18. 27. Illudbat illis Elias, dicens: Clamate voce maiore; Deus enim est, & forsitan loquatur, aut in diversorio est, aut in itinere, aut certe dormit, ut excitetur.*

Ironia, ut monet Fabius (1) *Aut pronuntiatio-
ne intelligitur, aut persona, aut rei natura; nam si qua
earum verbis dissentit, apparet, diversam esse orationi
voluntatem.*

His quatuor primariis Tropis adduntur plu-
res alii, quos partim ut Species eorum, partim ut
affectiones nonnulli (2) ex Rhetoribus agno-
scunt. Sunt autem ANTONOMASIA, ONOMA-
TOPOEIA, CATACHRESIS, HYPERBOLE, AL-
LEGORIA, alique non pauci, quos, utpotè ad In-
stitutum nostrum parum facientes, libenter
omissimus.

ANTONOMASIA, latinè Pronominatio, ea
Fabio dicitur, quæ aliquid pro Nomine ponit. Fit
autem primo, cum nomen Commune accipitur
pro Proprio, ut Urbis pro Roma, Apostolus, aut
Docteur Gentium pro D. Paulo, Sapiens pro Salo-
mone, Salvator pro Christo, &c. Secundò cum
nomen Proprium pro Communi usurpatur, ut
Cræsus pro divite, Achilles pro forti, Nero pro
crudeli, &c.

Utitur Antonomasia vel ob necessitatem ex
verbi penuria, vel ad ornatum; splendidius enim
nominabis Caput V. G. Arcem Corporis Huma-
ni: vel ad dissimulationem, cum dedita opera ser-
monem volumus obscurum reddere; vel ad indi-
gnationem, cum scilicet exosum alicuius no-
men proferre dedignamur, idèò que ad Antono-
masiam recurrimus. ONO-

1) Fabius lib. 8. cap. 6. (2) Voss. & Farnab.

ONOMATOPOEIA est fictio nominis, ut Bombus ad significandum strepitum Apum. Paul. Gal. 2. 14. *Quomodo cogis Gentes Judaizare?*

CATACHRESIS, latine Abusio, est, qua vocibus abutimur, easque tribuimus rebus, à quibus longè distant, idque vel necessitatis causa, ut cum Parricida vocatur, qui Cognatum, aut Propinquum interemit, vel citrà necessitatem, ut cum dicitur sperare pro timere.

HYPERBOLE, latine Exuperatio, vel Superlatio, ea est, quæ augendæ, vel minuendæ rei gratiæ, aliquid dicit, quod fieri nullo modo possit. Exod. cap. 3. vers. 8. 17. *Educam vos ad Terram fluentem lac, & mel*, idest admodum fecundam. Genes. 13. 16. *Faciamque semen tuum sicut pulverem Terra*. Psalm. 106. 26. *Ascendunt usque ad Cælos, & descendunt usque ad Abyssos*. Levit. 26. 36. *Torrebis eos sonitus folis volantis*.

Ufus Hyperboles Amplificationibus, & Extenuationibus deseruit; sed tam in augendo, quàm in minuendo servanda est mensura quædam; quamvis enim omnis Hyperbole est ultrà fidem, non tamen esse debet ultrà modum, hæc Cyprianus. (1)

ALLEGORIA, quam Fabius Inversionem, Alii Diversiloquium interpretantur, est continuata quædam Metaphora, qua aliud verbis, & aliud sensu ostenditur, ut cum Primitivæ Ecclesiæ persecutionem similitudine navis, tempestatæ laborantis, exprimimus.

Allegoriæ usus frequens est in Sacris literis. Gal. 4. 24. *Per Filium Sarcæ, & Filium Agar duo testamenta figurantur*. Joan 4. 35 *Videte Regiones, quia alba sunt jam ad Messem* Idest Gentiles apti sunt ad credendum, & Psalm. 37. *Vineam de*

M 2

Ægy-

(1) Cypri. lib. 3. cap. 21.

Ægypto transfulisti, eiecisti Gentes, & plantasti eam, id est Israel.

In Allegoria servandum est illud Fabri, ut quo genere translationis experimus, eodem & desinamus: turpe enim foret à tempestate initium sumere, incendio, aut ruina finire.

Cavendum pariter, ne obscurior sit Allegoria, si à enim abierit in Ænigma; sed nec frequentior, longior, & intempestiva.

Ad Allegoriam referuntur Apologi, Ænigmata, Proverbia, Parabole, & id genus alia, quæ aliud apertè dicunt, & aliud innunt.

Tropus hic ad delectationem valet.

De Figuris.

Quid sit Figura, & Quotuplex.

ARTICULUS II.

Hucusque de Tropis: nunc ad Figuras, quæ Græcæ Schemata nuncupantur, transgredimur.

Est autem Figura (1) *Conformatio quadam Orætionis remota à communi, & primum se offerente ratione* scilicet: Figura est, qua recta, & vulgaris loquendi forma in aliam politiolem, & elegantiolem mutatur. Sit Exemplum 1. Corinth. 15. *Quis infirmatur, & ego non infirmor? Quis scandalizatur, & ego non uror?* Figuratè hic Apostolus per Interrogationem locutus est; quantò elegantius, & ornatiùs, ac si per simplicem, & vulgarem sermonem dixisset: Si quis infirmatur, & ego infirmor: si quis scandalizatur, ego uror.

Inter Tropos & Figuras hoc interest, quod Figura

(1) *Fabius lib. 9. cap. 1.*

gura tam propriis, quam impropriis fit verbis: Tropus verò sine propriæ significationis mutatione esse non potest.

Figurarum duo sunt Genera: Aliæ dicuntur Figuræ Verborum, Aliæ Sententiarum.

Figuræ Verborum sunt, quæ venusta, & concinna verborum collocatione constant, qua sublata, mutatur, vel tollitur Figura:

Figuræ Sententiarum non in verbis, sed in rebus ipsis sunt positæ; ideòque etsi mutantur verba, quia tamen res eadem manet, manet etiam, non dissolvitur Figura. Illustremus rem Exemplo. D. Paul. 2. Corinth. 22. sic ait: *Hebræi sunt? & ego. Israelitæ sunt? & ego. Semen Abraham sunt? & ego &c.* In hac locutione duplicem habes figuram, alteram Verborum, quæ dicitur Conversio, consistens in repetitione illius vocis, Ego; Alteram Sententiarum, quæ vocatur Interrogatio. Fac verba immutes hoc modo: Numquid ego nō sum Hebræus, Israelitæ, & semen Abraham, sicut illi? per hanc commutationem verborum Conversio jam perit: sed Interrogatio non amittitur.

De Figuris Verborum:

PUNCTUM I.

Figuræ Verborum tribus efficiuntur modis. 1.

Per Additionem, 2. per Detractionem, 3. per Similitudinem.



Figuræ Verborum per Additionem.

P Rimum in hoc genere sibi locum vendicat
REPETITIO, Græcè ANAPHORA. Ea verò
est, cum eadem vox repetitur in principiis vel
Incisorum, vel Membrorum, vel Periodorum.
Hierem. 50. *Gladius ad Chaldaeos: Gladius ad divi-
nos eius, qui stulti sunt: Gladius ad fortes illius, qui ti-
mebunt: Gladius ad equos eius: Gladius ad Thesaurorum
eius, qui diripientur.* D. Aug. (1) De Martyris con-
stantia: *Mansit usque ad tentationem: Mansit usque
ad tyrannicam interrogationem: Mansit usque ad a-
cerriam comminationem: Mansit usque ad perem-
ptionem, &c.*

Valet hoc Schema ad delectandum, & amplifi-
candum; quod si fiat per Interrogationem, ad
motus etiam Animorum excitandos valet.

3. CONVERSIO, Græcis EPIPHORA, est, cum ea-
dem vox repetitur in pluribus clausulis. D. Pau-
lus, 2. Corinth. 2. 22. *Hebraei sunt? & ego. Israelitæ
sunt? Et ego. Semen Abraham sunt? & ego, &c.* Idem 1.
Corinth. 13. *Cum essem Parvulus, Loquebar, ut Par-
vulus, Sapiebam, ut Parvulus, cogitabam ut Parvulus.*

Delectat pariter hæc Figura, exaggerat, motus-
que animorum cit.

COMPLEXIO, quæ Græcis SYMPLOCE dici-
tur, Repetitionem, & Conversionem unâ comple-
ctitur: in hac enim idem primum Verbum repe-
titur in principiis, & ad idem positum rever-
timur in clausulis. D. Bonaventura (2) *Si vis pa-
tienter tolerare adversa, Vaca Orationi. Si vis ten-
tationem, & tribulationem superare, Vaca Orationi.*

ni.

(1) D. Aug. in Joann. tract. 27. (2) D. Bonav. apud
Granat.

ni. Si vis pravās affectiones conculcare, Vaca Orationi. Si vis astutias Sathanæ cognoscere, ac eius fallacias vitare, Vaca Orationi, &c. Ut plurimum tamen fit per Interrogationem, E. G. Quid eras, priusquam te conderet Deus? Nihil. Quid eras, priusquam te redimeret Christus? Nihil. Quid nunc futurus esses, si tibi subduceret gratiam suam? Nihil. Quid habes, aut potes ex te ipso? Nihil.

Hoc modo adhibita hæc Figura, maiorem vim habet, & acrimoniam, utimurque in exhortando, obiurgando, & aliàs in effectibus ciendis.

EPANALEPSIS est Repetitio, quæ fit initio præcedentis, & fine sequentis sententiæ. D. Paulus *Gaudete in Domino semper, iterum dico Gaudete.*

Movendi vim habet, ac delectandi, valereque præcipuè ad res graves cum maiestate inculcandas.

ANADIPLOSIS est, quæ idem verbum in fine præcedentis, & principio sequentis sententiæ repetit. Psalm. 121. *Stantes erant pedes nostri in Atriis tuis Hierusalem, Hierusalem, quæ ædificatur ut Civitas, &c.*

Figura hæc suavitatem habet, & Emphasim addit Orationi.

EPIZEUXIS est, quæ idem verbum, aut sententiam, Vel continuatè, nulla alia interiecta voce, conduplicat, ut Isai. 40. *Consolamini, Consolamini, Popule meus, &c. Vel quasi continuatè, una, aut pluribus vocibus interiectis, congeminat, ut: Heu miseros (lacrimare tantisper hic deest) Heu miseros, inquam, mundanos, quorum sædæ, & momentaneæ voluptates tam luctuoso exitu terminantur!*

Valeet ad reprehendendum, & vim Orationi ingerendam, necnon ad aliquem affectum exprimendum.

TRADUCTIO, Græcè POLYPTOTON, ea est, qua eadem vox crebrò repetitur, variatis casibus, & terminationibus, ut: *Pleni omnes sunt libri, Plena Sapientium Voces, Plena Exemplorum, vetustas.* Et Apost. ad Rom. 11. 36. *Ex ipso, & per ipsum, & in ipso sunt omnia.*

Venustatem affert Orationi, & plerumque vehementiam.

SYNONYMIA est, cum plura Verba, idem significantia, congregantur. Judith. cap. 7. 19. *Pec- cavimus cum patribus nostris, iniuste egimus, iniquitatem fecimus.*

Utitur hoc Schemate ad rei dignitatem plenius, atque expressius demonstrandam; Tum etiam ut gravitatem, & acrimoniam addamus Orationi.

POLYSYNDETON est Figura, quæ conjunctionibus, plusquam communiter solet, abundat, Apost. 1. Corinth. 4. *Usque in hanc horam & esurimus, & sitimus, & nudi sumus, & colaphis cadimur, & instabiles sumus, & laboramus, operantes manibus nostris.*

Valet ad amplificandum, ad instandum, & urgendum magis; Necnon ut (1) diversa, quæ dicimus, retardata sermonis cursu, magis singula animum afficiant.

GRADATIO, Græcè CLIMAX, est, ut ait Erasmus, (2) quoties ita per gradus Oratio distinguitur, ut dictio finiens particulam præcedentem, inchoet sequentem. Rom. 5. *Tribulatio patientiam operatur, patientia probationem, probatio vero spem, spes autem non confundit.* D. Augustinus (3) *Ex voluntate perversa facta est libido; & dum servitur libidini, facta est consuetudo; & dum consue-*

(1) Voss 2. p. lib. 5. cap. 2. num. 2. (2) Erasmus lib. 3. Eccles. (3) August. lib. 8. Confess. cap. 5.

modi non resistitur, falsa est necessitas.

... Gradationis usus in Sorite est, valetque tum ad docendum, tum etiam ad delectandum.

Figure Verborum per Detractionem.

A SYNDETON, sive DISSOLUTIO est, cum plura dissolutè sine coniunctionibus dicuntur, E. G. Vidisti, desiderasti, turpiter manum intrecisti, aliena re locupleratus es. Sic D. Paul. ad Rom. 1. 29. *Repletur omni iniquitate, malitia, fornicatione, avaritia, nequitia, plenus invidia, homicidio, contentione, dolo, malignitate, &c.*

Hujus Figure geminus est usus, 1. ut (1) expedita, volubilis, & concitata Oratio indicet rerum celeritatem. 2. Ut (2) maiorem ad Affectus faciendos vim habeat.

ADJUNCTIO fit, cum plures sententiae ad unum verbum referuntur, quarum unaquaque illud desideraret, si sola poneretur, ut: Non mortis periculum, Non districti Judicii metus, Non Gehennae incendium à peccandi libidine peccatorem coercent.

SYNECDOCHE, Latinis Intellectio, non modò Tropus, de quò suprà, verùm & Figura verborum est, qua (3) subtrahitur Orationi aliquod verbum, quod satis ex cæteris intelligitur, ut si dicatur: Ad mortis nuncium omnes pallefcere, formidare, contremiscere, hoc est, incipiunt. Genus hoc Figure aliis. (4) dicitur Ellipsis.

SYNOECIOSIS, latinè Commixtio, est Figura, quæ duas res diversas colligat, ut: Tàm deest

Ava.

(1) Voss 2 p. lib. 5. cap. 11. (2) Plutarch lib. de Homero. (3) Quintil. lib. 9. cap. 3. (4) Aquil. Roman. Causinus, Verepans.

Avaro quod habet,quàm quod non habet.Item:
Utraque pessima,& immoderata servitus, & im-
moderata libertas.

Figuræ Verborum per Similitudinē,

ANNOMINATIO, Græcè **PARONOMASIA**,
quam Recentiores **ALLITERATIONEM** vo-
cant,est, cùm paululùm immutata verba, atque
deflexa,in oratione ponuntur D.Cyprian.de Ha-
bitu Virginum : *Capilli tibi non sunt, quos Deus fa-
cit;sed quos Diabolus infecit.* D. Bernardus, cui fami-
liaris admodùm hæc Figura: *Monachi hoc in Cel-
lis agant,quod Angeli in Celis.* D. August. (1). *Ità
certum habebam,esse me lius tua Charitati me dedere,
quàm mea cupiditati cedere.*

Ad jocum præcipuè adhibetur Paronomasia,
unde in Oratione Sacra vix ullus est ei locus;nisi
fortè hæc Figura,alioqui levis,sententiarum pon-
dere impleatur, & hoc modo delectabit, & pun-
get.

SIMILITERCADENS,Græcè **HOMOEOPTO-
TON**, est Figura,qua plura verba in eadem tem-
pora,vel plura Nomina in eodemi casus cadunt.
D.Cyprianus: *Certè & labor irritus,& nullus effectus
offerre lumen Cæco,Sermonem Surdo,Sapientiam Bru-
to;cùm nec sentire Brutus possit,nec Cæcus lumen ad-
mittere,nec Surdus audire.*

SIMILITERDESINENS,Græcè **HOMOEOTE-
LEUTON**,est,cùm Orationis membra, sive arti-
culi, similem habent terminationis sonum, ut si
dixeris: Non eguisti calcare, ex quo cepisti Sa-
pientiam amare.Et:da lætanter,ut recipias abun-
danter.

In.

(1) Aug. Confess. lib. 8. cap. 5.

Inter Similitercadens, & Similiterdesinens hoc discrimen est, quod (1) Similitercadens fieri potest vel in principiis, vel medio, aut fine sententiarum; Similiterdesinens fit tantum in fine. Præterea (1) Similitercadens locum habet solum in iis, quæ declinantur, cujusmodi sunt Verba, Nomina, Pronomina, Participia; Similiterdesinens in quibusvis vocibus committitur, modo similem terminationis sonum habeant.

Nota demum quod (1) si in fine sententiarum iidem sint, sive nominum, sive verborum casus, & hi ipsi casus habeant similem omnino sonum, tunc Homæoptoton fuerit, simul & Homæoteleuton, quale est illud Cypriani: *Qui ad malum motus est, mendacio fallente, multo magis ad bonum movebitur, veritate cogente.*

COMPAR, Græcis ISOCOLON, illud est, quod habet membra Orationis, quæ constant ex pari fere syllabarum numero. D. Cypri. *Mundus ipse Occasum sui rerum labentium probatione testatur. Non hyeme nutriendis seminibus tanta imbrum copia est; non frugibus æstate torrendis solita flagrantia est; non sic verna de temperie sata lata sunt; nec adeo arboreis sætibz Autumnus facunda sunt.*

Compar, Similiterdesinens, & Similitercadens, ad delectationem, & suavitatem multum valent.

His Figuris adduntur etiam CONTRAPOSITUM, & COMMUTATIO (contrarietas enim certo ordine posita, similitudinis rationem habere videtur) nec non & Correctio.

CONTRAPOSITUM, sive CONTENTIO, Græcè ANTITHESIS, & ANTITHETON, est Figura, quæ Verba Verbis, vel sententias Sententiis opponit. Prior ad Figuras Verborum refertur; posterior ad Sententiarum. Verba Verbis opposuit, qui dixit, Amici-

(1) Voss 2 p. lib. 5. cap. 5.

citias immortales, Inimicitias mortales esse debere D. Cypr. Gratulandum est, cum impii de Ecclesia separantur, ne Columbas, ne Oves Christi, sevas suas, & venenata contagione prædentur. Cohærere, & coniungi non potest amaritudo cum dulcedine, caligo cum lumine, pluvia cum serenitate, pugna cum pace, &c. Sententias oppositis Sententiis subiecit D. Basiliius, cum in laudem Martyrum dixit: Pericula non respicit Martyr, coronas respicit: Plagas non horret, sed præmia numerat: Non videt lictores infernè flagellantes, sed Angelos supernè laetos, hominibus acclamantes: Non spectat ad temporalia pericula, sed ad præmiorum aternitatem, &c. Sic D. Paul. Maledicimur, & benedicimus: persecutionem patimur, & sustinemus: Blasphemamur, & obsecramus, &c.

Valet Antithesis ad delectandum, & varios animi motus excitandos, utpotè odii, commiserationis, & doloris, admirationis, & stuporis; cavendum tamen est à nimia Antithesium frequentia.

COMMUTATIO, Græcis ANTIMETABOLE, seu METABOLE, est, cum duæ Sententiæ inter se discrepantes ita exprimuntur, ut à priori posterior proficiatur. V. G. si dicas: Oportet edere ut vivas; non vivere ut edas. Sic 2. Machab. 5. 19 Non propter locum Gentes, sed per Gentem locum Deus elegit, & Marci 2. 27. Sabbatum propter Hominem factum est, & non homo propter Sabbatum.

Venustatem Orationi, & interdum actimoniæ præbet.

CORRECTIO tum Verborum, tum Sententiarum Figura est, Ad Figuras Verborum pertinet, cum aut Verbum emendat, nullo alio subiecto meliores; aut Verbum prius positum ita corrigit, ut aliud magis idoneum illi substituat, Ex exempla: 1. Dereliquit Homo Factorem suum. Homo, inquam, si hoc eum nomine appellari fas est, qui

contra Rationem operatur. 2. O Clementiam Salvatoris, seu potius patientiam miram, & singularem! De Correctione, ut Figura Sententiæ, vide inferius in prima Classe Figurarum Sententiarum.

Apertissima est Correctio ad amplificandum, & movendum.

De Figuris Sententiarum.

PUNCTUM II.

Figuræ Sententiarum, non in Verbis, ut diximus, sed in rebus ipsis quamdam habent dignitatem. Has, ut Oratoris ordinem sequamur, in tres Classes distribuimus pro triplici Concionatoris munere, quod est Docere, Delectare, & Movere. Aliæ igitur ad dicendum, docendumque sunt accommodatæ; aliæ ad delectandum, ad movendum aliæ.

Prima Classis Figurarum, Ad dicendum, docendumque pertinentium.

DEFINITIO dicitur quævis Nominis, aut Rei explicatio. Tunc autem inter Schemata numeratur, cum Dilucidandi, aut ornandi, aut amplificandi gratia adhibetur. D. Cyprian. de Habitu Virginum Disciplinam sic definit: *Disciplina custos spei, retinaculum Fidei, dux itineris salutis, fomes, & nutrimentum bonæ Indolis, Magistra Virtutis, &c.*

DISTRIBUTIO, seu **PARTITIO**, est, cum totum in partes diducimus; & hæc quoque tunc est **Figura**, cum ad ornandum, vel amplificandum assumitur. D. Bernard. (1) *Cogitationum multiplex varietas esse cognoscitur; Alia namque Cor inflant, alia elevant, alia perturbant, alia dissipant, confundunt, distendunt, ligant, inquinant, contrahunt, corrumpunt. Inflant, ut superba; elevant, ut vana; perturbant, ut invida; dissipant, ut iracunda; confundunt, ut acediosa; distendunt, ut ambitiosa; ligant, ut gulosæ; inquinant, ut luxuriosæ; contrahunt, ut timida; corrumpunt, ut malitiosæ, &c.*

INTERPRETATIO est **Figura**, qua dictum, vel factum alicuius juxta sententiam, & mentem nostram interpretamur: ut si de Christo in Cruce sitiente dicas: Noli putare, fluentium, ac refrigerantium aquarum hanc sitim esse, sed tormentorum. Sitio, inquit, quasi dicat: Majores, & amariores pœnas anheo: plura pro homine sustinere desidero. Unius calicis haustus inextinguibilem meæ Charitatis ardorem compescere non est satis. Mori semel Amanti non sufficit. & si pœna est mihi mori, ea est, quia cessant mihi pœnæ per mortem. Crucior igitur, quia gravius non crucior, &c. Per hanc eandem Figuram peccatoris factum interpretaberis hoc modo: Quid aliud agit Homo, cum peccat, nisi quod Divinæ legis mandata pessumdat, Christo in faciem expuit, & sponte sese Diabolo mancipium addicens, Deum repellit, quasi dicat: Recedo à me, tibi famulari non lubet: dignior est Diabolus, cui serviam, quam tu: plus delectant mundi stercora, quam Cœli divitiæ, & Gloria, &c.

CONGRIES, Græcè **SYNATHROESMUS**, est,
cùm

(1) Bernard lib. de conscientia cap. de multipl. varietate cogitationum.

cum plura verba, sive res, sive personæ, sive actiones, sive argumenta, in unum quasi acervum congeruntur, & condensantur; ut incitatio fiat Oratio, & torrentis instar Auditorum animum abripiat. ypr. contrâ Demet. *Innoxios, Justos, Deo caros, domo privas, patrimonio spoliatis, catenis premis, carcere includis, gladio, bestis, ignibus punis, &c.*

Amplificationibus hoc Schema satis idoneum, & ferè adhibetur, ubi incalescit Oratio.

OCCUPATIO, sive ANTEOCCUPATIO (PRÆSUMPTIONEM vocat Quinzilianus, Græci PROLEPSIN) est, cum id, quod obici potest, anticipamus, atque diluimus, V. G. Si de Orationis efficacia sermonem egeris, Occupationem effinxeris hoc modo: At dicebat aliquis: Cur ergo, si petenti, & pulsanti præsto adest Deus, inanes petitiones meæ toties ceciderunt? Ad hæc respondeo, quod multoties Deus petentibus non indulget; vel quia malum est, quod petitur; vel quia, bonum licet, malè petatur, &c. Occupatione usus est David Psalm. 50. cum dixit: *Quoniam si voluisses sacrificium, dedissem utique.*

Huius Figuræ usus ut plurimum est in Exordiis, Confutationibus, & Probationibus; necnon ubicumque aliquid est dicendum, quod minùs jucundum fore videatur.

COMMUNICATIO, Græcè ANACONOSIS, est Figura, qua vel ab iis, apud quos, vel contrâ quos dicimus, consilium petimus; vel cum iis ipsis deliberamus. 1. In hoc turbulentissimo statu date consilium, quid mihi censeatis faciendum. 2. Te, Peccator, appello, tuæ me sententiæ subscribam, Si Christum hodie coram te exprobrari, cædi, pessumdari, sauciari videres; nonne ira excandesceres, & piè furens, in sacrilegum ipsum, velut laniaturus, irrueres? &c. Act. cap. 4. 19, *Si iustum*

est in conspectu Dei vospotius audire, quàm Deum, judicate.

Hoc Schema vim habet maximam ad fidem faciendam, & excitandos Affectus.

CONCESSIO, GRÆCIS PAROMOLOGIA, est Exornatio, qua aliquid, etiam iniquum, vel pati, vel concedere videmur; ut id, quod maximè causam juvat, impetremus. D. Cyprianus de Habit. Virg. *Locupletem te esse dicis, & divitem, & utendum putas iis, quæ possidere te Deus voluit Utere, sed ad res salutarer: Utere, sed ad bonas artes: Utere ad illa, quæ Deus precipit, quæ Dominus ostendit. Divitem te esse sentiant Pauperes, locupletem sentiant indigentes. Patrimonia tua Deo fœnera, Christum ciba, &c.*

SUSTENTATIO, quæ à nonnullis INOPINATUM, GRÆCè verò HYPOMONÈ dicitur, est figura, qua diu suspenduntur Auditorum animi, atque aliquid deinde inexpectatum subiungitur; ut si de Muliere illa, in adulterio deprehensa, & ad Christum perducta, diceres: Expectare, nunc mihi videmini, quid de ea factum sit, quamvè Christus in ream capitalis sceleris ediderit sententiam. State paululùm, & videbitis novum, & dignum Deo Judicium. Accusatione percepta, & criminis veritate Adulteræ silentio firmata, non lapidibus obrui, ut Mosaica lex erat, imperavit; at neque coram accusatoribus impunem dimittendam decrevit: Sed nihil dicens, inclinavit se deorsum, & digito scribebat in Terra, &c. & post multa subdes: *Nemo te condemnavit, nec ego te condemnabo, &c.*

Pulchrum Sustentationis Genus est, cùm magnum aliquod polliciti, tenuissimum quoddam proferemus. Hac ratione (verbis utor, & exemplo disertissimi Granatensis) Pharisæorum levitatem amplificare possumus, qui discipulos Domini accusandos putabant, quod illotis manibus man-

duca-

ducatent. Prius enim Scribarum, & Phariseorum dignitas exponetur, atque eorum præcipue, qui ab Hierosolymis veniebant; mox eorumdem ad Christum accessus; cum demum eorum accusatio. *Quare inquit, Discipuli tui transgrediuntur traditiones seniorum?* Magnum proflus, & execrandum crimen, cum scriptum sit (1) *Ne transgrediaris terminos antiquos, quos posuerunt Patres tui.* Sed videamus, quale sit hoc crimen, qualis ista transgressio. *Non, inquit, lavant manus suas, cum panem manducant.* Quid hac accusatione magis ridiculum? hocne erat illud crimen, quod tanti Doctores communi consilio exprobrare volebant?

Aptissima ad docendum hæc Figura, & attentionem conciliandam; insuper ad laudem, & vituperium, ad exaggerationem, & diminutionem præterea ad delectationem.

CORRECTIO, quam inter Figuras Verborum supra numeravimus, est etiam Sententiarum, cum scilicet tollimus Sententiam aliquam, & eam alia, quæ magis idonea videtur, emendamus, & corrigimus. Exempli loco sit: Humilitas tam fuit depressa in Terram, vel potius, tam fuit erecta in Cælum, ut primas præripuerit omnibus, secundas vix reliquerit ulli.

ANTITHESIS etiam ad Figuras Sententiarum, pertinet. De hac plenè dictum, ubi de Figuris Verborum per Similitudinem egimus.

PRÆTERMISSIO, seu PRÆTERITIO, Græcè APOPHASIS, est Figura, qua profiteamur, dicimusque nos ultro omittere, aut nolle dicere id, quod tunc maximè dicimus. D. Cyprian. in Epist. ad Corn. *Taceo de fraudibus Ecclesie factis, coniurationes, &*

N 3

adul.

(1) Proverb. 22,

adulteria, & varia delictorum genera prater eo. Unum illud, &c.

2. Tribus de causis, juxta Hermogenem, utimur hac Figura, *Vel quia res sunt parvae; vel quia notae; vel quia ingratae, & molestae, Non tamen plenè praterimus; quia sunt Oratori utiles.*

3. Adhibetur hoc Schema tum in laudatione, tum in reprehensione; & ad probandum, vel refellendum non mediocriter conducit.

Secunda Classis Figurarum, Quae ad delectandum sunt appositae.

APOSTROPHE fit, cum Sermonem ad aliam personam, vel quasi personam, avertimus, quam instituta Oratio requirat. Christus apud Matth. (1) *Va tibi, Corozain; Va tibi, Bethsaida; quia si in Tyro, & Sidone factae essent virtutes, quae factae sunt in vobis; olim in cilicio, & cinere poenitentiam egissent, &c. Et tu Capharnaum; numquid usque in Caelum exaltaberis? usque in infernum descendes, quia, &c. David Psalm. 113. Mare vidit, & fugit; Jordanis conversus est retrorsum. Quid est tibi, Mare, quod fugisti, & tu, Jordanis, quia conversus es retrorsum?*

DESCRIPTIO, ut alia diximus, est perspicua, & dilucida rerum cum gravitate Expositio. De Descriptione, & variis ejusdem speciebus, juxta variam rerum describendarum Naturam, jam vidimus in 1. parte cap. 8.

HYPOTYPOSIS, Latine Demonstratio (Cicero Descriptionem vocat) est Figura, qua sic ad
vivum

vivum res verbis exprimitur, ut cerni coram videatur. D. Chrysoſt. (1) Crudelis Avariſpeciem ob oculos ponit hoc modo : *Exigite videre tetrum quemdam hominem, qui ab oculis ignem emittat, cui ex utroque humero dracones pro manibus pendant, cuius os, caverna inſtar, magnitudine ſit, in quo pro dentibus acuti enſes ſtent, ex lingua venenofus fons ſcaturiat; venter omni fornace ſit ardenſior, cuncta, qua immittuntur, conſumens, &c.*

Non inelegantiùs D. Greg. Theologus admirandam ſeptem Machabæorum Matris conſtantiam per Hypotypoſim, adiuncta ſermocinatione, depingit (2) Sic enim ait : *At verò egrogiâ Mater gaudio ſimul, ac mærore afficiebatur; atque in duorum affectuum medietullio poſita erat : Nam ut filiorum fortitudine, certaminumque ſpectaculo mirificè delectabatur, ſic rurfus, cum incertum pugna eveniſſet, incredibilemque tormentorum magnitudinem ſecum reputaret, timore commovebatur. Ac proinde illos, non ſecus atque avicula, pullos ſuos arripiente angue, aut alia quapiam inſidiatrice beſtia, circumvolabat, ſtridebat, obſecrabat, certantes adiuvabat: nihil denique non dicebat, ac faciebat, quò illos ad victoriam paratiores, inſtructioresque redderet. Cruoris guttas rapiebat, fragmenta membrorum excipiebat, reliquias adorabat: hunc colligebat, illum porrigebat, alium parabat, omnibus acclamabat : Euge Filii mei, euge ſtrenui milites, euge in corporibus ſermè incorporei euge Legis, canaque ſenectutis mea, atque Civitatis, quæ vos aluit, atque ad eam Viriſſimis magnitudinem evexit, Antiſtiſtes, atque Patrons Paulum adhuc, & vicinus: paulum adhuc, & ego inter mulieres beata, & vos inter adoleſcentes beati, &c.*

Per Hypotypoſim deſcribimus non ſolùm ea,
que

(1) Chryſoſt Hom 29 in Matth. (2) Greg. apud Granat. de arte Concion. lib. 3 cap. 6.

quæ facta sunt, vel fiunt, verùm & quæ futura sunt, vel accidere poterint; Atque ejusmodi rerum futurarum descriptiones proponi possunt in hæc, vel similes formas, E.G. Hæc, quæ non vidistis oculis, animis cernere potestis, &c. Videre mihi videor venientem in nubibus Christum cum potestate magna judicaturum, &c. Fingite vobis, &c. Quid futurum putatis, cùm ad extremum vitæ agonem Peccator devenerit? &c.

Valet hæc Figura non solum ad delectandum, sed ad movendum quoque.

SERMOCINATIO dupliciter definitur, à Cornificio his verbis: Sermocinatio est, cùm alicui Personæ sermo attribuitur, & is exponitur cum ratione dignitatis, hoc est, ait Fabius, explicans postrema verba, *Si ea locutam finxerimus, quæ cogitasse eam, non sit absurdum*. A quibusdam aliis definitur hoc modo: Sermocinatio est ficta Personarum collocutio. Ex hac duplici definitione colligitur, quod bifariam fit Sermocinatio; Velenim unius dumtaxat, secum disputantis, & cogitantis, quid agere debeat, Sermonem recitat Orator, & dicitur à quibusdam DIALOGISMUS; Vel duos, aut plures mutuò inter se loquentes inducit, & vocatur DIALOGUS. Utriusque Sermocinationis exempla frèquenter occurrunt legenti.

ETHOPOEIA, quam cum Dialogismo nonnulli confundunt, est alienorum affectuum, qualiumcumque, dictorumque imitatio. Vel: Est expressio morum, & affectuum alicuius Personæ superstitis, quam suos sensus prodentem repræsentat Orator. Talis est illa in Cantico Moylis, Pharaonem loqui inducentis (1) *Persequar, & comprehendam, dividam spolia, implebitur anima mea: Evaginabo gladium meum, interficiet eus manus mea.*

In

(1) Exod, 15.

In construenda *Æthopœia*, tria hæc tempora percurramus:

Præsens, Præteritum, & Futurum.

In *Præsenticalamitates*, & infortunia minutim examinantur.

In *Præterito* cum anteaactis calamitatibus, vel *fælicitatibus* *præsentes* *erumnæ* comparantur; ut ex illarum memoria vehementius accendatur affectus.

In *Futuro* vel de remedio consultatur, vel *desperatio* fingitur.

IDOLOPŒIA à quibusdam dicitur, qua mortuos inducimus loquentes. E. G. Patrem defunctum ingrati Filii oblivionem exprobrantem; Epulonem Fratres commonentem; D. Paulum vaniloquos Evangelii Prædicatores corripientem, &c.

PROSOPOPŒIA, ex Cicetone, est ficta Personæ inductio; seu Personæ fictio, & conformatio, ut alii. Fit autem, cum Vel rebus inanimis, aut mutis animantibus sermonem accommodamus; ut si quis inducat lapides Sanctuarii clamantes, *Romam* gloriabundam, corvum Paulo cibum deferentem, eundemque alloquentem, &c. Vel iis, quæ Corporis expertia sunt, Corpus & verba tribuimus; ut si inducamus Deum, vel Angelum, vel Dæmonem verba facientem. Secundum hoc genus *Prosopopœiæ* ad *Idolopœiam* nonnulli referunt. Habacuc. 11. 12. *Lapis de pariete clamabit, & lignum, quod inter juncturas adificiorum est, respondet: Va, qui edificat Civitatem in sanguine, & preparat Urbes in iniquitate, &c.* Baruch 3. 34 35. *Stella dederunt lumen in custodiis suis, & latata sunt, vocata sunt, & dixerunt: adsumus.* D. Cyprianus (1) Diabolum inducit Christo exprobrantem eorum ho-

(1) *Cypr. Serm. de Eleemosyna.*

hominum infantiam, qui in damnandos sumptus omnia profundunt; Pauperibus nihil impertunt, sic autem ait: *Ponat unusquisque ante oculos suos Diabolum cum servis suis, id est cum Populo perditionis, & mortis; in medio proficere Plebem Christi, præsendo, & judicante ipso, comparationis examine provocare, dicentem: Ego pro istis, quos tecum vides, nec alapas accepi, nec flagella sustinui, nec Crucem portavi, nec sanguinem fudi, nec familiam meam pretio Passionis ac Crucis redemi; sed nec Regnum Cæleste illis promitto, &c.*

Ethopœia, Idolopectia, & Prosopopœia, præter delectationem, valent plurimum ad augendum, & commiserationem, aliosque affectus excitandos.

COMPARATIO etiam à nonnullis è Schematum numero excludatur, quod censeatur virtus esse Probationis pars, quam Figura Sententiæ non desunt tamen, qui inter Figuras eam reponant; videtur enim magis ad illustrandum, & ornandum instituta, quam ad probandum. De hac fusè dictum in 1. parte art. 2. sect. 1.

Usum hunc tantum attingimus: valet ad suaves motus excitandos; ad exornationem, & ad perspicuam dicendi methodum.

Tertia Classis Figurarum, Quæ ad permovendos Animos sunt idoneæ.

INTERROGATIO tunc Figura est, quoties non discendi, sed instandi causa assumitur. Mirificè Oratorem juvat; vires enim, & aculeos addit Orationis venustatem, & varietatem inducit, atque ad probandum vim habet maximam; videndum tamen ne immodicè adhibeatur.

Varios per hanc Figuram animi motus exprimimus.

Aliquando per ipsam instamus, atque urgemus, ut: Quousque Dei Patientia abuteris, ingratisime Peccator? Quamdiu ad Christi voces obfurdesces? quid dissimulas? quid tergiversaris? quò fugis? &c.

Quandoque terrendo monemus. sic D. Ambros. ad Virginem devotam (1) *Quid tibi cum mortalibus? quid in illis desideras, ac requiris? Castimoniam, quam non habent? Fidem, quam non inveniunt? Doctrinam, quam non sequuntur? Jejunium, quod oderunt? Abstinentiam, quam indicant? Humilitatem, quam opprimunt? Sobrietatem, quam negligunt? Synteram mentem, quam non habent? Verecundiam, quam à se proiciunt? &c.*

Nonnumquam indignamur. Hier. 1. 9. *Numquid super his non visitabo, dicit Dominus, & in Gente tali non ulciscetur Anima mea?*

Sæpè etiam conquerimur. Habacuc 1. 2. *Ufquequò, Domine, clamabo, & non exaudies? vociferabor ad te, vim patiens, & non salvabis?*

Interdum optamus. Job 14. *Quis mihi tribuat, ut scribantur sermones mei? Quis mihi det, ut exarentur in libro, &c.*

Non rarò dubitamus. Hier 6 10. *Cui loquar? Es quem contestabor, ut audiat?*

Et ne longius per aliorum Affectuum exempla, quorum nusquam non magna copia est, vager, per interrogationem quoque affirmamus, vel negamus. Ure illud Apostoli: *Non sum liber? Non sum Apostolus? Nonne Christum Jesum Dominum nostrum vidi?* Et Psal. 26. *Dominus illuminatio mea, & salus mea, quem timebo?*

SUBJECTIO à quibusdam dicitur, cum In-

(1) Ambros. cap. 1.

terrogationi Responſionem ſubiicimus. D. Paul. ad Rom. 7. 24. *Infelix ego homo; quis me liberabit à corpore mortis huius? Gratia Dei per Jeſum Chriſtum Dominum noſtrum*. Alii verò Subiectionem vocant eam. Prolexeos, ſeu Occupationis partem, qua contrariam rationem ſolvimus. Aliis tandem Subiectio dicitur, in qua multa, ſivè per Interrogationem, ſivè abſque ea, breviter adducuntur, & unicuique eorum ſua ſubditur reſponſio. Sic Petrus Cellenſis (1) fortem hominem, & in adverſis conſtantem, victoremque, pulchrè admodum deſcribit: *Ecce caminus; ſed non timet aurum. Ecce Mare; ſed ſupernatat folium. Ecce Malleus; ſed non confringitur Adamas. Ecce Ventus; ſed Mons Sion non commovetur. Ecce Præſum; ſed Miles tenet gladium.*

EXCLAMATIO definitur Orationis elatio, & contentio, ad augendum reperta, quæ interiectione quadam expreſſa, vel intellecta, motum vehementiorem efficit, rei que magnitudinem exprimit. Gal 3. *O inſenſati Galatae, quis vos fascinavit non obedire Veritati?* Abſque expreſſa interiectione D. Paul. (2) *Infelix ego homo; quis me liberabit de corpore mortis huius?*

Variis Affectibus inferuit: Indignationi, Admirationi, Correctioni, &c. aliquando etiam Ironiæ.

Hactamen Figura non utimur, niſi poſt rem aliquam inſignem ſuaſam, vel ſaltem ſufficienter expoſitam; licet in rebus atrocibus, ut inquit Cicero, vim Exclamationis majorem habeat; ſi rei declarationem antecedit. Ex quo liquet quod, etſi in Amplificationibus, & Epilogis aptiſſimum ſibi locum vindicet hoc Schema; in re tamen lugubri, & inexpectata, ab Exclamatione quandoque exordiri abſonum non eſt.

ACCLA-

(1) Lib. 7. Epiſt. 2. (2) D. Paul. Rem. 7. 24.

ACCLAMATIO, Græcis EPIPHONEMA, est, cum rei narratz, aut probatz subiicitur, veluti coronis, quædam gravior Sententia, seu Pronunciatum; ex superioribus expressum. Sic Sulpicius Severus post commemoratam D. Martini morientis orationem, tandem acclamat: *O virum ineffabilem, nec labore victum, nec morte vincendum!*

At non semper Epiphonema fit cum admiratione, ut in Exemplo allato; quandoque enim sine Admiratione est, ut illud in fine Psalmi 2. *Beati omnes, qui confidunt in eo.*

Interdum Epiphonema causam continet facti, ut Joan. 12. *Multi etiam ex Principibus crediderunt; sed propter Phariseos non confitebantur, ne de synagoga elicerentur.* Mox subdit: *Dilexerunt magis gloriam hominum, quam gloriam Dei.*

Quandoque summam continet rei: Sic ille (1) postquam docuit, quodvis animal ex re aliqua delectationem capere, subiicit. *Trahit sua quemque voluptas.* Huc spectat illud Davidis, (2) qui mirabilem operum Dei narrationem claudit hoc Epiphonemate: *Domine Dominus noster, quam admirabile est nomen tuum in universa Terra!*

Denique fit Epiphonema, ut priora confirmet, V. G. si post multa de Susannæ constantia, lascivorum, ac petulantium Senum insidias eludentis, adicias: *Maluit innocens mori, quam rea vivere.*

DUBITATIO, vel ADDUBITATIO, dicitur, cum Animus pendet, ac nescit, quid e duobus, aut pluribus dicendum, aut agendum sit D. Cyr. de Christi Confessore Celerino, eodemque a Parentibus Martyribus orto. *Non invenio, inquit, quem beatorem magis dicam, utrumne illos de Posteritate tam clara, an hunc de Origine gloriosa.* Et D.
O Greg.

Greg. de Magdalena: *Quidigitur miramur, fratres, Mariam venientem, an Dominum suscipientem? suscipientem dicam, an trahentem?*

Apta satis ad rem amplificandam, & attentionem Auditoris parandam; estque Exordiis peridonea.

ADMONITIO fit, quoties placidè quempiam, aut benevolè admonemus officii. Isai. 1. *Quarite Judicium, subvenite oppresso, indicate pupillo, defendite viduam.*

DEPRECATIO, quæ & OBSECRATIO, & OBTESTATIO dicitur, est, qua opem alicuius imploramus. Ephes. 4. *Ipse autem ego Paulus obsecro vos per mansuetudinem Christi, &c.* Et David in Psal. *Exurge, quare obdormis, Domine? Exurge, & ne repellas in finem.*

OPTATIO est vehementis alicuius desiderii significatio, quâ quod nobis, aut aliis prodest, optamus. Job. 14. *Quis mihi hoc tribuat, ut in Inferno protegas me, & abscondas me, donec pertranseat furor tuus?* Deutor. 32. 29. *Utinam saperent, & intelligerent, ac novissima providerent.*

EXECRATIO est, qua malum alicui imprecamur; talis est illa D. Pauli. *Percutiat te Deus, paries dealbate.* David in Psal. *Fiat mensa eorum coram ipsis in laqueum.* Job quoque diem natalitatis suæ execratur his verbis: *Pereat nox, in qua natus sum, & dies vertatur in tenebras.*

COMMINATIO terrorem incutit metu futuri mali; seu malum ipsum per Hypotyposim prædicat. seu nuda, & simplici declaratione prænunciat. Amos 6. *Va, qui opulenti estis in Sion, & confiditis in monte Samaria: Optimates, Capite populorum, ingredientes pompaticè domum Israel.* Et Matth. 23. 13. *Va vobis, Scribae, & Pharisei Hypocrita, qui clauditis Regnum Cælorum ante homines.*

CONQUESTIO est, qua quis vicem suam dolet,

let, & lamentatur, aut de alio queritur. David (1) *Hæc mihi, quia incolatus meus prolongatus est, habitavi cum habitantibus Cedar, multum incola fuit Anima mea.* Abacuc 1. *Usquequò, Domine, clamabo, & non exaudies? Vociferabor ad te, vimpatiens, & non salvabis?*

INCREPATIO, seu OBJURGATIO, Factum vel dictum minùs rectum reprehendit, & castigat. D. Paul. ad Corinth. h. 4. 7. *Quid habes, quod non accepisti? Et si accepisti, quid gloriaris, quasi non acceperis?* Idem Corinth. 1. *Audet aliquis vestrum habens negotium adversus alterum, indicari apud iniquos, & non apud Sanctos?*

LICENTIA, vel ut rectiùs alii, LIBERTAS, Græcè PARRHESIA, illa est, qua Orator ea, quæ gravia, vel periculosa dictu videbantur, præfidenti animo, & magna libertate pronunciat, vel commonendi, vel obiurgandi causa; Sic D. Paul. (2) *Ad tribunal Caesaris ito, ibi me judicari oportet, &c. Cesarem appello.*

Ferè periculum est in hac Figura, ne offenda-
tur Auditor; idcirco præmuniri eam juvat, ac mi-
tigare aliquo remedio, quod multiplex esse so-
let. Vel enim veniam licentiæ petimus, ut: Ignos-
cite, Auditores, si asperè non nihil, & acerbè lo-
qui videor: Dei res agitur, &c. Vel dicimus, invi-
tos id nos facere, ut: Nollem hoc dicere; neque
enim ultrò ad id enunciandum animus sese meus
accommodat; sed dicendum est tamen. Vel Amo-
rem nostrum priùs testamur, seu dolorem ob de-
lictorum frequentiam, & gravitatem; ut: Scio
molestum vobis, & onerosum fore, quod dicam;
sed officiosi Medici est malè satctum vulnus ferro
patefacere, ut sanet. Item: Indignemini quan-
tumcumque libet, ò peccatores: dolor, quo affi-

O 2 cior

(1) David Psalm, 119, (2) Act. 25, 10,

cior ex effrenata vestra peccandi libidine, peccatorumque non toleranda gravitate, silere me non patitur, fari cogit.

EMPHASIS est, quæ altiore præbet intellectum, quàm quem verba per se ipsa declarant. Duplex est: Altera, quæ plus significat, quàm dicit: Altera, quæ id etiam, quod non dicit, significat. Prior est in illo D. Petri: *Tu mihi lavas pedes?* Ubi illa Verba, Tu, Mihi, Emphasim habent, quasi diceret: Tu, qui Magister, Creator, & Dominus, mihi vilissimo homuncioni, & peccatori miserrimo pedes lavas? Posterior est, si de Goliath Davidica funda percussio, atque in Terram prostrato dicas: *Jacuitque immensam per humum*; quo prodigiosa eius corporis moles significatur.

Non desunt, qui Emphasim à Figurarum cœru recitiant.

RETICENTIA, scû OBTRICENTIA, quàm alii INTERRUPTIONEM, alii PRÆCISIONEM appellant, Græci ΑΠΟΣΙΟΠΕΣΙΝ, ea est, qua Sententiæ inchoatæ pars aliqua præciditur, ita tamen, ut intelligatur. Vel: Reticentia est, cum abrupto sermone, quod reticemus, Auditorum animis æstimandum, aut suspicandum relinquimus.

Affectum quandoque ostendit hæc Figura, ut in illo Psalm. 6. *Anima mea turbata est valde; sed tu, Domine, usquequò?* Reticetur hic: Auxilium differis, vel aliud quid simile.

Aliquando nullum indicat affectum; ut si dicas: Utinam liceret hodie sædam, atque horrificam Dæmonis formam Peccatorum aspectui obicere: ut eorum quisque agnosceret, quali se se Domino miserè per peccatum mancipaverit, Cerneret quidem monstrum horrendum, ingens, cui nec simile peperit Libya, nec Fabulæ somniarūt æquale. Caput informe, minax, proceris, & tortuosis cornibus armatum, sibilantium vi-
pera-

perarum capillirio obteſtum: facies tenebricoſa, nocte ipſa jam tetrior, torvis, ac trucibus oculis, ſanguine conſperſis, hinc inde ſcintillantibus: Ore diſtorto, atque immodicè aperto, tetrum ignem, ac peſtiferam mephitim ab imo exhalante. Parco pluribus; jam enim video vos tremefactos ad hæc prima lineamenta monſtruosæ immanitatis. Quid ſi reliqua longè horribiliora recenſerem? Quid ſi non picta rei imago, ſed res ipſa veſtris oculis obverſaretur?

Hæc de Tropis, & Figuris, quantum ex gravibus, & ſelectis Authoribus colligere potui. Cæterùm in hac Materia tanta eſt Authorũ controverſia, tam multiplex omniũ ſententiæ; ut ſi de Troporum, & Schematum numero, nominibus, & natura Scriptores conſulas; nullus ab alio non diſcrepet, omnes ad invicem diſſentiant. Idque, ut benè docet Cyprianus (1) quia, quæ de Tropis, & Figurarum ornamentis præcipi poſſunt, valdè minuta ſunt, & exilia: Idcirco de eis diſputatio non ſolum dubia, & incerta; ſed controverſa etiam, plenaque diſſentionis ſemper fuerit. Neminem igitur reprehendi oportet: Et ut tutò quis in hac re incedere dicatur, ſatis eſt, ſi gravis alicujus Scriptoris vel authoritati, vel rationibus incumbat.

In adhibendis autem tam Troporum, quàm Figurarum luminibus habendum eſt præ oculis illud Quintiliani, nempe quòd (2) *Sicut ornans Figura opportunè poſita; ita ineptiſſima ſunt, cum immodicè petuntur.*

O. 3

De

(1) *Cypr. lib. 3. cap. 30. propè ſuum.* (2) *Quintil. lib. 9. cap. 3.*

De Aptè dicendo.

ARTICULUS III.

AD Elocutionis dignitatem pertinuit Troporum, & Figurarum ornatus; Ad eandem etiā spectat Aptè, atque appositè dicere, de quo superest, ut in præsentī agamus.

Aptè dicere, idem est, ac Orationis faciem, seu dicendi formam, vel Characterem, vel Stylum, Personæ, tūm dicenti, tūm audienti, necnon rebus ipsis, de quibus dicitur, præterea loco, tempori, cæterisque circumstantiis accommodare; quod elarè expressit Cicero, cum ait: *Non omni Causa, neque Auditori, neque Personæ, nec Tempori congruum Orationis genus*. Hoc est autem præcipuum illud Prudentiæ opus, quod in Oratore desideratur; & hanc præfertim de causa, Rhetoricam dicendi Prudentiam appellavit Fabius.

Ut autem à Persona dicente incipiam, etsi ad Oratores omnes in universum pertineat, ut (1) Modestiam, Humanitatem, Charitatem, communis salutis studium, & ardens veræ Pietatis desiderium in dicendo præferant; Jactantiam, Ingenti ostentationem, atque omnem ambitionis suspicionem fugiant; nihilque dicant, quo Auditores offendi iure possint, hoc est (2) nihil insolenter, aut arroganter, nihil inverecundè, aut petulantè; nihil contumeliosè, aut sordidè; nihil scurriliter, aut abiectè; nihil tandem licenter, aut indecenter, & vitiosè dicant; Non omnes tamen unus, idemque Orationis Character decet. Senex gravitatem servet in dicendo, in redarguendo libe-

(1) Granat. lib. 5.

(2) Granat. lib. 3.

berior sit. Juvenè, vivaciori, ac jucundiori stylo uti licuerit; cautum verò in obiurgandis vitiis, præfertim quæ contrà castitatem sunt, esse oportet. Rarò ad Mulieres sermonem vertat; quod ubi quandoque contigerit, gravitate alloquium non careat. Episcopus, vel superior Prælati, gravio-rem in concionando sermonis habitum induat, & Charitatem, paternamque curam, & providen-riam in suis verbis declarare satagat; Quod à D. Chryso-stomo in Exordiis suarum Concionum, factitatum legitur. Sic & Regularis Orator, libe-riùs in vitium tonet; nec solum peccati fugam, suadeat, sed ad perfectionis studium Auditores ex-citet, atque hortetur. Par ratio de aliis Oratori-bus, quibus, pro varia singulorum conditione, & circumstantiis, variè formandus est sermo, ut aprè dicendi ratio fervetur.

Pro diversitate quoque Audientium variè ser-mo tractandus. Rudes, & agrestes homines erudi-ri expectant; idèò simplici, & demisso stylo cum his loquendum. Exempla, Parabolæ, Similitudi-nes, & alia, quæ rem penè sensibus subiiciunt, ad-hibeantur; Nec Verba, etiam triuiora, modò non fordida, quandoque despiciamus. Ex Figuris eli-mus eas, quæ ad docendum, delectandum, & ali-quando ad terrendum valent.

Longè aliter cum Eruditis, Nobilibus, & Prin-cipibus Viris, quorum delicatæ aures sublimem, elaboratam, & leporibus conspersam orationem postulant.

Præter hæc, alia dicendi methodo cum Sacris, piis, Divinarumque rerum studio, & contempla-tioni addictis hominibus, quos duriores, & aspe-riores obiurgationes non decent (gravant enim, nisi contaminent) Alia cum Profanis, Divinæ-que Legis contemptoribus, & in omnia scelera sine Dei metu rucutibus, quos fortiter arguere, &

usque increpare licet, uti convenerit. Demum ita debet prudens Orator Sermonem suum Auditoribus accommodare; ut eorum conditioni, capui, & necessitati per omnia consulat.

Nam de Rebus, primò quidem videndum est, ad quod Genus Causarum pertineat res ipsa, de qua loquimur, ut debitum ei characterem affigamus.

Tria sunt Causarum Genera, in quibus versatur Ecclesiastes. Primum est Didascalicum, seu doctrinale, quod in docendis Auditoribus, eorumque ignorantiae tenebris dilucida doctrinae traditione illustrandis occupatur. Secundum est Demonstrativum, quod in Laude, aut Vituperatione versatur. Tertium est Deliberativum, quod suasionem continet, vel Dissuasionem.

Triplex etiam est Character, seu Stylus, seu Idea, seu Forma, aut Genus loquendi: **SUBLIMIS** **HUMILIS**, **MEDIOCRIS**.

SUBLIMIS, quem Gravem, Magnificum, Altiloquum, Grandem, & Summum vocant, ille est, qui constat (1) ex Verborum, & Sententiarum magna, & ornata constructione. Singularem Verborum delectum Character hic postulat; vult enim verba ampla, & magnifica, & in rebus atrocibus auditu ipso aspera, & veluti confragosa. Longiores periodos, & flexuosam Orationis formam, quæ multa cæsa, & membra includit, desiderat. Magis autem rerum ponderibus, & sensuum affectibus attendit, quàm Verborum Ornamentis, quæ, prout occurrunt, rapit potiùs, quàm exquirat. Graves amat Sententias, utpotè de Deo, & rebus Divinis, de rebus Civilibus, aut Naturalibus. Sententiarum lumina non excipit, nisi graviora, & vehementiora, cuiusmodi sunt Hyperboles, Hypotyposes, Prosopopœiæ, Conversiones, & si-

mi-

(1) Plutarch, apud Cæsinnum,

milia. Amplificationibus magnificis Orationem attollere, atque omne genus affectuum, pro rei natura, quam tractat, excutere, & concitare nititur. Interdum tonat, & fulminat; nec tantum in sensus irrepit, sed irrumpit; & instar rapidi torrentis, (ut Farnabii similitudine, & verbis utar) hibernis vivibus, aut montano flumine aucti, pontemque aggeremque indignati, sternit agros, saxa devolvit, viam, ubi non invenit, sibi pandit, secum Auditorem, vel contra nitentem, fert, cogitque ite, quod rapit. Huius Grandis Characteris Exempla sunt: Hierem. 2. *Obscurescite Caeli super hoc, & portæ eius desolamini vehementer, duo enim mala fecit Populus meus, &c.* Isai 1. 2. *Audite Caeli, & auribus percipe Terra, &c.* D. Paul. 2. Corinth 6. *Eccæ nunc tempus acceptabile, ecce nunc dies salutis; Neque mihi dantes ullam offensionem, ut non vituperetur ministerium nostrum, &c.* Granditer in eas, quæ formam pigmentis colorant, vel potius decolorant, invehitur D. Cypr. (1) his verbis: *Tu te existimas impunè saturem tam improba temeritatis audaciam, Dei artificis offensam? Ut enim circa homines impudica, & incesta facis lenocinantibus non sis; corruptis, violatisque, quæ Dei sunt, prior adultera detestaberis. Quod ornari te putas, quod putas communi impugnatione est ista Divini operis, pravaricatio est veritatis, &c.*

HUMILIS dicendi forma, quæ tenuis, sive attenuata, & submissa dicitur, gaudet usitato, & communi sermone; qui tamen Purus, Perspicuus, Evidens, & Probabilis esse debet. A numerorum vinculis liberior est. Curiosam conglutinandi Verba diligentiam non amat; & omnem insignem ornatum stylo Grandi relinquit: non tamen inculta, aut sicca, non enervis, aut arida esse debet. Acutas, & crebras sententias deinde

fact.

(1) D. Cypr. apud Granat.

rat: Tropis utitur, & figuris, at verecundiùs, & parciùs; Translationibus autem frequenter; minùs tamen, quàm Genus dicendi Magnificum. Huius formæ exemplum dat D. Paul. (1) *Dicite mihi, qui sub lege vultis esse, legem non legistis? Scriptum est enim quoniam Abraham duos Filios habuit, unum de Ancilla, & unum de Libera: Sed qui de Ancilla, secundum carnem natus est: Qui autem de Libera, per repromissionem: quæ sunt per Allegoriam dicta. Sic & in Epistola 1 ad Timotheum. 5. 1. Seniorem ne increpaveris; sed obsecra ut patrem; Juvenes, ut fratres; Anus, ut matres; Juvenulas, ut Sorores in omni castitate, &c.*

MEDIOCRE, sive temperatum dicendi Genus, est medium inter Magnificum, & Humile, atque ità in confinio utriusque constitutum; ut nec acuminis posterioris, nec fulmine utatur superioris; sed submissius aliquantò sit Grandi, uberius, & robustius Infimo. Huic omnia dicendi ornamenta conveniunt, præsertim quæ ad delectandum valent; Est enim in hoc Genere nervorum vel minimum, suavitatis vel plurimum. Figuris floreat, Translationibus utatur crebriùs, sed modestis. Amat mediocres sententias, Digressiones amœnas. Dispositio sit facilis, & plana: Verba suaviter, & numerosè fluant. Exemplum huius Ideæ habetur ex D. Paul. (2) *Obsecro itaque vos, Fratres per Misericordiam Dei, ut exhibeatis corpora vestra hostiam viventem, acceptabile obsequium vestrum, &c.* Temperatè etiam loquitur D. Ambros. dum professis Virginibus proponit Matrem Domini, tamquam sub exempli forma, quod moribus imitentur: *Virgo erat, non solum corpore, sed etiam mente, quæ nullo doli ambitu syncerum adulteraret* af-

(1) D. Paul. ad Galat. 4. 21. (2) D. Paul. Rom. 12. 1.

affectum. Corde humilis, verbis gravis, animi prudens; loquendi parcior, legendi studiosior, non in incerto divitiarum, sed in prece pauperis spem reponens: intenta operi, verecunda sermonibus, arbitrum mentis solita non hominem, sed Deum querere, &c.

Pro diversis igitur Causarum Generibus, variandus est Character, nam sicuti non omne Personarum Genus, unus, idemque ornatus decet: sed alijs Principi, alius Privato, alius Militi convenit: ita & diversa materia diversos habitus, diversos exigit Characteras.

Humilis dicendi forma Genus Didascalicum decet.

Mediocris, & temperata Generi Exornativo, necnon & Didascalico, præsertim coram Eruditis, convenit.

Sublimis, & Gravis in Deliberativo adhibetur.


Nec solum in diversis materiis, ad diversa Causarum Genera pertinentibus, diverso utimur sermonis vultu; sed etiam in eadem Oratione, pro diversitate rerum, quæ occurrunt, varianda est Sermonis Idea. Res Magnæ stylum appetunt Grandiorem. Modicæ Mediocri exponendæ sunt Characterē. Parvæ Humilem dicendi formam desiderant; Ut enim ait Cic. Is eloquens erit, qui poterit parva submisè, modica temperatè, magna granditer dicere.

At pro diverso quoque Oratoris munere varianda est eiusdem Orationis facies; ut scilicet cum docet, submisè; cum delectat, temperatè; cum fleat, granditer dicat.

Singulæ etiam Orationis partes diversam exigunt sermonis Figuram. Proæmium sit temperatum: Propositio, & Divisio simplices, & perspicuæ: Narratio, prout rerum, quæ narrando exponuntur, natura expostulat: Confirmatio subtilis: Epi-

logus, & Amplificationes, acres, & graves.

Vide nunc quor, & quæ præ oculis habenda sint, ut aptè, & appositè dicatur. Persona scilicet Dicentis, & Audientis, Genus causæ, Partes Con-
cionis, Oratoris officium, & rerum dicendarum Natura. Adde & circumstantias Loci, Temporis, &c. De quibus nihil monendum puto, ne Oratō-
ris Prudentiam lædam potius, quàm juvem; at-
que hic ab Elocutione pedem referimus.





De Pronunciatione.

PARS QVARTA.

Ventum est tandem ad eam Eloquentiæ partem, quæ in dicendo maximè dominatur, estque ad omne momentum persuasionis efficacissima. Ea est Pronunciatio, quam Cicero quamdam Corporis Eloquentiam, & quasi Sermonem nominat. Alii Animam, & Vitam Orationis vocant; languent enim singula Orationis membra, & iacent velut emortua, sine sensu, sine motu; nisi vivæ Vocis spiritu animentur, & significus Gestus virtute excitentur.

Est autem Pronunciatio, sive Actio (utroque enim nomine appellatur) *Ex Rerum, & Verborum dignitate, Vocis, & Corporis moderatio.* Ità Cic. Vel, ut Alii: *Est Vocis, Corporisque apta pro Rerum, Affectuumque varietate, conformatio.*

Partes ergo Pronunciationis duæ sunt: Moderatio Vocis, & Corporis motus: illa aures, hic oculos afficit, per quos duos sensus omnis ad animum penetrat Affectus.

A Voce Pars hæc Rhetoricæ dicitur Pronunciatio; à Gestu nominatur Actio. De utroque breviter dicendum; at de priori priùs, hoc est de Voce; posteriùs de Gestu.

De Voce.

CAPUT I.

A Generalibus ordimur, atque ea primum de Voce præcepta statuimus, quæ ad universam Orationem pertinent; mox ea speciatim, quæ singulas Orationis partes respiciunt.

Generaliter de Voce hæc iubentur, ut vox sit CLARA, FACILIS, CONSTANS, FLEXIBILIS, APTA.

CLARA Vox dicitur, quæ mediocri subtilitate aerem secans, aures distinctè, & integrè attingit hanc amat Auditor. Obtusam verò, surdam, rusticanam, raucam, & bubulam vocem fastidit, & aversatur.

Ad Claritatem pertinet, ut distinctè, & articulatè loquamur, non turbidè, & confusim. Verba singula integrè proferantur: nulla eorum pars devoretur, aut destituatur: non distorqueatur, aut delumbetur ulla. In pronunciando autem debet esse aliqua divisio, ut resumatur Spiritus, in membris, & incisus; & in fine Periodi tota voce aliquantisper quiescendum. Huic autem virtuti, ut obest summa celeritas, quæ facit, ut sine distinctione dicatur, sed uno spiritu, atque uno impetu omnia percurrantur: ita nimia tarditas, qua numerari syllabæ potius, quàm pronunciari videntur, tædium, somnum, frigus, & oscitationem Auditoribus creat.

Facilis Vox erit, si non multo nisu compulsa erumpat, sed facilè, & liberè prodcat cum suavitate quadam, non quidem fœmineæ, aut affectata, sed virili, & naturali. Hæc Audientium aures mulcet, ac detinet; aspera verò, clamosa, & querula vox angit, vexat, & cruciat: ideò monet Fabius, ut vox ultra vires urgenda non sit, præfer-

tim

sim iis, qui imbecilliori voce laborant; hi namque rarò debent eam attollere, sæpè deprimere, sæpè flectere.

At CONSTANS esse Vox debet, hoc est firma, & perpetua, quæ numquam à laudabili sono excedat; sed recte pronunciandi æqualitatem ad finem usque retineat.

Ad Constantiam, & firmitudinem Vocis quatuor conducunt, ut scribit Author ad Herenniū.
1. Ut sedata, ac depressa Voce principia dicamus; læduntur enim arteriæ, si acri clamore exasperentur, antequam leni voce permulsæ fuerint.
2. Ut longiusculis intervallis distinguatur sermo; nam recreatur vox respiratione, & arteriæ reticendo acquiescunt.
3. Ut vox crebrò immutetur.
4. Ut acutas exclamationes vitemus.

Flexibilis etiam Vox esse præcipitur, nempe ut alias, atque alias mutationes, flexus, & figuras induat; nec uno semper, eodemque tono rigidè perseveret, qua continuata cantilena (Monotoniam Græci vocant) nihil ingratius; sed pro rerum, affectuumque varietate variè, & per gradus intendat se, & remittat; lenem, & asperum, vehementem, & tenerum, gravem, & acutum sonum efficiat; nec aliter Oratoris effingentis libitum sequatur, quàm mollis cera digitos.

Postrema Vocis conditio, seu virtus est, ut sit APTA, tum Loco, tum Auditoribus, tum etiam partibus Orationis, Rebus, Affectibus, & Figuris.

In amplo, & spatiofo loco voce utendum est intèriori, ut sufficienter ab omnibus audiatur; in angusto autem, & brevi spatio si vox intendatur, dura, & insuavis fiet Audientibus. Ad hæc videndum paucine sint, apud quos verba facimus, an complurimi; illos remissa, hos concitatiori voce alloqui oportet.

Inspicienda quoque est Auditorum qualitas

& conditio. Cum Rusticis paulò duriori voce loquendum est; Apud Urbanos, & Cultos viros loquela sit suavior. Doctos, & Eruditos gravis, & decora Vox decet; Indoctos remissior, & facilior.

¶ Vento nunc ad specialia de Voce præcepta, quæ Partibus Orationis singulis, tum etiam Rebus ipsis, Affectibus, & Figuris conveniunt.

In Exordio, nisi aliquo vehementiori affectu constet, Vox sit submissa, & verecunda; valet enim plurimum ad conciliandos animos.

• In Introductione parumper Vox insurgat.

Narratio simplicem, & apertam vocem requirit, familiarique sermoni jam proximam; nisi aliud in his, quæ narrantur, postulant Affectus.

• Confirmationi Vox est varia pro varietate rerum, quæ ad probandum afferuntur.

Argumentatio plerumque agilior, acrior, & instantior.

Digressiones ferè lenes, dulces, & remissæ.

• Amplificationes gravi, & magniloqua voce sunt pronuntiandæ.

• In Peroratione, ubi præcipuum Amplificatio locum habet, & Affectus sunt concitandi, Vox sit excitator, & vehementior; Pronunciatio aliquantò celerior.

Res magnæ, cum maiestate quadam, humiles demissæ, mœstæ flebiliter, lætæ iucundè, atroces incitatè, mediocres moderatè recitentur.

In Ira Vox sit atrox, aspera, ac densa, & respiratione crebra. In miseratione, & mœiore, flebilis, interrupta, flexibilis, & cantui proxima; nam, ut ait Cic. *Etiā Orbos, Viduasque videas in ipsis funeribus canoro quodāmodo proclamantes.* In lætitia sit plena, simplex, hilaris, fluens. In metu, ac verecundia, submissa, hæsitans, & abiecta. In mansuetudine lenis, in audacia erecta: & ne in lon-

gum

gum abeam, (1) *Vox attollitur incitatis affectibus, compositis descendit, pro utrinque res modo, altius, vel inferius.*

Cùm autem venit ad Figuras, observabimus, quæ Vox sit propria Interrogantibus, Admonentibus, Increpantibus, Irridentibus, &c, eamque imitari studuerimus.

De Gestu, seu Actione.

CAPUT II.

Vocem sequitur Gestus, sive Actio, de qua prævia hæc monita habentur.

I. Ut Gestus Voci, & rebus ipsi dicendis ingeniosè conformetur, nec ab eis ullo modo dissentiat.

II. Ut nec ante Vocem sit Gestus, neque post Vocem; utrumque enim deforme.

III. Ut decorum, & gravitas in Actione servetur; non enim omnia, quæ Comædis conveniunt, conveniunt & Oratori.

IV. Ut moderatè Gestibus utamur, & potius Actio sit parca, quàm superabundans.

V. Denique ut Actionem ità instituamus, ne artem redolere videamur.

Præcipuæ Actionis Partes in sex præcipuis Humani Corporis partibus consistunt. Sunt autem 1. Truncus Corporis, 2. Caput, 3. Vultus, 4. Humeri cum Brachiis, 5. Manus, 6. Pedes. De Singulis breviter.

TRUNCUS CORPORIS Naturalem rectitudinem servet, sive stet, sive sedeat; talisque rectitudinis situs modesta gravitate non careat. Mo-

(1) *Eab. lib. 11. cap. 3.*

veatur autem moderatè, graviter, & venustè. Anterior pars dicentis mediam Auditorii partem ferè semper respiciat: cùmque in alterutrum latus aliquando declinat, medium spatium omnino non deferat; sed mediocriter, & ex parte tantum id fiat.

CAPUT etiam si rectum; non obstipum, aut in cervicem reflexum; non demissum, atque deiectum, quod discipulo convenit apud Magistrum: At nec rigidum, & immobile, quo superbia, & mentis quædam barbaria ostenditur. Cùm autem vel annuimus, vel repudiamus, vel averſamur, vel minamur, vel indignamur; motio Capitis sit levis, & moderata.

VULTUS conformetur rebus, quæ dicuntur. In lætis vultum induamus hilarem, in mœstis tristem, in seriis severum, in placidis lenem, &c.

In ipso Vultu non minimum valet frons, plurimum oculi, non minus supercilia, quæ (1) oculos formant, & fronti imperant.

FRONTIS Corrugatio mœsticiam, & severitatem; Exporrectio clementiam, & hilaritatem indicat.

SUPERCILIA composita, & remissa, indicium præbent hilaritatis; deducta tristitiæ; sublata superbiæ notant, iram, & arrogantiam; demissa verecundiam subducta, vel etiam inæqualia severitatem: Altero ad frontem sublato, altero ad mentum depresso, crudelitas indicatur.

OCULI, quos Animæ ministros, & indices vocant, ut laudabilem Actionem exhibeant, sint modesti, mediocriter aperti, sibi que constantes: non arrogantes, & feroces, non immodicè diducti, & dilatati, non tremuli, & nictantes. At nec etiam otiosi, & stupidi, ita ut in eodem loco immobili-

ter

(1) *Fortunatianus, lib. 3, cap. ult. Fab. lib. 11, cap. 3.*

ter affigantur; sed modeste, & graviter per unum
versum cœtum spatientur, omnesque intuean-
tur, præsertim eos, quos alloquimur; nisi aliter
Indignatio, & aversio suadeat. Ad Verba, & res
componantur, & aptentur: sint clari in rebus se-
cundis, nebulosi in tristibus, torvi in minis, ar-
dentes in iracundia, in metu aperti, in dolore lan-
guidi, &c.

Humeros nimium allevare, aut contrahere
non decet: hic enim Gestus servilis est. (1)

BRACHIA liberè, expeditè, & concinnè mani-
bus subserviât, modicèque proficiantur, maxime
in Affectibus vehementioribus. Ut autem Bra-
chium (2) extensum, vel elevatum, potentiam,
& facultatem ad rem gerendam, conficiendam
que significat, estque authoritatis, roboris, & vi-
ctoriæ; ita contrà Brachium cōhibere est pudor-
is.

MANUS præ cæteris partibus valent in Pro-
nunciatione; non modò enim loquentem adiu-
vant, (1) sed & ipsæ penè loquuntur.

De Manibus hæc habeto:

Manus in Exordio parca sint ad Gestus, & sine
ullo Gestu prima Periodus pronuncietur, ubi au-
tem incaluerit Oratio, increbrescat & Gestus.

Optimè, ut docet Fabius (1), Manus à sini-
stra parte incipit, in dextrâ deponitur.

Manus sinistra (1) numquam sola gestum fa-
ciat: sed frequenter accommodet sese dextræ, ad
quam actio præcipuè pertinet: & cum dextera
sola gestum exercet (3) sinistra suprâ pulpi-
tum quiescat. Cum verò utrâque manu Gestum
exhibemus, semper (4) in agendo dextera pri-
cipa-

(1) *Fab. lib. 11 cap. 3.* (2) *Causin. lib. 9. cap. 9.*

(3). *Paul. Eccles. lib. 5. cap. 3. art. 5.* (4) *Farnab. in
suo Indice Rhetorico.*

capitulum obtineat, subserviat sinistra.

Manum supra oculos tolli, infra pectus demitteri, ut indecorum damnatur. (1)

At nec (2) manibus invicem allisis frequentiore plausum edere, aut pulpitem frequentius, & durius verberare ab ullo ex Oratoribus probatur.

Cæterum Manus ipsæ Res & Verba prosequantur, licet, ut Fabius (1) monet, ad Sensus magis, quam ad Verba sit Gestus accommodandus.

Sivè ergo rogamus, manus junctas attollimus.

Sivè de nobis loquimur, (1) manum pectori admoveamus.

Sivè alios alloquimur, (1) manum ad eos extendimus.

Sivè dolemus, & tristamur, (2) manus inter se pectinatim junctas, vel ad supremum pectus erigimus, vel ad cingulum demittimus.

Sivè auxilium, opemque præstamus, (3) manum porrigimus.

Sivè tumultum componimus, & silentium indicimus, manum protendimus. (3)

Sivè averfamur, (2) Vultu in sinistram latus converso, manus extensas, & mediocriter elevatas, in oppositam partem conicientes, rem odiosam repellimus.

Sivè iuramus, manum dexteram attollimus. (3)

In Pœnitentia, vel ira (1) compressa manus pectori admoveatur.

In Admiratione, manus modicè supinatas, palmis ad Populum converfis, pectori admoveamus, caputque leviter in dorsum reflectimus. (2)

Plura de manuum officiis, ac Gestibus, qui velit, adeat Quintilianum, Erasmmum, & alios, qui fu.

(1) Fab lib. 11. cap. 3. (2) Paul. Eccles. lib. 5. cap. 3. art. 5. (3) Casin. lib. 9. cap. 9.

fusiùs de hac re: interim aliquid de Pedibus.

In Exordio à medio rostri non discedat Orator. ità à magnis Viris factitatum vidimus. Probationem incipere poterit à latere sinistro; In reliqua autem Oratione huc, illuc curitare vitiosum est.

Pulsu pedum interdum utimur, cùm vehemens ira, vel dolor vel rei, aut alicuius Personæ contemptus indicatur: rarò tamen, modeste, & prudenter huiusmodi suppositio fiat Hæc breviter de quatuor Sacræ Rhetoricæ Partibus dixisse sufficiat.

FINIS.





I N D E X

ALPHABETICVS

*Cum Rerum, tùm Verborum, quæ in
Ecclesiastica Rhetorica
continentur.*

A

| | |
|--|-------|
| A Cclamatio, Græcis Epiphonema. pag. | 157. |
| Adagium, aliàs Parœmia, & Proverbium. | 52. |
| Adjuncta quæ dicantur. | 39. |
| Alia Personæ, alia Rei. | ibid. |
| Adiuncta Argumentorum Seminarium. | ibid. |
| Adjunctio Fig. | 141. |
| Adjuratio Fig. | 81. |
| Admiratio Fig. | 82. |
| Admonitio Fig. | 118. |
| Ænigma quid sit, & quot modis fiat. | 51. |
| Ænigma de Nomine Jesu. ibid de Anno. | ibid. |
| Affectuum tractatio. | 75. |
| Affectuum movendorum difficultas, & necessitas. | 75. |
| Affectibus movendis quomodo fiat Orator po- tens. | 76. |
| Affectus non excitantur clamoribus, sed rationi- bus. | 122. |

Alie-

- Allegoria**, quæ & Inversio, & diversiloquiū. 135.
 Ejus usus frequens in Sacris paginis. *ibid.*
 In Allegoria quid servandum, quid cavendū. 136.
Allegoricus sensus. 17.
Alliteratio. *vid.* **Annominatio**.
Ambitio definitur à D. Bernardo. 29.
Amicitia immortales, **Inimicitia** mortales esse debent. 143. 144.
Amoris erga Deum incitamenta. 77.
 Inexcusabilis est homo, si non Amat Deum.
 D. Aug. 78.
 Nec Infidelis excusabitur, si Deum non diligat. D. Bernar. 78.
Amplificatio quid. 65. Duplex est. 66.
 Amplificatio verborum quomodo fiat. 66.
 Amplificatio per Periphrasim. 66. Per Synonymiam. *ibid.*
 Amplificatio Rerum quadruplex. 67.
 Amplificatio per Congeriem. 67.
 Amplificatio à definitionibus conglobatis. 68.
 A Partium Congerie. *ibid.* à Causis agglomeratis. *ibid.* Ab Effectis congestis *ibid.* à Concomitantium, & consequentium frequentatione. 69. à Contrariorum conflictione. *ibid.* à Similitudinibus aggeratis. 70. Ab Exemplis coacervatis. *ibid.* Ab Adjunctis, seu Circumstantiis. *ibid.*
 Amplificatio per Incrementum. 71. per Comparationem. *ibid.* per Ratiocinationem. 73.
 Amplificatio in Peroratione vehementior esse debet, quàm aliàs. 121.
 Amplificationis locus. 74.
 Amplificationis, & Argumentationis discrimen. 65.
Anacœnosis, Lat. Communicatio. 147.
Anadiplosis Fig. 139.
Anagogicus sensus. 17.
 Ana-

| | |
|---|-------|
| Anaphora, Lat. Repetitio. | 138. |
| Anima Thesaurus. | 25. |
| Animi dotes Oratori necessitæ. | 5. |
| Annominatio, Græc. Paronomasia. | 142. |
| Antecedentia quid sint, & quomodo discrepent ab Adiunctis. | 40. |
| Antimetabole, seu Metabole, Lat. Commu- tatio. | 144. |
| Antisagoge, Lat. Compensatio. | 119. |
| Antithesis, Lat. Contrapositum, seu conten- tio. | 143. |
| D. Antonii habitatio describitur à D Hieron. | 117. |
| Antonomasia, Lat. Pronominatio. | 134. |
| Apollinis Oraculum. | 95. |
| Apologus quid sit. | 52. |
| In eo quid cavendum. | 53. |
| Apophasis, Lat. Prætermissio, seu Præteritio. | 149. |
| Apophtegma quid. | 53. |
| Apophtegmatum Scriptores. | 24. |
| Aposiopesis Lat. Reticentia, vel Interruptio. | 160. |
| Apostrophe Fig. | 150. |
| Apostrophe terminus Orationis. | 122. |
| Àptè dicere quid sit. | 162. |
| Argumentatio quid. | 54. |
| Argumentatio aliud, quàm Argumentum. | ibid. |
| Argumentationes Rhetoricæ secùs tractandæ, ac dialectici suas. | ibid. |
| Argumentationis duo præcipua genera. | ibid. |
| Argumentationis variandæ lex, & modi. | 63. |
| Argumentationum dispositio. | 112. |
| Argumentorum ordo. | 111. |
| Ars quid sit, & quid præstet. | 5. |
| Ars exercitio perficitur. | 6. |
| Asyndeton, Lat. Dissolutio. | 141. |
| Attentio quomodo excitetur. | 88. |
| In Exordio minimè necessaria. | ibid. |
| Avari species per Hypotyposim depingitur à D. Chrysoſt. | 151. |

Auditoris tùm conditioni, tùm captui sermo est
accommodandus. 163.

Aures optimæ magistræ. 130.

B

AD Benedicendum quinque necessaria. 1.

Benevolentia quomodò capteretur. 87.

Benevolentia capteandæ rarò Ecclesiæ contin-
git necessitas. 88.

Brachia in Actione cuiusmodi esse deceat. 175.

Brevitas Exordii unde commensuranda. 103.

C

C Apillorum fucus à Diabolo est D. Bernard.
pag. 142.

Capitis gestus. 174.

Catachresis Trop. 135.

Causa quid, & quotuplex. 41.

Causarum Genera, in quibus versatur Ecclesia-
stes, tria sunt. 164.

Chronographia. 117.

Circumstantia, vid. Adiuncta.

Climax, Lat. Gradatio. 140.

Cogitationum multiplex varietas à D. Bernardo
describitur. 146.

Collectorum nomina. 23.

Comminatio Fig. 158.

Commiseratio quid. 102.

Communicatio, Græc. Anacœnosis. 147.

Commutatio, Græc. Antimetabole, scû Metabo-
le. 144.

Compar, Græcis Isocolon. 143.

Comparatio quid sit. 41.

Comparatio, & Similitudo differunt. ibid.

Comparatio tripliciter fit. 44.

Com-

| | |
|--|-------|
| Comparatio Fig. Sententiarum. | 154. |
| Complexio, Græc. Symploce. | 138. |
| Compositio Elocutionis pars. | 127. |
| Concessio, Græcis Paromologia. | 148. |
| Conciliorum Sacrorum usus. | 47. |
| Concio Evangelica nil oleat profanz Orationis. | 48. |
| Concionis partibus singulis debet Stylus accommodari. | 167. |
| Confirmatio quid, & unde fiat. | 111. |
| Confirmatio essentialis Orationis pars. | 87. |
| Confutatio in Confirmatione includitur. | 86. |
| Confutatio Confirmationis pars est, seu species. | 118. |
| Eius locus. | ibid. |
| Quomodo ad Sacram Orationē pertineat. | ibid. |
| Confutandi plures modi. | ibid. |
| Congeries Fig. Græcè Sinathrosmus. | 146. |
| Coniugata quæ dicantur. | 31. |
| Conquestio Fig. | 158. |
| Conscientia mille testes. | 52. |
| Consequentia quæ dicantur, & quomodo ab Adjunctis distinguantur. | 40. |
| Consuetudo peccandi necessitatem inducit D. Aug. | 141. |
| Contradicentia quid. | 38. |
| Contrapositum, seu Contentio, Græc. Antithesis. | 143. |
| Contraria quid. | 37. |
| Conversio, Græc. Epiphora. | 138. |
| Corporis dotes oratori necessariae. | 9. |
| Correctio Fig. Verborum. | 144. |
| Sententiarum. | 149. |

* *
*

D

| | |
|---|--------|
| D æmonis horrida imago depingitur. | 160. |
| Decreta summorum Pontificum. | 47. |
| Definitio quid. | 28. |
| Definitionis Oratorix plures modi. | ibid. |
| Definitio Fig. | 145. |
| Delectare jucunditatis est. | 3. |
| Delectando quænam idonea. | ibid. |
| Deliberativum Genus quo stylo jam gaudeat. | 167. |
| Demonstrativo Generi quænam stylus debeatur. | ibid. |
| Deo primum, mox Arti innitendum. | 4. |
| Deprecatio, quæ & Obsecratio, & Obtestatio. | 158. |
| Descriptio quid. 116. Ejus species. | ibid. |
| Deus per negationem describitur à Maximo Tyrio. | 29. |
| Deus melius scitur nesciendo D. Aug. | 53. |
| Deus in homine vel diligitur, vel oditur. D. Chrysofost. | 79. |
| Deus primaria Sacre Eloquentiæ causa. | 4. |
| Diabolum inhonestos hominum sumptus Christo exprobrantem inducit D. Cypr. | 154. |
| Dialogismus, & Dialogus. | 152. |
| Didascalicum Genus quem sibi stylum desideret. | 167. |
| Dignitas Elocutionis pars. | 130. |
| Digressio quid sit, quidvè præstet. | 115. |
| Digressio duo sibi postulat, judicium, & modum. | 115. |
| Ad Digressionem quænam pertineant. | ibid. |
| Quibus formulis ad rem, unde digressi sumus, regredi liceat. | ibid. |
| Dilemma Syllogismus bicornis. | 60. |
| Dispositio quid sit. | 84. |
| | Dispo- |

| | |
|---|-------|
| Dispositio duplex Naturalis, Artificialis. | ibid. |
| Dispositio partium Orationis. | 85. |
| Dispositio eorum, quibus singulæ partes con- struntur. | 85. |
| Diffimilitudo quid sit. | 37. |
| A similitudine quomodo differat. | ibid. |
| Dissolutio, Græcis Asyndeton. | 141. |
| Distributio, seu Partitio Fig. | 146. |
| Divisio Propositionis quare necessaria. | 18. |
| Quot modis fiat. | ibid. |
| Divisionis Virtutes 20. Vitia 21. | |
| Divites à Stoicis qui putabantur. | 108. |
| Divitiis quomodo utendum. D. Cypr. | 148. |
| Docere necessitatis est. | 3. |
| Quomodo Orator doceat. | ibid. |
| Docilitas quomodo paratur. | 88. |
| Maximè necessaria. | ibid. |
| Dotes Animi Oratori necessariae. | 5. |
| Dotes Corporis Oratori necessariae. | ibid. |
| Dubitatio, vel Addubitatio, Fig. | 157. |

E

| | |
|--|----------------|
| E Brietas à D. Ambros. describitur. | 292. |
| Ecclesiasta pugnare debet, non ludere. | 124. |
| Ecclesiastam esse eruditum decet. | 48. |
| Effecta quid sint, & eorum genera quatuor. | 42. |
| Elegantia Elocutionis pars. | 126. |
| Elocutio quid sit. | 125. |
| Elocutio cæteris Eloquentiæ partibus diffi- cilior. | 123. |
| Errores in Elocutione. | 123. 124. 125. |
| Elocutionem tria faciunt. | 125. |
| Eloquens vix ullus. | 123. |
| Eloquentia Regina flexanima. | 75. |
| Eloquentia triplex, Divina, Heroica, Humana. | 1. |
| Ad Sacram Eloquentiam parandam quinque | |

| | |
|--|-----------|
| necessaria, | 4. |
| Emblema quid sit, & in quo discrepet ab Enig- mate. | 51. |
| Emblematum Scriptores. | 24. |
| Emphasis. 102. Ejus species duæ. | 50. |
| Enthymema Syllogismus imperfectus. | 58. |
| Enumeratio partium quid sit. | 31. |
| A partibus ad totum tripliciter arguimus. ibid. | |
| Epanalepsis Fig. | 139. |
| Epicherema diversimodè usurpatur. | 60. |
| Epilogus idem, ac Enumeratio, & Recapitu- latio. | 120. |
| Epilogus quando adhibendus, & quo lo- co. | 120. 121. |
| Epiphonema, Lat. Acclamatio. | 157. |
| Epiphora, Lat. Conversio. | 138. |
| Epizeuxis Fig. | 139. |
| Ethopœia quid, 152. Quomodò construa- tur. | 153. |
| Eymologia, vid. Notatio. | |
| Evangelii Expositores præcipui. | 23. |
| Evangelistarum sensus, & verba sedulò conside- randa. | 22. |
| Evangelium totum ad unicam propositionem re- digendi plures modi. | 14. |
| Exclamatio Fig. | 156. |
| Execratio Fig. | 158. |
| Exemplum quid | 36. |
| Exemplorum usus triplex. | ibid. |
| Exemplum Inductio imperfecta. | 62. |
| Exempli, & Inductionis discrimen. | ibid. |
| Exercitationis necessitas, atque utilitas. | 6. |
| Exordium quid | 87. |
| Exordii tria munera. | ibid. |
| Exordiorum plura genera. | 88. |
| Exordium ab Expositione 82. à Visceribus causæ 92. ex Abundanti. 93. Ab Exemplis 94. Ab Opi- | |

| | |
|--|------|
| Opinione 95. à Contrario 97. ab Adiunctis | |
| 99. ex Abrupto | 101. |
| Exordii vicia, & Virtutes. | 103. |
| Exordia in Judiciali, & Deliberativo Genere gra- | |
| via esse oportet. | 103. |
| Exordium secundarium idē, ac Introductio. | 104. |
| Expositio quid sit. | 61. |
| Expositio Evangelicæ Historiæ bifariam fit in | |
| Exordio. | 90. |
| Extenuatio Amplificationis species. | 75. |
| Ab Amplificatione quomodo discrepet. ibid. | |

F

| | |
|--|-----------|
| Fabularum frequens usus damnatur. | 124. |
| Figura, Græc. Schema, quid sit. | 135. |
| Figuræ vel in Verbis, vel in Sententiis. | 137. |
| Figuræ Verborum quid, & quot modis fiant. | 137. |
| Figuræ sententiarum quid, | 145. |
| Figuræ sententiarum ad dicendum, docendum- | |
| que pertinentes. | ibid. |
| Figuræ amplificando idoneæ. | 74. |
| Figuræ extenuationi perutiles. | 75. |
| Figuræ ad delectandum aptæ. | 150. |
| Figuræ movendis animis accommodæ. | 154. |
| Figuræ Affectibus sciendis aptiores. | 81. |
| Figuræ ad narrationem opportuna. | 111. |
| Figuræ confutationi-congruentes. | 119. |
| Figurarum, & Troporum discrimen. | 136. 137. |
| Finis Ecclesiastici Oratoris duplex. | 2. |
| Flectere est Victoriz. | 3. |
| Frontis habitus. | 174. |
| Fucos muliebres, & pigmenta execratur | |
| D. Cypr. | 165. |

G

| | |
|--|-------|
| G enus quid sit. | 33. |
| Genus ad probandam speciem non semper validum. | 33. |
| Uſus Generis ad ſpeciem. | ibid. |
| Gestus Oratoris qualis eſſe debeat. | 173. |
| Gloria virtutis umbra. Cic. | 35. |
| Gradatio Fig. Græc. Climax. | 140. |

H

| | |
|---|------|
| H ieroglyphica quid. | 50. |
| Hieruſalem quatuor ſignificat. | 17. |
| Historia quid. | 48. |
| Historiarum, & Exemplorum Scriptores. | 23. |
| Historiæ Sacræ Exempla, & Miracula quænam eligenda. | 46. |
| In Historiarum uſu quid ſervandum, quid cavendum. | 49. |
| Hiulca Oratio quæ dicatur. | 127. |
| Hominem Seneca deſcribit. | 116. |
| Hominis fragilitas, & facilitas ad peccandum à D. Ambroſ. deploratur. | 68. |
| Hominum familiaritas devotis Virginibus prohibetur à D. Ambroſ. | 155. |
| Homœoptoton, Lat. Similiter cadens. | 142. |
| Homœoteleuton, Lat. Similiter deſinens. | 142. |
| Humanæ vitæ incommoda, & miſeriæ. | 69. |
| Humerorum geſtus. | 175. |
| Humilitas ſiſta deſcribitur à D. Hieron. | 116. |
| Hypallage vid. Metonymia. | |
| Hyperbole. | 135. |
| Hypomone, Lat. Sufſtentatio. | 148. |
| Hypotheſis quid. | 11. |
| Hypotheſis quomodo revocetur ad Theſim. ibi. | |
| Hypotypoſis. | 150. |
| | Ido. |

I

| | |
|--|---------|
| I Dolopœia. | 153. |
| Imitandi modus triplex. | 8. |
| Imitationis consideratio. | 7. |
| Increpatio, vel Obiurgatio. | 159. |
| Inductio quid. | 36. 57. |
| Familiarissima Oratori. | 57. |
| Differt ab Exemplo, & Parabola. | 36. |
| Inopinatum Fig. vid. Sufcitatio. | |
| Interpretatio Fig. | 146. |
| Interrogatio Fig. | 154. |
| Interruptio, seu Reticentia, Græc. Apostrophe. | 160. |
| Introductio quid sit. | 104. |
| Introductio vice fungitur Narrationis. | 86. |
| Introductio non est desumenda eodem ex fonte, unde petendum est Exordium. | 108. |
| Introductionis finis, & manus. | 86. |
| Introductionis conditiones. 104. Fontes. | 105. |
| Inventio quid. | 12. |
| Ironia. | 133. |
| Isagoge idem, ac Introductio. | 104. |
| Isocolon, Lat. Compar. | 143. |
| Judicii metum concitando motiva idonea. | 80. |
| Junctura Compositionis. | 127. |

L

| | |
|--|-------|
| L. Ibrorum copia Tyronibus perniciofa. | 7. |
| Licentia, seu Libertas, Græc. Parrhesia. | 159. |
| Literalis Scripturarum sensus. | 17. |
| Loci communes quid. | 26. |
| Loci intrinseci qui dicantur. | 27. |
| Loci Intrinseci sexdecim. | ibid. |
| Loci Extrinseci, sive Assumpti. | 44. |

M

| | |
|---|-----------|
| M Achabzorum Matris constantia per Hypotyposim depingitur à D. Greg. | 151. |
| Magna granditer dicere Oratorem decet. | 167. |
| Manus potissimæ in Actione. | 175. |
| Manuum gestus. | 175. 176. |
| Materia Sacræ Rhetorices quæ. | 10. |
| Memoria Oratoriis legibus non subicitur. | 12. |
| Mercator bonus ex Evangelio quinam sit. | 15. |
| Metaphoræ consideratio. | 130. |
| Metonymiæ consideratio. | 131. |
| Modica temperatè dicenda sunt. | 167. |
| Monosyllaba, seu productiora verba sententiam sæpè non terminent. | 130. |
| Monotonia quid. | 171. |
| Mundi contemptum excitando quæ fiat. | 80. |
| Mysticus Scripturarum sensus. | 27. |

N

| | |
|--|-------|
| N Arratio quid sit. | 109. |
| Narrationis species duæ. | ibid. |
| Quæ Narratio Deliberativo generi conveniat. | ibid. |
| Narrationis virtutes quatuor. | ibid. |
| Narrationi aliquid potius supersit, quam desit. | 110. |
| Natura quid, & Oratori quid conferat. | ibid. |
| Natura si desit, Arte parum ages. | ibid. |
| Notatio, grec. Etymologia. | 30. |
| Argumentum à Notatione debite ad persuadendum, efficax ad delectandum. | 31. |
| Numerus Oratorius quid. | 129. |
| Numerus in Oratione versum non efficiat. | ibid. |
| Numerorum nimia cura in Ecclesiasta improbat. | 129. |

Obscu-

O

| | |
|---|-----------|
| O bscuritas refellitur. | 125. |
| Occupatio, aliàs Præsumptio, græc. Pro- leptis. | 147. |
| Oculorum gestus. | 174. |
| Oculus Janua peccati. | 25. |
| Offensa commensuratur ab offenso. D.Tho. | 26. |
| Officium Sacri Oratoris quid. | 2. |
| Onomatopœia. | 135. |
| Oppositorum quatuor genera. | 37. |
| Optatio Fig. | 158. |
| Oratio crescat, non decreseat. | 127. |
| In Diminutione excrescat, non insurgat. ibid. | |
| Orationis partes quinque. | 85. |
| Orationis partes essentielles quænam sint, quæ vè ascititiæ. | 87. |
| Orationis ad Deû vis, & effecta ex D.Bonav. | 138. |
| Oratoré dicentem quid decet, quid nō. | 162. 163. |
| Oratorem etiam imperitum audire juvat. | 8. |
| Ordinis decor, vis, & necessitas. | 83. |
| Ordo compositionis. | 127. |

P

| | |
|---|---------|
| P arabola quid sit. | 35. 52. |
| Parabola in Evangelio quid. | 35. |
| Parabolæ, & Apologi discrimen. | 35. |
| Parabolæ, & Historiæ differentia. | 52. |
| Paradoxum quid. | 107. |
| Patæmia, vid. Parabola. | |
| Paromologia, Lat. Concessio. | 148. |
| Paronomasia, Lat. Anominatio. | 142. |
| Parrhesia, Lat. Licentia, seu libertas. | 159. |
| Partitio Fig. vid. Distributio. | |
| Parva submissè dicenda sunt. | 167. |
| Parva si negligantur, proruetur in maxima | |
| D.Greg. 25. | Passo. |

| | |
|--|-----------|
| Pastoris munera, qualitates, & effecta. | 20. |
| Patientiæ fructus à D. Greg. per similitudines ostenditur. | 16. |
| Patientiæ Bona D. Cypr. enumerat. | ibid. |
| Pauperes sumus omnes, & Divinæ gratiæ indigi. D. Greg. | 100. |
| Pax à D. Chrysol. describitur. | 68. |
| Peccati odium, & dolor quomodo excitetur. | 79. |
| Pedum gestus. | 177. |
| Periodi consideratio. | 128. |
| Periphrasis quid. | 66. |
| Peroratio extremus Oratoris actus. | 119. |
| Perorationis partes tres. | ibid. |
| Perspicuus quomodo erit sermo. | 126. |
| Persuasio tribus perficitur. | 3. |
| Pes idem sæpè non inchoet, claudatque sententiam. | 129. 130. |
| Polyptoton, Lat. Transductio. | 140. |
| Polyfyndeton. | 140. |
| Prædicatum Propositionis. | 22. |
| Præsumptio, sive Occupatio. | 147. |
| Prætermissio, seu Præteritio, Græc. Apophasis. | 149. |
| Privativa quid. | 38. |
| Prolepsis, Lat. Occupatio. | 147. |
| Pronominatio, Græc. Anthonomasia. | 134. |
| Pronunciatio quid sit. | 169. |
| Ejus in dicendo vis maxima, & necessitas. | ibid. |
| Pronunciationis partes duæ. | ibid. |
| Propositio essentialis Orationis pars. | 87. |
| In Propositionis electu plura animadvertenda. | 13. |
| Propositionis ab Evangelio ducendæ plures modi. | 14. |
| Prosopographia. | 116. |
| Prosopopœia, | 153. |
| Proverbium, vid. Parabola. | |
| Proximi dilectio quibus motiis excitetur. | 78. |

Deus in Proximo vel diligitur, vel oditur.

D. Chrysoſt.

79.

Puritas Sermonis in quo conſiſtat.

126.

Puritati Sermonis quid adverſatur.

ibid.

Q

Quæſtio idem, ac Propoſitum, Thema, Argumentum.

10.

R

Ratiocinatio, Lat. Syllogiſmus.

55.

Relata quæ dicantur.

38.

Repetitio, Græc. Anaphora.

138.

Repugnantia quid ſint.

40.

Repugnantium, Contrariorum, & Diſſimilium diſcrimen.

ibid.

Reſurrexio mortuorum per ſimilitudines confirmatur à Tertulliano.

57.

Reticentia, vel Interruptio, Græc. Apoſiopēſis.

160.

Rhetorica dicendi prudentia.

162.

Rhetoricæ Eccleſiaſticæ definitio.

2.

Rhetoricæ partes quinque.

12.

Rhythmus Oratorius, vid. Numerus.

Romanorum inſtitutum.

108.

S

Schema, Lat. Figura.

136.

Scriptura Sacra primas tenet inter locos extrinſecos.

22.

S. Scripturæ laus ex D. Paulo, Chryſoſt.

& Aug.

45. 46.

S. Scripturæ uſus.

46.

Scripturarum ſenſus duplex.

17.

Scripturarum Interpretes.

22.

R

Sen.

| | |
|--|-------|
| <i>Sententia</i> quid sit. | 53. |
| <i>Sententia</i> , & <i>Apophthegma</i> differunt. | 53. |
| <i>Sententia</i> Veterum quomodo tractandæ. | 49. |
| <i>Sermo</i> variè pro conditione dicentis erit effor- mandus. | 162. |
| <i>Sermocinatio</i> Fig. | 152. |
| <i>Similitercadens</i> , Græc. <i>Homæoptoton</i> . | 142. |
| <i>Similiterdefinens</i> , Græc. <i>Homæoteleuton</i> . | 142. |
| <i>Similitercadens</i> , & <i>Similiterdefinens</i> quomodo differant. | 143. |
| <i>Similitudo</i> quid sit. | 34. |
| <i>Similitudinis</i> usus frequentissimus in Sacris lite- ris. | 35. |
| Ad rationem <i>Similitudinis</i> quid sufficiat. | 34. |
| <i>Similitudinis</i> effecta. 35. <i>Species</i> . | ibid. |
| <i>Sorites</i> quid. | 59. |
| <i>Species</i> quid sit. | 33. |
| A <i>Specie</i> ad <i>Genus</i> negativè argui non semper licet, | 34. |
| <i>Spem</i> divinæ <i>Misericordiæ</i> quænam excitent. | 79. |
| <i>Spiritus Sancti</i> virtute intus non operante, Ora- toris verba foris incassum sonant. D. Greg. | 4. |
| <i>Stylus</i> dicendi triplex. | 164. |
| <i>Stylus</i> diversimodè pro diversitate Personarum, Rerum, & Circumstantiarum efformandus erit. | 162. |
| <i>Stylus</i> pro diverso Oratoris munere varian- dus. | 167. |
| <i>Subiectio</i> Argumentationis species. | 61. |
| <i>Subiectio</i> Fig. | 155. |
| <i>Subiectum</i> Propositionis. | 22. |
| <i>Superciliorum</i> gestus. | 174. |
| <i>Superstitio</i> Ægyptiorum ridenda. | 133. |
| <i>Supplicium</i> Dei de Peccatoribus iustum fore probat. D. Cypr. à similitudine servi delinquentis. | 72. |
| <i>Sustentatio</i> Fig. Græcis <i>Hypomone</i> . | 148. |
| <i>Syllaba</i> ultima dictionis præcedentis non sit pri- ma | |

| | |
|---|--------------|
| ma verbi sequentis. | 127. |
| Syllogismus, Lat. Ratiocinatio. | 55. |
| Sylva Oratoria generalis quomodo paretur. | 24. |
| Sylva Oratoria specialis quomodo fiat, | 21. |
| Symbola qui nobis sufficiant. | 24. |
| Symbolum quid, & quotuplex. | 50. |
| Symploce, Lat. Complexio. | 138. |
| Synathroesmus, Lat. Congeries. | 146. |
| Synecdoche Trop. | 132. |
| Synecdoche Fig. quæ & Ellipsis. | 141. |
| Synœciosis, Lat. Commixtio. | ibid. |
| Synonymia. | 30. 66. 140. |

T

| | |
|--|-------|
| T Estimonium Divinum. 45. Humanum. | 48. |
| S. S. P. P. Testimonia quænam assumenda. | 47. |
| Textus variaz lectiones observandæ. | 22. |
| Thema idem ac Propositum, Quæstio, Argumentum. | 10. |
| Thesis quid. | ibid. |
| Thesis facile deducitur ad Hypothesin. | 11. |
| Diutius in Thesi non est immorandum. | ibid. |
| Topographia. | 117. |
| Traditio quid sit. | 47. |
| Transductio, Græc. Polypoton. | 140. |
| Transitio quid sit. | 112. |
| Quibus formis de uno ad aliud Argumentum transire liceat. 112. Ab Introductione ad Divisionem. 113. De Puncto ad Punctum. 114. | |
| De Confirmatione ad Confutationem. | ibid. |
| Tribulationis fructus pluribus ex locis probatur. | 22. |
| Tropologicus sensus. | 17. |
| Tropus quid sit. 130. Troporum numerus. | ibid. |
| Truncus Corporis in Concione. | 173. |

V

- V** Anus cultus mulierum juvenibus lethalis .
 D Cypr. 67.
Velamen mulieris suprà caput signum potestatis
 viri in mulierem . 132.
Verborum brevium, & longorum vitanda est
 continuitas. 127.
Virga oculata Jeremix ostensa. 50.
Vitiis Juvenum initio est occurrendum. 70.
Vocis vitia. 170. 171.
Volumina Sacra omni Eloquentiz genere floren-
 tissima. 124.
Vox Oratoris qualis esse debeat. 170. 171.
 Quz Vox singulis Orationis partibus conve-
 niat. 172.
 Pro varietate rerum varianda Vox est. ibid.
 Pro Affectibus, & Figuris Vox immutetur. 173.
Vultus mutatio, 174.

F I N I S.



APPENDIX.

D E

*Nonnullis Orationum Generibus tùm,
in Oratoriis privatis, tùm in Spi-
ritualibus Exercitiis tempore
Missionum haberi solitis.*

PRÆLOCUTIO.

Post habitum de Ecclesiastica Rhetorica sermonem, non inutile, aut inane duximus de quibusdam Orationum generibus, quæ tempore Missionum fieri occurrunt, quæque in privatis Oratoriis, statis diebus, haberi solent, Tractatû subtexere; in quo formam sequimur, & methodum, à Sacerdotibus sæcularibus Congregationis sub titulo Puritatis Matris Dei (cui & nos citrà meritum adscripti sumus) in ejusmodi Orationibus adhiberi consuetam. Et quoniam scribimus ad Tyrones, ideò, ut nostri moris est, pauca, & breviter: prolixitas enim in docendo fastidium creat; perceptarum rerum memoriam distrahit, ac destruit; multitudinem verò præceptorum, ut benè D. Augustinus, magis obruitur mens, quàm adjuvetur.

De Meditationibus, sivè Orationibus Meditativis.

C A P U T I.

A Meditando hujusmodi Orationes sortitè sunt vocabulum; per has enim aliquam ex Evangelii, aut Fidei nostræ veritatibus; vel ex Sancto-
rum gestis unum aliquod dilucidè, familiariter, ac serà verborum pronuntiatione exponens O-
rator; locum cedit Auditori, ut, quod auribus
captat, mente percipiat, sedulò perpendat, & at-
tius figat in corde.

Duo sunt Genera ejusmodi Orationum; vel
enim probando rem proponimus consideran-
dam; vel ponderando. Singula distincto sermone
prosequemur.

De Meditationibus, quæ fiunt probando.

§. I.

O Rationes huiusce Generis sex habent par-
tes.

- 1 Procemium,
- 2 Animorum præparationem per Dei Præ-
sentiam,
- 3 Probationem,
- 4 Moralitatem,
- 5 Motionem doloris,
- 6 Praxim,

De

I *De Proœmio.*

Proœmium non sit nimis longum, sed potiùs breve.

Quot autem, quibusque modis fiat Proœmium, habetur jam copiosè satis expressum in 2. p. Rhet. cap. 1. per totam sect. 2. quare ne dicta iterum dicamus, illuc lectorem remissum facimus.

In calce Exordii apponenda est Propositio, seu Thema, in suas partes, vel puncta distributum; ut & Orator clariùs rem explicet, & Auditor meliùs retineat. Quomodò verò inveniendà, efformandà, & dividendà sit Propositio, jam diximus in 1. p. cap. 1. sect. 1. 2. 3. & 4.

2 *De Animorum Preparatione per Dei Præsentiam.*

IN hac 2. parte, ubi Deum præsentem, vel ut Judicem pro tribunali sedentem, vel ut Patrem ad veniam invitantem, vel aliquo alio sub conceptu à re tractanda nō alieno, ob Auditorum oculos posuimus, profunda cordis humilitate, ac devoto mentis affectu illius Maiestatem adorandam curemus. Inde revocabimus in memoriã Naturæ nostræ vilitatem, ac (ut ità dicam) nihilitatem, antea actæ vitæ crimina, peccatorum turpitudinem, & gravitatem, quarum causa coram Deo apparere demeremur. Et per hæc, aut alia ejusmodi, quæ in cap. 8. 1. Partis Rhet. sect. 2. de commovendo dolore proposuimus, Contritionis actum excitare conabimur.

Quòd si ex ipsiusmet rei, de qua habendus est sermo, visceribus motiva Contritionis eruantur, Oratoriæ Arti magis inhærebimus; Artis enim præceptum est, ut omnes partes Orationis cum-

eumdem scopum colliment.

Postremò ad Divinæ Gratiæ lumen invocandum Auditoribus hortatis, ut quod auribus auditur, mente percipiatur, interposita etiam ad id B. Virginis, aliorum Sanctorum, quos sibi quisque patronos constituit, & Angeli nostri Tutelaris intercessionem partem hanc obsignabimus.

3 De Probatione.

ANtequam ad Propositionis probationem deveniatur, si qua vel obscuritate, vel ambiguitate laboret Propositio, explananda est, & dilucidanda. Quod si ex aliqua suppositione dependeat brevialiqua ratione, vel S. Scripturæ, aut S. S. Patrum testimonio suppositum Propositionis erit consolidandum. E. G. Si de atrocitate ignis Inferni sermonem habueris; probandum prius est id, quod supponit Propositio, hoc est, esse ignem in Inferno ad immortalem Damnatorum pœnam. Verum tamen est quod in iis, quæ sunt de Fide, probatione non est opus; sed satis est tantum innuere, quòd sint de Fide.

Mox Propositionem probandam aggrediemur. Probatur autem Propositio argumentis desumptis à locis tùm insitis, tùm remotis, ut videre est in 1. p. Rhet. cap. 4. Sed cùm Orationes, de quibus loquimur, familiares sint; studeat Orator familiares habere locos à Similitudine, à Dissimilitudine, à Comparatione, à Contrariis, &c. Nec non verba S. Scripturæ, salvatoris nostri tùm dicta, tùm facta, Sententias S. S. Patrum, Exempla, Historias, &c.

Si Thema nostræ Orationis extractum sit ab Evangelio; diligenter videndum est, an ex contextu ipsiusmet Evangelii argumentum aliquod
erui

erui possit ad rem probandam ; pulchrum enim admodum est Evangelii Propositionem ejusdem Evangelii verbis confirmare .

Cum aliquod S. Scripturæ testimonium citamus, nequaquam sola eius interpretatione , quæ vulgari sermone fit, contenti simus ; quod multi faciunt, qui totidem verbis latina patrio sermone reddunt, sed danda est opera, ut aliquid in testimonio adducto observatione dignum ponderemus. Quod fit, quando vel emphasim, quæ in uno aliquo verbo latet, explicamus ; vel metaphoram aliquam excutimus: Interdum etiam sententiam, breviter comprehensam, dilataramus, aut amplificamus. Hæc Granatensis in sua Eccl. Rhet. l. 4. cap. 4.

Meminerit etiam Tyro ex Divinis Scripturis , & S. S. Patrum sententiis, eas eligere, à quibus uberiora, & efficaciora moralitatis argumenta deduci possint.

In enarrandis historiis , & exemplis, quæ rei confirmandæ inserviunt, ab Ovo usque ad mala, ut aliàs diximus, rem prosequi non oportet ; sed ea solummodò attingantur, quæ ad rem nostram faciunt, & ad facti notitiam necessaria sunt .

Gentilium Philosophorum , vel Poetarum sententiæ, si afferantur, numquam immisceantur Sacris ; sed vel præcedant , vel postponentur ; & cum postponi occurrerit , utamur hoc , aut simili transitionis genere: E. G. Sed quid est, quod Sacrorum Scriptorum testimonia ulterius addacere nitamur ; cum vel ipsi Infideles in mediis errorum tenebris degentes , veritatem hanc optimè perspexerint ? &c.

Nam quoad Ordinem, & dispositionem Argumentorum, necnon & transitionum genera , quibus ab uno argumento ad aliud, atque ex uno ad aliud punctum transgredi licet, videatur caput 5. & 6. 2. p. Rhet. Illud

Ihud tandem admonendus Concionator est, ut tam in hac parte, quàm in alia proximè sequenti, crebris interrogatiunculis Auditores urgere, & excitare non desinat quod à D. Joanne Chrysostomo, tractandorum animorum artifice peritissimo, factitatum legitur.

4 De Moralitate.

Moralitas sequitur ad Probationem Propositionis, imò & deducitur ab ipsamet Probatione: eadem enim motiva, quæ ad rei confirmationem adhibuimus, deserviunt ad Moralitatem, quin etiam ad excitationem affectuum.

Est autem Moralitas, qua mores hominum examinamus, utrum veritati à nobis probatæ, atque exaggeratæ respondeant, nec ne. Excurremus per ea vitia, quæ suprà assertæ veritati adversantur; vel per eas virtutes, quæ ad eandem veritatem se conformant. Monemus, arguimus, increpamus: In quo valent multum sequentes Figuræ: Conversio, Interrogatio, Emphasis, Licentia, Exclamatio, & aliæ id genus, de quibus in 3 p. Rhet.

In Moralitate tria hæc advertat Ecclesiasta.

Primum, ut in aliquo vitio obiurgando, ad unum solummodò personarum statum se non coarctet; sed per plures, si fieri potest, divagetur.

Secundum ita vitium arguat in communi, ut in ejusdem etiam species quandoque descendat. Caveat tamen, ne nimium ad particulare deveniat, & eas circumstantias attingat, quæ alicuius famam lædere possint; sic enim Verbum Dei redderetur odiosum.

Tertium denique ut rigor, & asperitas in obiurgando à Charitate moderamen capiat, & lenimen.

5 De Doloris Affectu excitando.

P Ravis Auditorum moribus correptis, eorumdemque vitiis exaggeratis, contritionis actum excitare studebimus; In quo illud sciendum, non clamoribus, ut alibi dictum est, & fragosa verborum congerie; sed rationibus, & gravioribus sententiis affectum commoveri; ideò curet Orator, antequam inventa disponat, sibi ad ultimum reservare, quæ ad excitandum dolorem efficaciora videbuntur. Quòd si iisdem motivis, quibus probata res est, uti velit ad concitandum doloris affectum; ea ex illis eligat, quæ majorem ad hoc vim habitura existimaverit. Sententias S. S. Patrum si adhibeat, sint breves, & aculeatæ. Exemplum aliquod si adducat, summam rei paucis exponat; festinetque ad id se restringere, quod movendis animis conducit. Cætera ad Affectus ciendos pertinentia videantur in 1. p. Rhet. cap. 8.

6 De Praxi.

V Ltima Pars Orationis Meditativæ est Praxis. Ea verò est, qua Orator viam aperit, & modum docet, quo virtus, ad quam adhortatus est, sit assequenda; vitium, à quo deterruit, sit fugiendum; Secus, ut ait Granatensis, esset lucernam emungere, nec tamen oleum, quo ali, & sustentari possit, infundere.

Postquam igitur ad Eleemosynæ studium, E. G. Auditorem accendisti; da breviter modum, quo Eleemosyna utiliter sit facienda: Ut scilicet liberaliter. Nam *qui parvè seminat, parvè & metet.* Ut hilariter; *Hilarem enim datorem diligit Deus.* Ut occultè juxta illud Salvatoris, & Præceptoris nostri: *Nesciat sinistra tua, quid faciat dextera tua.*

Sed antequam ad Praxim deveniatur, Propositio-

tio-

tionis nostræ Veritas iterum in memoriam Auditorum revocanda est, & aliqua alia ratione, vel testimonio, si lubet, confirmanda, ut admoniti prius quid amplectendum, quid fugiendum sit, ediscant inde, quomodo præstare id valeant.

Hæc Praxis non ita distincta à cæteris aliis partibus jubetur, ut in aliqua ex illis inferi quandoque non possit; potest siquidem in ipsa Affectuum motione immisceri. V. G. Cùm Actû doloris in Audientium cordibus excitasti, ubi de Vicio fugiendo, vel Virtute amplectenda propositum insinuas, modum etiam inferre adhibendum, ut adimpleri possit, quod proponitur. Hoc autem tùm præcipuè faciendum est, cùm vel tempus ad hanc sextam Partem distinctè prosequendam non suppetit, vel lassos ab audiendo Auditores prudens Orator agnoverit.

De Meditationibus, quæ fiunt ponderando.

§. I I.

Meditationes ad id genus pertinentes, non elaborant primo loco Auditoris iudicium convincere, ut inde moveatur voluntas, excitentur Affectus; sed per has Orator diversas alicuius Mysterii, vel Sacræ Historiæ veritates ponderans, & in singulis aliquantulum immorans, varias animi motiones excitare satagit. Fiunt ergo hoc modo:

Primùm adhibe Proœmium; sed Proœmium in hoc genere debet aliquantò latius se extendere, quàm cætera Exordia. Cùm enim tot in hac specie Meditationis sint propositiones, quot veritates ponderandæ assumuntur, debet Exordium ita latè patere, ut ad omnia consideranda respiciat,

ciat, & singulis quoquo modo conveniat, Itaque quod in reliquis Exordiis vitiosum est, si sine communia, ita ut pluribus Orationibus, & argumentis aptari queant, in hujusmodi Exordio ars est, & virtus, à pluribus, & diversis propositionibus non dissentire.

Hoc Exordium desumi potest.

Vel à laude Sacræ Scripturæ.

Vel ab utilitate, qua plurimum ex ejus factis audiendis, & mysteriis ponderandis afficimur:

Vel ab attentione, quam talis Mysterii, vel Historiæ enarrandæ dignitas postulat.

Vel à circumstantiis, sive Personæ tùm dicentis, tùm audientis, sive loci, sive temporis, &c. ut in 2. p Rhet cap 1. sect 2. Art 7. adnotavimus.

Vel demum ab aliis fontibus, & argumentis, quæ solerti Oratori videbuntur consentanea.

Post Exordium Mysterium, vel Historiam enarrandam aggredimur, & pedetentim in ejus expositione procedentes, ea loca gradatim tangimus, quæ ponderatione digna sunt: in his singulis immoremur paululum, veritatem examnantes, discutientes, ponderantes. Utemur aliqua brevi amplificatiuncula: descendatur ad moralitatem, quæ sit etiam brevis: & interim per aliquam Figuram, ad permovendos animos idoneam, eos affectus excitare curemus; qui ad rem pertinere videbuntur.

Vide hîc tamen, ne plura loca, quàm tria, vel ad summum quatuor, ponderanda suscipias; vix enim per angustiam temporis licuerit paucissima de singulis dicere, & ad excitandos affectus, quod præcipuè quærendum est in hujusmodi Meditationibus, aliquid proficere.

Curandum pariter, ut ea loca seligantur, quæ ad majorem Audientium profectum, & utilitatem valent; quæque ad mores componendos, &

vitiâ exstirpanda præ cæteris juvant.

Meditationem claudat Praxis; ea verò sit ad omnes commemoratas virtutes, vel ad earum aliquam præcipuam, animos excitate, impellere, inflammare; à contrariis autem vitiis detertere.

De Sermonibus.

C A P U T I I.

MEthodum, quâ familiares Sermones aptè construï possint, adiicimus, ne vel in hoc genere Artis documenta desiderentur.

Familiaris Sermo sex partibus contexitur, nempe Introductione, Propositione, Probatione, Moralitate, Affectuum motione, & Praxi.

De Introductione.

PROCæmio non utimur in Sermonibus; sed brevi Introductione, de qua consulendum est cap. 3. 2. Partis Ecclesiasticæ Rhetoricæ; ubi tum de Introductionis essentia, tum de locis, ac fontibus, unde erui potest Introductio, non insufficienti sermone actum est: Quare ne Gramben recoquamus ad tædium, dicta hîc iterum dicere prætermittimus.

De Propositionis Probatione.

AD probandam Propositionem iis præcipuè locis utamur, quæ innuimus suprâ cap. 1. §. 1. num. 3. hoc est, Verbis S. Scripturæ, Salvatoris nostri tum factis, tum effatis, sententiis S. S. Patrum, exemplis, comparationibus, similitudinibus, &c. hæc enim omnia in familiariter dicendi genus magis quadrant: ideoque familiaribus sermonibus

bus congruunt magis. In reliquis attendantur, quæ ibidem adnotata reliquimus.

De Moralitate, Affectuum motione, & Praxi.

Moralitas sit brevis, nec multa cum animi contentione, seu verbis admodum concitatis in arguendo, vel objurgando vitia, virtuti propositæ adversantia, fiat sed sit mitis, lenis, & officiosa; quæque potius de suis Auditores vitiis commoneat, quàm increpet. Exclamationes non sint acres, & asperæ; & inter Figuras adhibendas tam in moribus recensendis, quàm in Affectibus excitandis, familiares habeantur Admiratio, Conversio, Obsecratio, Optatio, Commiseratio, &c.

Quoad Affectus verò, præter amorem, & desiderium virtutis amplectendæ, odium, & fugam vitii declinandi, alios animi motus excitare non est moris in hoc genere Orationis.

Praxis, hoc est ratio, & modus, qui ad virtutem assequendam, vitium evitandum, adhibendus sit, insinuetur in ipso Proposito, ut diximus cap. I. §. 1. num. 6.

De quibusdam Oratiunculis ad varios Animi Affectus commovendos, Italico Sermone (Sentimenti) nuncupatis.

C A P U T I I I.

Moris est apud pios Missionarios, ubi locum aliquem devenere pro Missionis agenda, pla-

teas, & loca publica excurrere, prævia Christi Cruce affixi imaginē, & nonnullis Conciunculis Missionem indicere, hortarique omnes, ut Christi Crucis pedissequi, templum incant ad Convocationem audiendam.

Solent etiam noctu Urbem sive Oppidum per-vagari, & fervidis Oratiunculis terrorem in animos peccatorum incutere, dolorem de peccatis excitare, cum proposito de vita in meliorem frugem corrigenda.

Rursus, post habitam in Ecclesia Concionem, fieri assolet Disciplina, quæ ut fervidior, ac fructuosior evadat; Oratoris est, brevi efficaciam verborum contextu corda succendere, & doloris stimulos pectoribus infligere.

Tandem pro conciliandis eorum animis, qui gravi simultate, lethalique inter se odio dissident, mos est Missionariis brevem Orationem ultimæ Concioni subtexere, qua nedum inimicitias ponere; verum & ad publica pacis signa, mutuosque amplexus venire eos cogant.

De his omnibus Orationibus sermonem habebimus: sed antequam singulas attingamus, nonnulla præmittere oportet, quæ singulis communia sunt, & necessaria, ea verò sunt:

MATERIA, FORMA, FINIS.

MATERIA, sive Argumentum, tam earum Orationum, quæ fiunt interdum ad indicendam Missionem, & convocandum Populum. quàm earum, quæ fiunt noctu ad terrorem, & dolorem de peccatis excitandum, sunt quædam cantunculae, ad id præviò cantari solitæ; vel aliqua ex Catholicæ Fidei Veritatibus: Earum verò, quæ fiunt pro inflammendis animis ad Disciplinam, vel est aliquis ex versiculis Psalmi Miserere, vel eruitur ex versibus ipsius Concionis, paulò ante habitæ ad Populum. Quæ autem fiunt pro concilianda pace,

ha-

habent pro materia idem argumentum, quod in ultima Concione assumptum est.

Cujuscumque Generis sit materia, sedulò curandum, ut in hac totus sermo noster versetur, nec extrà fines argumenti divagetur Oratio. E.G. si Rigorem Christi Judicis Cantiuncula, seu versiculus Psalmi innuat, vel de eodem in suprema Concione actum sit; ab hoc quidquid dixerimus alienum esse non debet.

Forma est modus ipse, quo materiam, sive argumentum exponimus, dilatamus, exaggeramus, &c. ut inferiùs patebit.

Finis autem est id, ad quod intenditur, sive sit id Missionem annunciare, & Populum ad Ecclesiam cogere, sive metum, & dolorem de peccatis noctu excitare, sive ad disciplinam animos succendere, vel pacem conciliare; & in hoc studendum est, ut omnia dicenda ad finem propositum collineant. Nunc de singulis præfatarum Orationum generibus quatuor sequentibus Paragraphis agemus.

De iis Orationibus, quæ sunt ad indicendam Missionem, & Populum ad Ecclesiam cogendû.

§. I.

Hæ Conciunculæ aliquantò cæteris prolixiores fieri debent. Quoad structuram verò, seu formam hæc observentur.

Primum breviter Cantiunculæ summam, & argumentum propone: quod feceris vel Exclamando, vel Arguendo, vel Commiserando, vel Interrogando, vel per aliquam aliam figuram. V.G. sit hæc Cantiuncula:

§ 3

Tee2

*Peccator, che sia dite,
Quando avanti à Dio sdegnato,
Ti sarà rimproverato
Quanto mal da te si fe?*

Per Exclamationem dices : O deplorandam peccatorum hominum stultitiam, qui per nefaria scelera effrænes ruunt ; vitam undique pudendis criminibus sædant ; & tamen, quod facere non puduit, id paucis quandoque innotescere erubescunt ! Aderit, ò infelices, aderit dies ille, cum ob oculos universi Orbis omnia peccata vestra constituentur à Deo, &c.

Per Reprehensionem: Expergiscere ad harum vocum tonitruum, O qui dormis in strato tuæ iniquitatis: Tu, inquam, cuius vita, si Ethnica non sit, Christiana quidem haud est: cujus mores vel diabolus ipse perhorrescit, siquidem insueris, & nefariis modis sacras Evangelii leges temerè dilaceras, Christi sanguinem proculcas, Dei nomen impiè blasphemias. Veniet hora, cum tu, qui vel clam, vel paucis coram hominibus, Deum hinc inhonoras, in conspectu omnium hominum, & Angelorum inhonoraberis à Deo, &c.

Per Commiserationem: Eheù! Quanto perè misereor ignorantia tuæ, peccatrix Anima ! Nescis misera, heù, nescis, quanta in fine sæculi, in ultimo illo furoris, & districtæ ultionis die te maneat confusio, cum omnia peccata tua in prospectum hominum, & Angelorum producentur à Deo, &c.

Per Interrogationem: Dic, quæso, Quicumque tu es, qui lucem fugis, & tenebras quæris, ne videantur ab hominibus mala opera tua. Credis ne futurum aliquando, ut quidquid sceleris clam, & in abscondito, nemine vidente, deprehendente nemine, perperrasti, ante tribunal Domini coram universo Mundo manifestetur ? &c.

Pro.

Proposito hoc modo Cantihculæ argumento, explanabis, & amplificabis paulatim, attingendo aliquam, vel aliquas circumstantias rei V. G. Manifestabuntur peccatorum crimina à Deo, à creaturis, ab ipso peccatore, &c. coram justis, & peccatoribus, &c. cum pudore, & dolore, &c.

Uti licebit in his Amplificationibus aliqua sententia, modò sit brevis, efficax, nec nimium frequens, item exemplo aliquo, vel similitudine; sed in recensendis exemplis summa tantum rei attingatur, & quod ad rem nostram non facit, prætereatur.

Amplificationem sequatur Moralitas, quæ ex hisdem rebus, & circumstantiis, in Amplificatione attractis, eruitur. V. G. dixisti, peccatorum crimina prodenda esse in die Judicii maxima cum infamia, & pudore peccatoris, &c. Moralitas sit hæc: V. G. Quænam igitur vècordia, ut velis æternam tunc ignominiam pati, quòd nolis parum: hinc verecundiæ in Confessione sustinere? Peccasti coram Deo, & non erubuisti; & erubescis fateri homini peccata tua? Non puduit quandoque detegere Medico occultum malum tuum, & pudet revelare Confessario lethale vulnus Animæ tuæ? Proh miser! &c.

Moralitati aliquando subnequitur actus Doloris, pro quo hæc habeto: Moralitate jam peracta, proponitur remedium generale; nempe ut ad Christum peccator confugiat, qui præsens est, non ut severus Judex, sed ut misericors Pater; non ut puniat, sed ut parcat; non ut detegat peccata, sed ut peccata deleat per nostras lacrimas, ne illorum recordetur amplius. Exaggerabitur hinc Dei Amor, Pietas, Patientia, &c. E contra peccatoris ingratitude, qui tanta benignitate abuti voluit, in eo præcipuè, quòd peccata per Confessionem abolere noluerit, & per hæc, atque alia moriva, ex

Moralitatis visceribus deducta, doloris affectum excitare conabimur.

Ad Propositum denique de peccata quàm celerimè confitendo, vel si quid est aliud, quod proponi oportuerit, adde praxim, quæ erit, ut Christum sequatur, Ecclesiam adeat, verbum Dei audiat, &c.

Hæc eadem methodus, & forma servanda est, cum vice Cantiunculæ, aliqua ex Catholicæ Fidei veritatibus in argumentum assumitur.

De iis, quæ fiunt noctu, ad terrorem incutiendum, & dolorem de peccatis commissis excitandum.

§. I I.

Hujusmodi Oratiunculas quàm brevissimas esse oportet, non congerie verborum, aut rerum multitudine refertas; sed stimulis, & aculeis plenas.

Primò igitur Veritas, in Cantiuncula contenta, proponitur modo, quo supra.

Mox breviter explicatur, & exaggeratur per aliquam circumstantiam, ut superius dictum est. Non adhibentur rationes, aut Scripturæ; non exempla, vel similitudines; sed nudè veritatem exponemus verbis gravibus, & aculeatis, quæ animos pungant.

Postremò venit ad Moralitatem, in qua arguimus, increpamus, minamur, ita ut terrore afficiatur auditor.

Et quoniam, quæ in fine audiuntur, firmiùs hærent in animo, studeatur in calce Moralitatis, sententiam aliquam apponi, quæ peccatoris memoriam

riæ infideat, & in cogitationem suæ salutis, Animæque discriminis eum sæpè mox revocet, ac trahat Habeto ideam in appposito exemplo:

Peccator, che fia dite,

Quando avanti à Dio sdegnato

Ti sarà rimproverato

Quanto mal da te si fè?

Audi, Peccator, & expavesce: audi, & contremisce. Veniet dies, cum ad horrendum tribunal Christi Judicis adductus, de omnibus, quæ contra Deum egisti, dixisti, cogitasti, judicaberis. Miserum te! quid ages, cum aperientur libri, & Deo revelante, creaturis testantibus, temet alta voce confitente, patefient omnibus peccata tua? Stabis den illo vultu, confusa facie, genis rubore suffusus, cum totius Mundi oculos in te unum defixos aspexeris. O qui dolor, cum memineris potuisse tantam verecundiam vitare, uni tantum hominì peccata confitendo, & noluisse! Quæ animi angustia, cum videris ideò flagitia tua non taceri, quia tacuisti! Quid igitur consilii capies? Quid deliberas? Unum elige ex duobus: Aut peccatum aperiat Confessio: Aut peccatum exprobrabit Confusio. Vel parumper hinc coram Confessario pudendum: vel æterna cum infamia coram Deo, Angelis, & Hominibus erubescendum.

Est & alia Forma simplicior, ac brevior: adhibeturque à Missionariis, cum plures, ac plures id generis Oratiunculæ per breve temporis spatium fieri occurrunt; & si juxta leges, & methodum præscriptam singulæ fiant, tempus non suppetit. Hæc posterior forma talis est: Primò nudè, & breviter proponatur Veritas aliqua nostræ Fidei. Mox paucis, & simplicibus verbis adiciatur aliquis sensus, qui ab Auditore perceptus, dum ejus postea memoriæ obversatur, timorem pariter, dolorèque excitandi vim habeat. Exemplum sit.

Ex-

Expergiscere, peccatrix Anima, & perpende paululum in quanto periculo verferis. Ira Dei, cui per peccatum infensa es, districto tibi gladio imminet desuper: aperto subter ore Infernus te voraturus expectat: Diabolus ipse, stricto ad collum laqueo, præfocare te contendit. In hoc lacrimabili statu si tibi dormienti mors obveniat, de te, misera, quid fiet?

De iis, quæ fiunt pro Disciplina facienda.

§. I I I.

EAdem Methodus, quam docuimus servandam in Orationibus, quæ fiunt noctu ad excitandum dolorem de peccatis, & metum, procedit etiam in iis, quæ habentur in Ecclesia post Concionem pro Disciplina faciendam; quare non est cur dicta iterum innovemus.

Unum habeo, quod Tyronem hic moneam: Si assumatur in argumentum aliquis ex versiculis Psalmi Miserere, ille potius eligatur, qui cum argumento Concionis præhabita conveniat. E. G. Si sermo fuit de Rigore Christi iudicaturi in fine sæculi, versiculus sit: *Averte faciem tuam à peccatis meis, &c.* Vel ille alius: *Ne proicias me à facie tua, &c.* Cum enim reperiantur Animi de audita veritate non dubii, & metu, ac terrore graviter affecti: facillimo negotio ad compunctionem, & lacrimas impelluntur. Si verò ab ipsa prævia concione motivum desumatur, illud ex multis, à Concionatore allatis, curetur eligi, quod Audientium animos in concione magis affectisse visum est: Eundem enim animi motum per eadem motiva innovare difficile haud erit.

De iis, quæ fiunt pro concilian- da pace.

§. I V.

EX hoc Genere Orationis fructus non modicus attenditur; ideòque cura non mediocri in ejus structura adhibenda est. Et qui dem quo ad modum.

1. Repete strictim, & summatim Assumptum præhabitæ concionis.

2. Illud idem applicabis iis, qui lethale odium foveant in animo, asseverans in eos præcipuè casurum supplicium illud, quod in concione ostensum est.

3. Probabitur aliquo efficaci Testimonio Sacræ Scripturæ, vel S. S. Patrum.

4. Confirmatur Exemplo.

5. Transitor ad Moralitatem, quæ ex visceribus ejusdem testimonii, & exempli deducitur.

6. Tandem subeat morio affectus; Et in hac parte debet Ecclesiasta totis viribus contendere, omnesque Oratoris facultatis artes adhibere, ut obduratum Ultoris animum concutiat, emolliat, ac flectat. Præter alias Figuras, ad movendum appositæ, utatur admonitionibus, & obsecrationibus. Invitet ad publicæ reconciliationis scœdera odio dissidentes, excitet retardantes; idque non semel, sed iterum, atque iterum per interiecta spatia. Proponat insuetam voluptatem, & gaudium, quo Christi cor affecerit, qui prior assurgens ad publicæ remissionis officia præstanda. Contrà verò Diaboli invidiam, qui ne Deo, &c. Angelis ejus gaudium hoc fiat, nititur omnibus modis opus tam speciosum inhibere. Quid plura? Eousque instandum, donec quis assurgat, quem

venientem Concionator benignè excipiat, inimi-
ci nomen, inimicitiaeque causas addiscat; & si nul-
la alteri infamia inde sequatur (tunc enim pa-
lam ulterius procedendum non esset; sed priva-
tim, & secretò procuranda foret reconciliatio)
inimicum nomine compellet, præsentemque in
mutuos alterius complexus ire faciat. Interim
hortetur Populum, ut læta voce laudes exolvat
Deo, Beatæque Virgini eius Matri. Exemplo res
fiet apertior.

Divinæ justitiæ mos est, Peccatores æternis
cruciatibus mancipandos, in limine Mortis affli-
gere, hoc equidem supplicii genere, ut qui à Deo
per peccata semper recessere, careant in morte
subsidio Divinæ Gratiae, nec spe ulla veniæ eri-
gantur ad Divinam Misericordiam exorandam,
quare derelicti à Deo, & spe salutis destituti, in-
ter amarum angustiae pelagus dolorum tempe-
state jactati, & ad Syrtes desperationes eiecti, mi-
serè pereant, vaticinante Isaia, *Computrescent ut
piscis sine aqua morientur in siti*; hoc est, præ defe-
ctu Gratiae, ut glossat Eminentissimus Hugo. Veri-
tas hæc facis liquet, tum rationibus, tum exem-
plis in prævia concione allatis; quare non est,
cur in ea roboranda tempus inutiliter absuma-
tur. Superest modò videndum, cui nam præcipuè
genus hoc vindictæ reservetur. Audi, ò qui odium
geris in pectore, & contremisce, &c. Tibi signatè
hoc supplicium intentat Dominus. Te præ cæte-
ris manet hæc pœna. *Qui vindicari vult* (Eccles.
28. 1.) *à Domino inveniet vindictam*. At quonam
tempore? eo scilicet, de quo Deuteron. 32. 35.
Mea est ultio, & ego retribuam in tempore; hoc est
mortis, ut explicat Caietanus. Æstuat nunc tibi a-
nimus ad vindictam? Fratri tuo parcere non vis?
Ne tum quidem parcat tibi Dominus; sed odium
pro odio, ultionem retribuet pro vindicta. *Mea est*

ultio,

ultio, & ego retribuam. Ah quoties afflicti mortis angustia, ingruente peccatorum multitudine, itruente Gehennæ metu, clamabitis ad Dominum, ut misereatur vestri: sed non exaudiet: Isai. cap. 1. 15. Cum extenderitis manus vestras, avertam oculos meos à vobis; & cum multiplicaveritis orationem, non exaudiam; manus enim vestra sanguine plene sunt. Ubi Cornelius: estis sanguinarii, crudes ad vindictam, acres ad odia. Lugebitis, miseri, iterabitis suspiria, &c. Sed non exaudiet. Odium, quo nunc exardescitis ad internicionem inimici, erit impedimento, quominus ad miserationem, & veniam flectatur Deus. Adest horrificum exemplum de nobili quodam viro, ut refert Paulus. Aringo, qui diutino persecutus odio sodalem suum, numquam adduci potuit, ut offensam remitteret. Corruptus gravi morbo, & morti jam proximus, Confessarium accersivit, fassus est peccata sua, rogavit, flevit, ingemuit: sed ad veniam promerendam non pervenit. Quin, deferente ei Sacerdote Eucharisticum Viaticum, præsentem iram Dei expertus, rugiens, ac frendens, evomit Animam in manu Diaboli. Sic moritur, qui, dum vixit, odio vixit, & vindictæ, &c. Visne tunc hanc eandem mortem obire? Perge odisse inimicum, Pacem renue, esto ferreus ad reconciliationem &c. Sed si lubet potius beatam mortem occumbere, cur odia non deferis? cur non reconciliaris fratri tuo? &c. Felicem te, si iniuriæ causas oblitus, surgens amplexaberis præsentem inimicum tuum? peccatorum tuorum obliviscetur Deus, teque morientem suos excipiet in amplexus. Eadem tibi sors obtigerit, quæ Moyfi, qui, quod alacriter pepercit offensoribus, mortuus est in osculo Domini. Deosculabitur te morientem Deus, si offensori tuo pacis osculum infixeris. Age ergo, dilectissime, surge ad pacem, confurge ad veniam, &c. Si Dei ultio-

nem in hora mortis effugere velis, si salutem diligis tuam, si beatè mori concupiscis, surge alacris ad publica reconciliationis officia: hoc Angeli, de Cœlorum foribus intuentes, cupidi expectant; hoc Deus ipse ardentè anhelat: unus dæmon hoc averfatur, unus cōtrà nititur, &c. Expectabo, ut videam utrum Deo, & Angelis eius, an dæmoni obsequi Christianus malit. O millies felix, qui prior accesserit, ut tanta Christi cor voluptate afficiat! Eia quid ulteriùs moraris, generosa Anima, &c. Jam surgit, jam venit. &c. Vivat Jesus Author pacis, & concordiz Rex: ululet, ac frendeat in invidia sua Diabòlus, &c. Accede, fili, accede verus Christi afflecla. O quàm invideo sorti tuæ! Quàm beatam mortem obibis! Da, ut nomine Jesu amplectar te; sic & ille amplexabitur te in hora mortis tuæ, &c.

De modo Catechizandi.

C A P V T I V.

Catechesis, Græcū nomen, idē apud nos sonat, ac Rerum Sacrarum doctrinam, non per litteras traditam; sed vivæ vocis ministerio auribus commissam. Hinc Catechizare, quod est viva voce docere, atque instruere; & Catechumeni dicebantur ii, qui ad hunc modum Sacris Myſteriis initiabantur.

Multiplex esse potest Materia, circā quam versatur Catechesis; multa enim habemus, quæ cū necessitate mediū, cū necessitate præcepti sunt credenda, multa, quæ facienda sunt.

Forma itidem, seu methodus Catechizandi multiplex est pro multiplicitate materiæ Catecheseos. Nos verò duplicem Catechizandi modum

dum hæc tradimus, alterum, qui Pueris convenit, & hunc Catechismum parvum appellamus; alterum, quo Populus à suggestu publicè instruitur, & hunc Catechismum grandiozem dicimus. De singulis duplici paragrapho.

De Catechismo parvo.

§. I.

Catechesis hæc habet pro materia, prima, & præcipua Fidei rudimenta; docentur enim pueri modum signandi se Cruce, Orationem Dominicam, Salutationem Angelicam, Symbolum Fidei, &c. Item agit de Christiani nomine, ac Signo Crucis, per quod Christianus dignoscitur; de Sanctissimæ Trinitatis mysterio, de Incarnatione, & morte Christi, de Corona Gloriæ Justis reposita; de pœna verò æterna iniustis parata; nam, ut ait Apost. Accedentem ad Deum oportet credere quod Deus sit, & quod remunerator sit. Quæ omnia exponenda sunt quantum ad potiora, & magis necessaria capita, prout puerorum captas tulerit. Demum traditur modus confitendi, & accedendi ad Sacram Communionem; in quo etiam ætatis ratio habenda est; alia enim maturi consilii viros, alia brevis intelligentiæ pueros decet. Formam verò, sive modum Catechizandi in hoc genere, facile per se noverit, vel mediocris prudentia instructus Catechista. Erudiendi sunt pueri, rudes, & captu exiguo; idcirco modus erit planus, & facilis, sermo simplex, & familiaris, domestico colloquio quàm simillimus. Non desint percontatiunculæ cum brevibus responsionibus, ad modum dialogi; & cum pueros ipse Catechista interrogat, laudet benè respondentes, moneat, & dulciter instruat errantes, Excitet timidos, &

pueribundos proposito aliquo præmiolo: æmulationem ingerat tardis, & inertibus. Curet demum omnibus iis modis, ac mediis uti, quæ puerili ætati instituendæ proficua, susserit Prudentia, ad quæ si necessaria Charitas accesserit, nihil erit, quod in hoc opere tam utili, tam necessario, tamque Deo accepto desideretur. Quod utinam frequens haberetur hodie ab Ecclesiasticis, nec splendoribus concionandi formis plerique se dederent; non enim essent tot parvuli, qui quærentes panem, non haberent, qui frangeret eis.

De Catechismo Grandiori.

§. I I.

AD instructionem Populi, ut diximus, secunda hæc species Catecheseos adhibetur. Ejus Materia multiplex esse potest; agi enim solet de Præceptis tum Dei, tum Ecclesiæ; De Christianæ Religionis mysteriis, de Sacramentis Evangelicis, de Virtutibus, & Vitiis, &c. Nos tantum ad Præcepta Divina, & Ecclesiastica eam restringimus; hæc enim sunt, quæ doceri Populus tempore Missionum frequentius solet.

Formam igitur, & Methodum Catechizandi in hac materia proponimus, quæ talis à P. Amadeo Baiocensi in suo Paulo Ecclesiast. præscribitur. p. 2. cap. 2. art. 3.

- 1 Proponitur Præcepti Substantia.
- 2 Distinguuntur Species Præcepti, & Partes.
- 3 Stabilietur Præcepti Obligatio.
- 4 Examinetur usus, & Praxis.
- 5 Clauditur Epilogo.

Ne ex abrupto Catechesis hæc inchoetur, præmitti potest breve aliquod Exordium, sive Introductio, quæ præparandis animis inserviat. Desumi.

mitur autem, vel à compendiosa Præcepti prædicæ explicati repetitione, subtexendo prædictis dicenda; vel à necessitate tractandi Præceptum, de quo aggredimur; vel ab utilitate, quam affert Præcepti explicandi intelligentia; Vel tandem ab aliquo aliquo motivo, quod provide Catechistæ videbitur idoneum.

Substantia Præcepti, hoc est quid sit res præcepta, proponitur, eamque exponimus, Legem nō obscurè, aut contortè, sed clarè, syncerè, & fideliter declarando; in quo juvant præ cæteris aliis locis Definitio, Notatio nominis, Descriptio, &c.

3 Species Præcepti, hoc est, partes in præcepto contentæ distinguuntur. V.G. Si agatur de honore Parentibus exhibendo; designari oportet Personas, sive Status, quibus talis honor debetur, ut sunt, Parentes, Episcopi, & Pastores, Magistratus, Domini, &c. item quid jubentur filii præstare Parentibus, nempe Amorem, Reverentiam, & Subsidium.

4 Præcepti obligatio ostenditur ex iis motivis, & rationibus, quæ obligationem inducunt. Deinde qualis sit hæc obligatio, sub mortali ne, an sub veniali: præterea casus, in quibus graviter, seu leviter violetur Præceptum.

5 Examinabitur usus, & Praxis explicati Præcepti, hoc est docebimus modum Præcepti exercendi, propositis mediis ad id conducentibus; in quo etiam excusationes, & difficultates, quæ contrà observantiam Præcepti adduci possunt, recensentur, & tamquam frivolæ refutantur.

6 Adhibetur Epilogus, qui duo efficiat. 1. breviter, & summam recenscat, quidquid in tota Catechesi fusiùs dictum est, ut auditarum rerum memoria instauretur. 2. Brevem moralitatem subtexat, omnesque ad plenam præcepti observantiã hortetur, & suadeat. Juvat etiã summope-

re novo aliquo, & idoneo exemplo Catechesim claudere; illud enim est, quod plebem rudem magis afficit, magisque ad Præceptum servandum exstimulat.

Hucusque de forma tractandæ doctrinæ in hoc secundo genere Catecheseos breviter modò monendus est Catechista, ut si fructuosam Populo suam instructionem velit, tria hæc meminerit.

1 Unde doceat. 2 Ad quid doceat. 3 Quos doceat.

1 Docetur à Pulpito, non à Cathedra, in Ecclesia, non in Gymnasio; quapropter subtiles quædam minutiae, inutilesque Scholasticorum disceptationes prorsus negligantur; nec nisi necessaria, & quæ frequentius in Populo accidere solent, explicentur.

2 Docetur ad Populi institutionem, non ad proprii ingenii, scientiæque ostentationem; idè curandum, ut lux potius fiat alienæ ignorantie tenebris, quàm propriæ lucis, hoc est laudis, quæ tenebras æternæ confusionis inducit, manifestatio queratur.

3 Docentur denique inæruditi, & rudes; idcirco pro suo captu instruendi sunt; nec plura, quàm eorum indigentia, statui, & conditioni conveniant, attingi oportet. Non omnia, quæ scitu digna sunt, sciri à rudibus decet; imò utiles quandoque est, si nesciant; ne per eam noticiam aditum sibi faciant ad peccata, quæ non noverunt. Hanc utilissimam doctrinam, à probo hujusce ætatis Viro, Animarum direttore peritissimo, sæpè commemoratam, & Confessariis enixè commendatam, semper in suis instructionibus ob oculos habeat Catechista.

De Stylo, ac Elocutione Catecheseos Grandioris.

Stylus Grandioris Catechizandi formæ debet esse simplex, & familiaris; verba usitata, propria, & perspicua. Et quoniam æqualis, & idem semper docendi modus tædium creat Auditoribus; curet Catechista non solum docere, verum etiam delectare, quod fiet; Si Figuris ad docendi Genus idoneis utatur, quales sunt Occupatio, Subiectio, Communicatio, Sustentatio, Concessio, Distributio, &c. Si res salubres, & leporibus conditas intermisceat; Si demum Exemplis, Similitudinibus, & Symbolis, quæ Intellectui non modò, sed & Memorix sunt adiumento, suam illustret, ornateque Pædagogiam.

Methodus Recitandi Rosarium.

C A P V T V.

Superest ad coronidem huiusce Opusculi, ut Methodum de publicè in Ecclesia recitando Rosario delineemus. Congregato ad id in Ecclesia Populo, postquam in suggestu, sive aliquo edictiori loco Ecclesiasta se locaverit, & Crucis signo se munierit; per brevem Introductionem præmittat ad Animos præparandos, & devotionis spiritum excitandum.

Introductio fieri poterit hoc modo:

1. Amplificetur talis Devotionis exercitium; vel quod præ cæteris Virgini sit acceptum; vel quod utilius sit Animabus nostris, & efficacius ad Divina beneficia promerenda, sive quod omnibus aliis præstantius; per hoc enim ipsiusmet Gabrielis.

briculis, Virginem salutantis, personam agimus, &c.

2. Exaggeretur attentio, & devotio, in primisque puritas mentis, quæ decet loquentem cum Virgine Puritatis Matre, hoc enim significat Ave, idest (1) sine Væ, à peccatis scilicet, quæ sunt veræ miseriæ, & vera mala, cor vacuum habere, si dignè purissimam Dei Genitricem salutare, eique nos, quo licet, modo conformare velimus. Quod si publicè olim Nero indixit, ut suæ Matris nomen immundis meretricum labiis non proferretur, quantum magis cavendum, ne purissimum Mariæ nomen sordæ mentis cogitatu, immundique oris prolatione commaculetur.

3. Monitus fiat Auditor, atque hortetur, ut prævio doloris actu conscientiam mundet; ita namque & gratum Virgini munus exhibueris & ampla gratiarum dona in præstiti obsequii vicem ab ea receperis.

Mox ad explanationem Mysterii deveniatur.

Explanatio Mysteriorum.

IN Explanatione Mysteriorum teneatur hæc forma:

Primum summa, & caput Mysterii breviter proponatur: Inde per Narrationem historiz suavius explicetur: Eruatur in fine ex aliquo ipsius Mysterii loco Virtus aliqua, ad quam imitandam hortemur Auditores: auxilio demum Virginis, quæ in ea Virtute excelluit, ad hoc invocato.

Sit Exemplum de primo Mysterio ex Gaudio-
sis. (*Proponitur Mysterium.*) Primum hoc My-
sterium.

1. Adamus Brennerus in *Salutatione Angelica*
Coronata cap. 4. §. 2.

rum Virginem, ab Angelo salutatam, nobis exhibet meditandam. (*Explicatur historia.*) Solâ domi, curis vacua, & orationi intenta erat Virgo, cum Gabriel Angelus missus est à Deo, ut Divinum Verbum ex ejus castissimis Visceribus mortalem formam assumpturum nunciaret. Ad Angeli salutationem, & verba, conturbata est Virgo; putabat enim absque suæ Virginitatis detrimento nequaquam posse id fieri. Ast ubi intellexit ab Angelo, hanc esse Dei voluntatem, quâ integrum Virginitatis florem, unâ cum fecundæ Maternitatis fructu servasset; prorinus addidit: Fiat mihi secundum verbum tuum; Et Verbum Caro factum est. (*Ergitur virtus imitanda.*) Discamus hinc Divinæ numquam voluti contrâdicere; ne in iis quidem, quæ impossibilia videntur facti; sed semper, & in omnibus Divinum beneplacitum sequamur, eique nostram mancipemus voluntatem: Quod ut facilius assequi liceat, (*Invocatio Virginis*) Virginis opem devotissimè imploremus, dicentes: Pater noster, &c.

De Narratione Miraculi.

Recitationem Rosarii claudat alicuius inauditi Exempli, seu Miraculi narratio: ut per hoc vehementius erga Dei Matrem afficiatur Populus, & per beneficia Clientibus suis à Virgine collata, excitator fiat ad hoc tam præclarum, & fructuosum exercitium prosequendum. Sed antequam exordiamur narrationem, opus est aliqua brevi introductione, seu insinuatione, quæ detumi potest,

Vel à vi, & virtute, quam habet hoc devotio-
nis genus obstringendi Virginem, ut exoret
pro nobis à Filio quidquid orantes petimus;

Vel

Vel ab alacritate, qua nobis adest quacumque in necessitate clamantibus;

Vel à firmo æternæ salutis pignore, quod per quotidianum hoc exercitium polliceri nobis possumus, juxta illud Bernardi: *Nedum difficile, sed impossibile est damnari illum, qui B. Virginem colit.*

Vel à potenti armatura, qua contra hostiles incursus per hoc pii obsequii genus munimur, & de diabolo triumphamus:

Vel tandem ab aliquo alio motivo ex iis, quæ innumera fetè pio Oratori devotio ipsa suggerit.

Illud autem præ cæteris aptius, & Arti magis consonum fuerit, si ex visceribus ipsiusmet Exempli, & rei narrandæ talis introductio eruat, hoc modo: Videatur primùm in quo consistat vis miraculi, & auxilii genus à Virgine præstiti; & ad hoc, veluti finem, sive thema per narrationem exempli, seu miraculi comprobandum, introductionem nobis paremus per aliquem ex iis fontibus, quos paulò ante expressimus, vel suprà commemoravimus, cùm de Sermone verba fecimus. Sit exemplum de quodam pio viro, ab irruptione Dæmonum in extrema suæ vitæ hora per Virginis præsentiam liberato. Aditum tibi feceris ad narrationem ita: Multa, quis nesciat? & dura sunt certamina, quæ, dum vivimus, a diabolo sustinemus: pugnat enim in nos assidue fallaci temporarium rerum specie, mellita terrenorum bonorum esca, voluptariis nostræ carnis irritamentis, quæ omnia ut superentur, ò quanto labore opus est, quanto Divinæ Gratiæ subsidio! Plura tamen, & longè duriora sunt, quibus nos morituros impetit: tunc enim venit cum magna ira, videns quod modicum tempus sibi restat; ideòque quidquid insidiarum, & virium sibi est, totum in nos effundere

dere nititur. In quanto igitur periculo tunc verfabimur? Quàm facile erit hosti succumbere, corpore languoribus prostrato, viribus morbo attritis, mente variis phantasmatibus distracta! Sed forti animo esto: Si Mariam tibi in Patronam elegeris, eique Angelicarum Salutationum rosas quotidie obtuleris, vires, & præsidium ad abigendos dæmones in illo extremo certamine tibi non deerunt. Ipsa veniet, ipsa tibi adstiterit, & veluti Sol nebulas, ingruentes inimicorum turmas præsentia sua fugaverit, uti accidit devoto cuidam viro, cuius exemplum narrare aggredior. Et statim narrationem incipias, quæ iis virtutibus floreat, quas narrationi necessarias diximus in 2. Parte Rhetoricæ.

F I N I S.

AO 1 1463617







X